

2
APOLOGETICVS LIBER
ANTONII GALLONII
CONGREGATIONIS ORATORII

P R E S B Y T E R I
PRO ASSERTIS IN ANNAL. ECCLES.
DE MONACHATV S. GREGORII PAPAE

Aduersus

D. CONSTANTINVM BELLOTTVM
MONACHVM CASSINATEM

Cui accedit Responsio de ijsdem ad alium
eiusdem Ordinis monachum.



ΑΗΛΟΣ



ΝΙΚΗ.

ROMAE, Ex Typographia Vaticana,
M D C I I I I.

SVPERIORVM CONCESSIONE

ABOLITIONISTS LIBER

ANTHONY GALLON

ПРОТАГО СИМОНА

И Н Е Т У Т С Е Н Т

RESEARCHES IN ANTHROPOLOGY.

DATE 11/02/02 TIME 14:00

2, 1915

ДОНЕЦКАЯ ОБЛАСТЬ

: 1948 年 5 月 15 日

Can we do it? Help me to do it. I am a
child. I am a child.



• 1111

30574

1800

. . . D E C I D E . . .

202,440,000 1,920,000,000

SANCTISS.^{MO} DOMINO NOSTRO

C L E M E N T I

P A P A E V I I I .

A N T O N I I G A L L O N I I

Congregationis Oratorij in Vrbe Presbyteri

gratiarum actio.



LVRIMAS, easdemq. immortales, Beatissime Pater, tibi gratias agimus, quod veri amantissimus, nec ad momentum passus sis exultare mēdacium, qui oblatum tuæ Sanctitati librum, glorioso, sed mendace huiusmodi titulo decoratum,

GREGORIUS MAGNVS INSTITVTO SANCTISS. P. BENEDICTI RESTITVTVS, ita insultantem nequaquam progredi, nisi censura æqua castigatum permiseris; sed edendum tantisper vetueris, donec a nobis recognitum, si esset inuentus acceptatione dignus, exosculemur eum; sin minus, aduersarijs scriptis per Apologeticum confutarem. Quod abs te factum summo iure, negari non potest, vt simul causam vterque suam profecuturus, accusator & reus, vna eademq. die se sisterent coram iudice, qui simul vtrumque audiens, cuius sint iura potiora, decerneret. In cuius agone certaminis, si ipsum Cardinalem Baronium, cuius interest, adesse non videt; sciat Beatitudo vestra, cum detineri grauioribus negotijs occupatum, laboriosa nimirum editione vndecimi Annalium Tomi. Sed quod magis puto verum, a certamine sese modestiæ causa subdu-

xit, ne amplissima dignitate præeminens, si descendisset
in campum, auctoritate potius quam veritate videri pos-
set vincere voluisse. Consulto igitur rem per nos agi ma-
gis placuit, qui eiusdem domus, vnde ipse est progressus,
alumni, & iisdem litterarum studijs assueti, huiusmodi
suscepimus haud inuiti, sed summa alacritate prouinciam,
eo quod a contraparte stare senserimus veritatem. Quid
tandem in his scribendis paucis hisce diebus præstiteri-
mus, virorum eiusdem facultatis doctissimorum sit iudi-
cium. Interim vero te ipsum, Beatissime Pater, ex Apo-
stolico tibi diuinitus munere impertito, custodem veri-
tatis, & vindicem imploramus, & protectorem. Vale.



R. P. DOMNO
 CONSTANTINO BELLOTTO
 MONACHO CONGREGATIONIS
 CASSINENSIS,
 PRAEPOSITO S. MICHAELIS A THELIORE.
 ANTONIVS GALLONIVS
 Presbyter Congregationis Oratorij,
 spiritum veritatis.



I cœpero ab ipso titulo, Constantine, tuum discutere librum, plane inuenio, de te dici posse, quod cecineris triumphum ante victoriam, confusus nimirum te vinci non posse, quem tot auctorum, quos ante ipsum exordium operis ostentans enumerasti, turba circumdet. Poterit apparatus iste tuus perterrefacere pusillo animo homines, vt olim numerosus exercitus Regis Syriæ famulum * Elifæi, sed vnus omnes tunc valuit cæcitate percussos captiuos *a 4. Reg. 6.* ducere in triumphum. Astat pro nobis (certo scias) instar Elifæi, Gregorius Magnus, qui omnes istos tuos arguat cæcitatis, conuincat erroris. Vnus hic nobis pro omnibus, qui omnes superet auctoritate, quod ei soli de se ipso testanti magis credere iure debeant veritatis quique cultores, quam mille alijs diuersa ab eo scribentibus, qui post plura sæcula vixcrint, hæc occasione gloriosi tui libri dicta sunt.

Cum vero ab operis inscriptione descendendo ad liminarem epistolam, eandemq. nuncupatoriam, datam sanctissimo Domino nostro Papæ Clementi; statim occurrit quod sit correctione maxime dignum, dum S. Benedictum nominas omnium monachorum parentem: quia ne dicere possis, omnium, Orientales aduersantur monachi, qui alijs se parentibus ortos, Antonio, Pachomio, atque Basilio gloriantur, cuius se esse filium idem sanctissimus Benedictus in suis Regulis profitetur. Sed vt nec possis referre, quod dicis, ad omnes Occidentales monachos; repugnant ij, quos S. Ambrosius, Hilarius, Martinus, Cassianus, Honoratus, Cesarius, & alij instituisse reperiuntur in Gallijs: vt dicere prætermittamus de monachis Hispanis & Africanis, ijs videlicet, qui ante S. Benedictum excoluere vitam monasticam: quorum ipse nullo modo dici pater possit & auctor, quorum ingens fuisse numerus reperitur. Adeo vt laciniosa laudatio ista tua sit veritatis fibula constringenda, contrahendaque, & suis limitibus coarctanda; nimirum vt S. Benedictus pater dici debeat monachorum, illorum dum-

dumtaxat, qui sub ipsius Regulę instituto monasticam vitam exercuerunt. De ijs autem, qui eodem titulo vsi dicuntur, dicendum erit inferius, cum Zacharię Papę priuilegium, ex quo ista hauserunt, perspicua lace ostendemus esse omnino adulterinum.

Occurrit post hac nobis præfixum abs te tuo operi argumentum. De quo antequam incipiam aliquid dicere, & reliqua profsequi, atque campum ingredi disputationis amplissimę; te ipsum monitum velim, vt cum euenerit nos de rebus S. Gregorij sententia discrepare, charitas tamen Christiana inter nos integrę perseueret in vinculo pacis, etiam si disputationis impetu (vt assolet) alterum nostrum contingat aliquando ferri licentius trans fines illos, quos præscripsisset sibi seruandos; cum alioqui esse soleant etiam & vulnera illata ab amico proficua. Ceterum quod Apolosolus moneat: ^a Noli contendere verbis; ad nihil enim est vtile, nisi ad subuersionem audientium,] haud in animo est te sic sequi per longissimos & sinuosos illos tuorum dialogorum anfractus, vt obuiantia friuola redarguam, sed cominus pede collato conferens manum, in ea, quę noscuntur maioris esse momenti, consurgam; infringam vero ea potissimum, quibus impugnasse falso inueniris Annales Ecclesiasticos: vt sic eos omnes, in quos es illapsus errores, corrigere possis, in primis vero calumnias, atque etiam falsitates enormes, quibus tua ipsa scripta conuincuntur esse repleta.

Vt autem, Lector, omnia, de quibus est controuersia, eadem singula facillime intelligere possis; hic ea verbatim, prout in Annalibus scripta sunt, reddenda putamus. Ac primum Baronius res gestas S. Gregorij ab eius præfectura Urbana sic incipit: ^b Hoc eodẽ anno Christi DLXXXI. & Pelagij Papę Secundi anno quarto, & Iustini Iunioris Imperatoris anno decimo-sexto, Laurentius Iunior post Frontonem creatur Episcopus Mediolanensis ecclesię; moxq. ad Pelagium Papam, vt in communionem Catholicam reciperetur, scripsit libellum, quem, Cautionem, Gregorius Papa appellat, qua se auerfari (schismaticos, & in causa Trium Capitulorum Romanę inhærere Ecclesię profitebatur. Cui quidem libello cum complures nobiles Senatores subscripserint; etiam Gregorius, qui postea fuit Romanus Pontifex, cum hoc tempore Urbanam gereret præfecturam, suum apposuit chirographum, vt ipse testatur in epistola ad Laurentij successorem Constantium. Subscribere autem ipsi Senatores, idemq. præfectus Urbis Gregorius tamquam fidei iussores Laurentij ipsius Mediolanensis Episcopi. ex quo intelligas, cur idem Gregorius ipsum Laurentij libellum fidei nominet Cautionem. Cum igitur hæc ipsius Gregorij Papę testificatione adeo manifesta sint: vides quam longe ab historica veritate aberret Ioannes diaconus, dum in vita S. Gregorij Papę tradit, ab eodem, qui scilicet Pelagium præcessit, Benedicto Papa ipsum Gregorium ex monacho, inuitum licet & renitentem creatum fuisse diaconum Cardinalem S. R. E. Insuper, quod antequam hoc Benedictus Papa aggrediretur, ipsum adhuc monachum Gregorium miserit in Britanniam insulam ad conuersionem gentis Anglorum, sed tumultuantibus ciuibus ab eodem reuocatum, & inter diaconos cooptatum. hæc quidem Ioannes diaconus tradit, sed quam fabu-

^a Annal. rom.

^b 7. anno 581.

fabulose, tu ex modo citatis eiusdem Gregorij scriptis iudex eris. Aggrefuri itaque iam nos ordine temporum res mirifice gestas eiusdem S. Gregorij recensere; quoniam continget interdum a Ioannis diaconi, qui vitam eius scripsit, sententia discrepare: hoc ne nimium audax alicui videri possit, cum auctor absque reprehensione hæcenus lectus fuerit: hic primum de ipsius auctoris tempore, quo scripsit, paucis agendum putamus. Cum igitur ipse in eadem scriptione meminerit Leonis III. Nicolai, atque Hadriani Romanorum Pontificum, inscribatq. opus illud ad Ioannem Romanum Pontificem eius nominis Octauum ordine, qui sedere cœpit anno Domini octingentesimo septuagesimosecundo: iam liquet, post hæc trecentis ferme annis eos libros elaborasse.] & inferius: Sic igitur haud quisque prudens in verba auctoris dixerit esse iurandum, qui post annos (vt dixi) ferme trecentos ea de S. Gregorio scriptorum monumentis posteris commendauit: cum alioqui etiam, si eodem tempore cum S. Gregorio ille vixisset, a perspicua veritate refelli siue ipse, siue alius, minime refugere iure possit; eoq. magis, si ex ipsiusmet Gregorij scriptis auctor redarguendus erit] hæc Baronius in Annalibus.

Tu vero, Constantine, hinc sumens tuorum dialogorum exordium, totus in eo versaris, vt Ioannis diaconi auctoritatem reddas irrefragabilem, sicq. ab argumento trium tuorum colloquiorum, quod operi præfixisti, iam incipiens, totus verferis in laude ipsius Ioannis diaconi. Inde vero acerrime in eos inueheris, qui hac nostra ætate in nonnullis aliter sentiant, quam ipse scripserit, & certe quidem, etsi non expresso nomine, perstringere te tantum Cardinalem Baronium multipliciter inueniris. sed toleranda tamen ista, atque dissimulanda. Quod vero inferius de Ioanne diacono longissimam * disputationem intexens, eo demum rem ipsam perducis, vt ipsum Ioannem (dictu mirandum, sed execrandum) quintum constituas Euangelistam; quid dicam, nisi poeticum illud:

Spektatum admissi risum teneatis amici?

a Pag. 29. v. f.
que 47.

Orat. art.
poet.

Arguar calumniator, & calumniantium plectar pœnis, causa cadam, nisi hoc ipsum Lectori aperta luce inspiciendum, ac manibus contrectandum ostendam. Vbi enim plurima de Ioanne ipso summe exaggerans intulisti, quod Ioannis Papæ iussu scripserit vitani sancti Gregorij, eamq. ex Apostolicæ Sedis scrinio in primis acceperit, scriptamq. idem Pontifex comprobauerit: ex tali tantaq. assumptione conclusionem eam deducis, quam cum mea sententia minime esse Catholicam existimarem; qualis tamen sit illa, supremo Tribunali, cui præsidet ille qui clauum tenet & clauas, ipse Romanæ Ecclesiæ Pontifex, relinquimus examinandam. Quznam sit ista, velim, Lector, ex verbis eius accipias, quæ in primo colloquio habet. sunt hæc ipsa ^b ad apicem vsque fidelissime reddita; Frustra igitur illos niteris refellere, cum eos probauerit Ecclesia. Aut ergo Ioannem ipsum cum scrinio Apostolico, & Scriptoris illis, quos auctores habuit operis sui, immo Ecclesiam Romanam, quæ eius scripta (vt audisti) approbavit, & publicari præcepit, & ecclésijs legenda tradidit, recipies: aut certiores auctores ipsa Ecclesia proferes. Quod cum facere

b Pag. 37.
vers. 15.

facere non poteris (haud enim fieri potest) velis, nolis, cogeris Ioannis auctoritatem, quin potius ipsius Ecclesiae Romanae illis tuis recentissimis Scriptoris praeferre.]

His quidem id tu niteris, Constantine, vt afluere velis, quod omnis liber, quem Ecclesia Romana probauit, & legendum concessit, eundem ipsum quilibet, velit, nolit (vt ais) in omnibus recipere teneatur, vt in nullo ab ipso debeat discrepare. Sed hoc tantum esse priuilegium sacrorum librorum, quos Ecclesia canonicos comprobauit, quis nescit? Ad eandem vero regulam omnes ab Ecclesia probatos libros aptare velis, quantum piaculum? Indulgendus tibi forte hic error esset, quod calore disputationis (vt assolet) impetuq. concitatus, nesciens terminos sis transgressus; nisi haec eadem tu ipse, per eandem lineam deducens ferram, saepe & fortius repetiisses, atque constanter affirmasses. nam & haec tu ipse inseris: Cum Ecclesia Romana, quae semper fuit magistra veritatis tradendae & tenendae, comprobauerit, & sua auctoritate publicauerit scripta Ioannis, & ideo vera esse credantur: non quia indubitanter credendum esse Ioanni existimemus; sed quia certo tenemus ea, quae approbauit Ecclesia esse vera.] & paulo post: Quare cum Ecclesia probauerit, quae Ioannes memoriae tradidit de tanto viro; iam non licet aliter sentire, quam ipsa sentit.] & rursum: Nos enim consueuimus eam amplecti veritatem, quam praedicat & profitetur ipsa Romana Ecclesia, vtpote ore vasis electionis laudatam, perpetua Pontificum successione firmatam, sanguine tot sanctorum Martyrum consignatam, doctissimorum virorum vniuersi orbis scriptis celebratam, & vsque ad haec nostra tempora protensam & seruatum. Hanc itaque tenemus, & pro hac vitam millies in die, si fieri posset, & necessitas exigeret, profunderere parati sumus. cum certo sciamus extra hanc salutem non dari. Licet igitur Angelus de caelo aliter nobis euangelizaret, quam ipsa his ferme mille annis de Gregorio nos docuit: nequaquam tamen ab eo, quod ipsa approbauit, recedendum esse ducimus: Neque enim est alia domus, in qua liceat agnum comedere, quam haec ipsa Ecclesia Romana.]

Audisti, Lector, quo altitudinis & eminentiae prouexerit iste Ioannis diaconi scripta de sancto Gregorio Papa: vt eius sententia ab illis recedere nefas sit, etiam si Angelus de caelo aliter annuntiauerit: ac si fidei decreta essent eundem quae ille scripsit, quae non liceat cuiquam non credere, non tenere; vt iam eius sententia, nouum Euangelium secundum Ioannem diaconum appareat ab Ecclesia receptum. Quis ista crederet a viro Catholico asseri potuisse, nisi ipsa eius verba scriptis consignata docerent? sed adhuc, Lector, audi, quam fixus persistat, figatq. pedes in ista sententia. subijcit inferius haec: Ecclesia comprobauit quod conscripsit Ioannes: & certe credi debet, non quia illud scribit Ioannes, sed quia id comprobauit Ecclesia. At videri nolle credere, quod fide dignum decreuit Ecclesia, immo contrarium asserere, quid illud sit, me tacente, pii auditores intelligunt.] Perspicias ne, Lector, quid sentiat Constantinus? nempe non recte credere quod credit Ecclesia, qui non credit, quod scribit

Ioannis

a pag. 39.
vers. 27. &
ult. pag. 40.

b pag. 44.
vers. 13.

Ioannes ipse in vita S. Gregorij, quam dicit ab Ecclesia comprobata[m]. Vt plane, licet præ verecundia non expresse[re]t, veritus in Baronio amplissimam Cardinalatus dignitatem, pro conscientia tamen sua ex deductis in consequentiam, demonstrare quidem voluerit hæreticum esse ob eam causam, quod non receperit omnia, quæ a Ioanne scripta sunt in vita Gregorij, quam dicit ab Ecclesia comprobata[m]. Quid ad ista Baronius? dices. Risit, hominis inficitiam admiratus, qui in ipso disputationis ingressu sic grauius lapsus sit. Vt ex his, qualia esse possent, quæ ab ipso subduntur toto ipso suorum dialogorum cursu, haud falsus coniector extiterit.

Sed adhuc tu, Lector, audi, quæ paulo inferius, persistēs in sententiā, dicat; nempe esse impiū recedere ab eiusdē Ioannis sententiā, in his quæ de S. Gregorio scripsit. ait enim de Ioanne & alijs, qui sunt eum secuti: *a pag. 45. vers. 3.* Tantorū vero virorum sententiam dannasse, immo Ecclesiæ, quam impium videri possit, nemo nisi qui sensu caret, ignorat. & inferius perstans solidius in stultitia huius erroris, subiicit ista verba: *b pag. 46. vers. 20.* Si non admittis quæ scilicet Ioannes diaconus scripsit: liquido constat, te non probare quæ comprobauit Ecclesiā: & sic certi sumus, quo pede claudices, cum te adeo obfirmatum in tua suspitione ostendas, vt ea te liberari penitus nolle videaris. Quo fit, vt nec Ecclesiæ credere te velle innuas, quam tamen tanti facere existimaris.] En tu ipse vides, Lector, quam non Baronio probe noto, sed sibi potius irroget ignominiam monachus iste, curandus helleboro, seu potius virga vel alapa *c Benedi. & qualē inuret notū Congregationi Cassinensi, quæ credatur doctiorepi elegisse monachum ad refellendas Baronij de S. Gregorij monachatu sententiam. Siccine, venerandi patres, librum haud diligenter cognitum, in omnium vestrum dedecus prodire sinuisti?*

At docendus tu, Constantine (ad te in primis scribimus ista) docēdus inquam fuisses, qua distinctione ipsa dicatur sancta Romana Ecclesia probare libros. Non enim (vt putas) omnes, quos Ecclesia probat libros, eos firmissimæ esse vult auctoritatis, vt sunt Hagiographa, ipsa videlicet sacra Scriptura, quæ ex libris constat, quos Canonicos appellamus; quorum dumtaxat illud est priuilegium, vt salua Fide Catholica, nihil ex ijs, quæ ibi sunt scripta, in dubitationem liceat reuocare; ceterorum autem receptorum ab Ecclesia librorum secus, etiam si ipsorum sint præcipuorum Ecclesiæ magistrorum, quos præ dignitate nominamus Doctores Ecclesiæ, vt Augustini, Hieronymi, Ambrosij, atque Gregorij. nam audi quod de se ipso S. Augustinus *d scribat in prologo tertij libri de Trinitate: Noli meis litteris, quasi Canonicis Scripturis, inferuire; sed in illis & quod non credebas, cum inueneris, incunctanter crede. In nostris autem quod certum non habeas, nisi certum intellexeris: noli firmum tenere.] & ad S. Hieronymum epistola: *e Ego solis eis Scriptorum, qui iam Canonici appellantur, didici hunc timorem honoremq. deferre, vt nullum eorum scribendo errasse audeam credere; alios autem ita lego, vt quantalibet sanctitate & doctrina polleant, non ideo verū putem, quia ipsi ita senserūt, sed quia mihi per alios auctores, vel canonicas, vel probabiles rationes, quod a vero non abhorreant, persuadere potuerunt.] eadem quoque habet in**

a c. 9. *diff.* 9. epistola ^a ad Vincentium quadragesima octaua. Sed & ad Fortunatianum
b c. 10. *diff.* epistola centesima vndecima istis verbis: ^b Neque quorumlibet disputa-
ead. tiones, quamuis Catholicorum, & laudatorum hominum, veluti scriptu-
 ras canonicas habere debemus; vt nobis non liceat, salua honorificen-
 tia, quæ illis debetur hominibus, aliquid in eorum scriptis improbare,
 atque respuere, si forte inuenerimus, quod aliter senserint, quam veritas
 habet.] hæc Augustinus, quæ omnia Gratianus intulit in Decretorum li-
 brū. Disce igitur Constātime, quibus scriptis eiusmodi prærogatiua debea-
 tur, nempe tantum Canonicis, vt nihil ex eis debeat in controuersiam re-
 uocari. de reliquis minime; vt caueas, ne rursus in eiusmodi monstruo-
 sos errores impingas; sed scias sic probari ab Ecclesia Romana cuiuscum-
 que scripta ab ipsa recognita, vt nihil in eis contra Fidem Catholicam, vel
 bonos mores conscriptū habeatur: ceterum si quid minus verū insit in eis,
 cuicumque volēti redarguere liberum esse finit. sicut tibi disputare aduer-
 sus Baronij Eccles. Annales non negatur, quos ab eadē probatos liquet Ec-
 clesia, vt apparet ex diplomatibus Pontificijs de his datis: quod tu non po-
 teris ostendere factum in eiusdem Ioannis diaconi libris. vt intelligas, quā
 etiam ex hac parte potior sit conditio eorūdem Annalium, quam Ioannis
 diaconi scriptorū. Adeo vt si verum esset, quod dicis, probata semel ab Ec-
 clesia non licere amplius, vera ne sint, in dubitationem reuocare, & aduer-
 sus ea sentire: grauius tu peccasses aduersus posita in Annalibus scribēs,
 quam ipse aduersus Ioannem diaconum. At non hoc sibi Baronius vendi-
 cat priuilegium, qui lucubrationes suas omnibus qui contradicere velint,
 libenter exponit, vt veritas controuersa magis eluceat.

Ceterum si Baronius scriptis ipsius Gregorij Papæ magis detulit quam
 Ioanni diacono, quid peccauit? quis adeo amens, qui non asserat Gre-
 gorio Papæ magis, de rebus præsertim suis, quam Ioanni, vel mille simili-
 bus esse credendum? Quæ iniuria irrogatur Ioanni diacono, si ipsi Gre-
 gorius præferatur? Honori habenda eius scripta quis neget? sed numquā
 profecto, vt in matriculam transeant scriptorum Canonicorum, vt nihil
 ex eis possit in dubitationem reuocari, & erroris argui. At nonne satis
 donatum Ioanni ab ipso Baronio, dum non vocatur in suspicionem frau-
 dis, quod prætermisso Abbate illo Valentio iam tertium ab ipso S. Grego-
 rio suo Abbate nominato, supponit loco ipsius quemdam consuetum Hila-
 rionem: cum sciret per Abbatem illum a Gregorio ita sæpe nominatum,
 ipsum a Benedictinis omnino seiungi, sicq. ex eo frustrari penitus quod co-
 naretur asserere, S. Gregorium fuisse S. Benedicti Regulæ professorem?

Tu vero in his quæ inters, quotupliciter peccaueris, vt te corrigas, ostē-
 demus. Quod enim dicis, ^c ex Ioanne acceptas esse lectiones, easq. in Bre-
 uiarium Romanum illatas: inde scilicet arguis, non licere amplius Ioannis
 eiusdem scripta in controuersiam reuocare. At neque Breviarium ipsum,
 præter lectiones ex scripturis Canonicis excerptas Romana Ecclesia re-
 citandum ita tradit, vt omnia quæ in eo sunt, velic locum obtinere scriptu-
 rarum Canonicarum. Nam si ita esset, cur correctioni exposuit illud Pius
 Papa Quintus, cum fuerunt loca nonnulla correctā? cur nuperrime sub
 Clemen-

Clemente Papa Octauo recognoscendum iterum idem est traditum , cum loca pleraque sunt emendata? Nā inter alia illud ipsum, quod Ioannes diaconus asserit de Cardinalatu Gregorij sub Benedicto Papa, est correctū, vt fuerit Benedicti ipsius nomen sublatum, quod tandem viri docti id senserint apertum esse mendacium. Quod igitur sæpe corrigitur, mutatur, augetur, & minuitur, procul abest (quod tu putas) vt debeat inter Hagiographa numerari, & eodem cum illis priuilegio frui.

Sed & in eo corrigendus es, dum asseris, nō licere a Ioanne cōscriptas res gestas S. Gregorij reuocare in controuersia, eo quod ipse testetur accepisse *a pag. 16. vers. 16.* se illas ex * Scrinio in primis Romanæ Ecclesiæ, & aliunde ex Scriptoribus veteribus, vt ipse testatur. Etenim responderi potest, ea quæ deducuntur in controuersia, non esse ex illis, quæ collegit ex Scrinio, sed quæ aliunde quæsiuit, quod & firmiter quoque possemus asseuerare. Nam quæ de S. Gregorio accepit ex Scrinio, quis non intelligat fuisse ex epistolis eiusdem sancti Pontificis, ex quibus idem Ioannes optimam partem eius vitæ contexit? Nam & hoc ipse testatur Ioannes in fine præfationis, dum ait : Si cui autē aliter visum fuerit, vt asiolet, ad plenitudinem Scrinij vestri recurrens, tot chartaceos libros epistolarū eiusdem patris, quot annos probatur vixisse, reuoluat.] sic igitur, tūc in eo verum sit quod subijcis: *b pag. 47. vers. 19.* In quo scilicet Scrinio vtique non seruantur nisi ea, quæ ipsam Apostolicā Sedem approbasse cōstare potest, & quæ in Acta publica redacta, & fide minime dubia per ministros legitimos ipsius Ecclesiæ confirmata, quæ ad eruditionē certam futurorum seruata in Tabulario eiusdem Ecclesiæ summa fide, & diligentia custodiuntur.] sed quod paulo post in fine paginæ vniuersæ ita pronuntias: Cum ergo Ecclesia approbet, quæ in suo seruantur Scrinio, & ex eo hauserit Ioānes, quæ de beato Gregorio cōscripsit: luce clarius est, ea quæ scripsit, Ecclesiam comprobasse, saltem quoad fidem historię spectat.] Hæc tu Constantine, cum dicis, propemodum facis, vt tui causa erubescamus, cū etiam ipsum totū Scrinium Apostolicum velis efficere Hagiographum, vt nihil ex ijs, quæ in eo reperiuntur, erroris argui possē contendas. At vbi tot surreptiones, quas nōlens & inuita Sedes Apostolica iugiter pati solet? solius Dei est, qui cor intuetur, his posse carere, & in omnibus rebus, quæ deferuntur ad tribunal Ecclesiæ, cognoscere & discernere falsum à vero; homines autem, & ipsum etiam Papam in his quæ sunt facti, falli posse & decipi, quis nesciat? Et ne aliunde quam ab ipso Gregorio *c Greg. dial. lib. 1. cap. 4. in fin.* de his testimonium petamus: audi quid de Romanis Pontificibus subreptionibus expositis dicat: Miraris Petre, quia fallimur, qui homines sumus?] & paulo post: Quid ergo mirum, si ore mentientium aliquando in aliud ducimur, qui Prophetæ non sumus? Multum vero est, quod vniuscuiusque Præfatis mentem curarum densitas vastat; cumq. animus diuiditur, fit minor ad singula; tantoq. ei in vna qualibet re surripitur, quāto latius multis occupatur.] hæc Gregorius de Romanis Pontificibus potissimum loquens. Quod vero ad Scrinium pertinet, vt locum hunc paucis concludā, minime obscurum est, per Scrinium, sumendo partem pro toto, intelligere voluisse Ioannem diaconum ipsam Bibliothecam Apostolicam, in qua (vt

ex ipso audisti (asseruarentur inter alia tot volumina epistolarum S. Gregorij, quot annis vixit in Pontificatu. Dicere autem, quod numquam auditum fuit, omnia, quæ in Bibliotheca Apostolica sunt recondita monumenta scripturarum, ipsa esse Hagiographa, vt nihil ex his in controuersiam duci possit, inaudita dementia est. sed iam reliqua prosequamur.

Quod autem Baronius in Annalibus, eodem anno DLXXXI. asserat eiusdem S. Gregorij auctoritate, monachatum ipsius ante illum annum minime contingere potuisse, cum eo ipso anno, eius testificatione appareat, Vrbani illum præfecturam gessisse; tu Constantine, summo conatu hæc impugnare laborans, quid non facis? Ipso igitur Dialogorum tuorum ingressu de tempore monachatus S. Gregorij aggrediens pertractare, quoto scilicet anno Redemptoris acciderit, longissimam disputationem texuisti, ac demum totus anceps, dubiusq. sententia, prætermisissis antiquioribus, Vrspergensis Abbatem, qui post quingentos & amplius annos a S. Gregorio vixit, es secutus, ^a dicentem, S. Gregorium anno salutis quingentesimo quinquagesimooctauo monachum Romæ claruisse. Exaduerso autem pugnantem Baronij sententiam vt conuelleres, mare & aridam circuisti, qui ex tempore Vrbani præfecturæ Gregorij, (qua durante, certum est eum monachum non fuisse) colligit, ipsum non ante dictum annum Domini quingentesimum octogesimumprimum potuisse monachum esse, quo anno ipse probaretur eandem præfecturam gessisse. Tu vero dum ipsum redarguere, conatus es, primum quidem intulisti calumniam, dum istud non nisi Anonymorum auctoritate assertum dicis. ^b Verum quod non Anonymos (vt calumniaris,) sed certos & nominatos auctores ab eo esse citatos in Annalibus, vbi de his agit, inuenerimus, certe quidem tu ipse mendax argueris. quomobrem ad redarguendam calumniam, hic Baronij verba recitanda putamus, quæ sic se habet posita in Annalibus, dicto anno quingentesimo octogesimoprimum: ^c Cum igitur cõstet de anno quo Laurentius defunctus est, appareatq. eum sedisse annos duodecim, sedereq. cœpisse, anno Domini quingentesimo octogesimoprimum (vt omnes, qui res ecclesiæ Mediolanensis ^d prosecuti sunt, & ex eiusdem ecclesiæ monumentis seriem Episcoporum texuerunt, affirmant) nihil est, vt dici possit, a Benedicto Papa Gregorium creatum esse diaconum Cardinalem, siue monasticam vitam excoluisse, cum hoc ipso Laurentij tempore, adhuc laicum præfecturam Vrbani administrasse pateat. Porro quod hoc eodem anno initium Episcopatus Laurentij contigerit, cum Gregorius Præfectus Vrbis vna cum alijs nobilissimis viris subscripsit Laurentij de communione cum Romana Ecclesia Cautioni: colligi satis potest ex veteri instituto, quod esset in more, vt simul ac quis creatus esset Episcopus, fidei professionem mitteret ad Apostolicam Sedem, prout ab eius successore Constantino in sua electione factum apparet ex eadem epistola ad eum data, ^e cum eundem tradit scripsisse similem Cautionem de Trium capitulorum damnatione, cuius causa tres Episcopi ab eius se communione diuiserant. At vero ante Laurentium Fronto, & ante Frontonem Honoratus (sic legendum loco Honorij) rexit Mediolanensem ecclesiam, qui & eo tempore fuisse

^a pag. 18.
vers. 6.

^b pag. 23.
vers. 7. &
pag. 30. vers.
27. & alijs locis.

^c Annal. rom.
7. ann. 381.

^d Pannin. &
Gallus. in
vitis epist. Med.
diolan.

^e Greg. lib. 3.
epist. 1.

fuisse reperitur, teste ^a Paulo diacono, cum Alboinus inuasit Italiam, Indictione tertia, anno Domini quingentesimo septuagesimo, vt apparet, ipsum cum successore Frontone vsque ad Laurentium implese decennium.] hzc in Annalibus. In quibus dum de Laurentij creationis tempore, quoto Christi anno cœpit sedere, ab eo auctores nominatim non ponuntur in textu; hinc tua accusatio calumniosa prodijt, quod Baronius Anonymis id ipsum probare conatus sit. Verum quos non nominauit in textu, nonne in margine constat posuisse eorum nomina, quos citauit? Quomodo ergo tu dicis, cum non nisi Anonymos ad sua probanda citasse? sed si non vidisti, arguendus tu ipse es cœcitat, qui ob oculos posita minime videris. Quin etiam in textu positam in fine certi auctoris, nempe Pauli diaconi, auctoritatem non legisse videris, dum eam de Anonymis calumniam ingeris. siccine bona fide res agitur? Ita quidem vehemens contradicendi libido, vbi semel animum alicuius inuasit, veluti fascino quodam, mentis atque etiam oculorum lumine hominem priuat. His confutatis, videamus, an reliqua ibi posita firmiter solideq. subsistât. Quæ vt accipias, ipfius vim repetam argumenti, quo Baronius monachatum S. Gregorij non ante annum Domini quingentesimum octogesimum primum posuit:

Cum, inquit, ille monachus esse non potuerit, nisi post absolutum præfecturæ munus; huius autem functione adhuc reperiretur, ipso ^b testante, constriktus eo tempore, quo Laurentius Iunior est creatus Mediolanensis Episcopus, quod contigisse ponitur dicto anno octogesimo primo post quingentesimum: necessario inferitur, vt ante tempus illud Gregorius esse monachus non potuerit. Quod autem eo anno & non ante, Laurentius creatus fuerit Mediolanensis Episcopus, citati sunt ab eo auctores, qui res Mediolanensis ecclesiæ exploratas habuere, Panuius & Gallestinus; quibus magnopere fauere reperiatur antiquitate & auctoritate ceteris præferendus Paulus diaconus, qui cum ante annos decem ponat præfuisse ecclesiæ Mediolanensi Honoratum Episcopum, post quem ex recepta etiam abs te sententia Fronto successor eius decem annis sedisse dicatur: plane nullus datur locus, vt Laurentius ante dictum tempus sedisse potuerit. hzc cum ita sint tanti auctoris testificatione firmata, nempe vt anno vnde septuagesimo post quingentesimum ante Laurentium & Frontonem sederit Honoratus Mediolanensis Episcopus: quomodo tu cum Vrspergensis asserere potuisti, iam anno Redemptoris quingentesimo quinquagesimo octauo monachū claruisse Gregoriū, qui de se ipso testetur, tempore adhuc sedisse Laurentij, Vrbanam gessisse præfecturam? Tu vero quod ea auctoritate Pauli diaconi nimis te perstringi sentires; in tota illa tua longissima disputatione, eius tamquam si non esset, nullam penitus mentionem habuisti, cum eam legisset apud Baronium, ea potissimum auctoritate nitentē, quam licet inuito hic ob oculos legendam propono, sic enim ^c ait: Alboinus igitur Liguriam introiens, Indictione ingrediente tertia, tertio Nonas Septembris, sub temporibus Honorati Archiepiscopi Mediolanensis ingressus est.] hzc Paulus, optimi historici perfunctus officio certam consignat temporis rationem die certa & Indictione certa. Quibus cum & cer-

tum

^a Paul. diacon.
lib. 2. cap. 15.

^b Greg. lib. 3.
epist. 4.

^c Paul. diacon.
lib. 2. cap. 12.
vol. 25. edit.
Plant.

tum annum Domini significari quingentesimum vnde septuagesimum, dubitari non possit, cum ante biennium, nempe Indictione prima, eiusdem Alboini in Italiam recensetur ingressus: perstringeris vtique eadem Pauli auctoritate, vt ante sexagesimum nonum post quingentesimum Domini annum ponere nullo modo possis S. Gregorij monachatum. Rursus vero vrgeris S. Gregorij auctoritate, vt non ante dictum Laurentij Episcopatum potuerit esse monachus, qui ipso adhuc eius ingressu reperiretur fuisse Praefectus Vrbis. Sic tu inclusus duplici muro, velut ergastulo coarctaris, altero Pauli diaconi, quo prohiberis referre monachatum S. Gregorij ante annum Domini quingentesimum vnde septuagesimum; altero S. Gregorij ex praescripto tempore praefecturae, vt neque ante illud tempus dicere possis S. Gregorium fuisse monachum: siquid nullo modo monachatum latioribus valeas terminis definire. Cum igitur (vt dictum est) auctoritate Pauli diaconi liqueat, dicto anno Domini vnde septuagesimo post quingentesimum fuisse Mediolanensem Episcopum, Honoratum, eumq. & successorem ipsius Frontonem explese decennium in ea functione: iure Laurentius sedisse ponitur ab iisdem citatis auctoribus, dicto anno octogesimoprimum post quingentesimum, quo (vt dictum est assertione Gregorij) ipsius Urbana contigit praefectura.

Eiusmodi igitur ex S. Gregorij Papae, atque Pauli diaconi auctoritate, cognito certo termino temporis praefecturae S. Gregorij dicti anni octogesimoprimum post quingentesimum, ante quod tempus esse monachum minime potuisset: quando post haec ipsum fieri monachum contigerit, Baronius certi nihil affirmat, nisi quod octogesimotertio post quingentesimum anno ab eo ponitur eiusdem Gregorij diaconatus a Pelagio Papa collatus, cum abductum a monasterio eum misit Constantinopolim. Aduersus autem ista cum tu multum obstreps multa congeras, nihil praeterea facis, nisi vt in eachinnum soluas ora legentium. mentiar, nisi tu ipse sentiens ista (si sapias) pro conscientia esse vera profiteri cogaris. De his acturi, ea primum tibi ob oculos ponimus, quae calumniose nimis a Baronio asserta affirmas, quae ipsum vniquam dixisse, nullo pacto poteris reperire. Quae sint autem ista, ex tuis ipsius verbis sic reddimus, quibus haec dicens frequenter repetere consueuisti de Baronio: Apertissimis, ais, verbis significasti, octogesimoprimum anno supra quingentesimum praefecturam Urbanam egisse. Sequenti anno monasteria sex in Sicilia, & septimum in Vrbe Roma aedificasse, & octogesimotertio supra quingentesimum monachum effectum. Hae tu de Baronio, quem in tuis dialogis sub Bernardi persona fugillas; quae nec abs te semel dicta, sed vndecies repetita, & vehementius inculcata, in margine notata posuimus, vt ea Lector facile consulere possit. Sed vbi locorum, rogo te, Baronius ita (vt tu dicis) definit tam certa diuersarum actionum tempora? vbi locorum asserit, sequenti anno, nempe octogesimosecundo a S. Gregorio fuisse monasteria erecta, & octogesimotertio effectum monachum? certe quid ita exacte, vt tu ponis, ab eo fuisse distincta tempora & definita, nequaquam inuenies; neque ab eo constitui certum annum, quo S. Gregorius factus sit monachus;

a pag. 47.

§. 14.

48. §. 1.

79. §. 5.

81. §. 15.

83. §. 17.

90. §. 20.

91. §. 32.

157. §. 29.

158. §. 14.

160. §. 22.

193. §. 14.

monachus; sed tantum certum firmari annum, ante quem nullo modo potuerit esse monachus. sed ista omnia tua abs te aguntur interpretatione; in qua tu ipse quantum fallaris, intelliges. Ceterum quod ad monasteriorum pertinet erectionem, illa ab eo excitata fuisse, cum adhuc laicus esset, ex ipso Gregorio Papa cogniturus est Lector: quod & Gregorius Turonensis eius æqualis, qui Romam veniens eiusdem Gregorij tempore, quæ ipsius essent, potuit optime didicisse, affirmare videtur.

a Greg. Turon. lib. 10. cap. 12

Cum vero certum annum monachatus S. Gregorij nequaquam Baronius (vt tu calumniaris) voluerit definire: tu tamen ex perperam facta interpretatione verborum eius, ita deducere velle videris. Cum enim certum dumtaxat annum præscribat eius in Cardinalem diaconum assumptionis, & legationis Constantinopolitanæ, qua functus est, nempe annum quingentesimum octogesimumtertium, ibiq. dicat, statim Gregorium ipsum a Pelagio Papa e monasterio euulsum, ordinatumq. diaconum, atque missum Constantinopolim: hoc, quod dixit, *statim euulsum*, tu male interpretaris, significare voluisse, eodem die, hora, vel momento, quo factus est monachus, inde per Pelagium Papam abductum fuisse. Sed sic ab eo dictum esse, *statim*, quod diutius ibi ipsi morari non licuerit, ipse idem Baronius superius demonstraui: vt non alius quispiam quam ipse suorum verborum sit audiendus interpret, qui anno Domini quingentesimo octogesimoprimo eius Vrbanam tractans præfecturam, & de ipsdem agens hæc ait de ipso S. Gregorio: Qui igitur haud diu permissus est degere in monasterio, sed inde euulsum in diaconum est assumptus.] plane declarans, quod tunc dixit, *statim*, id voluisse significare quod dixerat, haud diu ipsi concessum in monasterio commorari. & inferius vbi dixit, *statim* post tres versus, quid per illam vocem voluerit intellexisse, sic ipse declarat: Cum igitur Gregorius monasterium ingressus esset, ne ibi diu permaneret, oborta occasio fecit.] Ecce tibi, ipse est interpretatus quod dixerat, *statim*, nempe significare voluisse, non diu. Sed & quod dixerit, *statim*, haud existimes, oscitanter prolapsum verbum illud ab eius ore; sed scite admodum atque prudenter ea voluisse voce vtī, petita non aliunde, quam ex eiusdem ipsius S. Gregorij verbis, quibus hæc in primis de sero nimis suo ingressu in monasterium habet in præfatione in libros Moraliū ad Leandrum, quæ idem Baronius ^b ibi recitat, tu vero non vidisse, simulans, ad ea nihil respondes. sic enim ipsum Leandrum alloquitur: Omne tuis auribus, quod mihi de me displicebat, exposui. Quoniam diu, longeq. conuersionis gratiam distuli. Et postquam cælesti sum desiderio afflatus, secularem habitum contemnere, melius putavi. Aperiebatur mihi tunc de æternitatis amore quod quærerem, sed inolita me consuetudo deuinxerat, ne exteriorem cultum mutarem. Cumq. adhuc me cogeret animus præsentī mundo quasi specietenus deseruire: cæperunt multa contra me ex eiusdem mundi cura succrescere, vt in eo iam non specie, sed quod est grauius, mente retinerer. Quæ tandem cuncta sollicitè fugiens, portam monasterij petij, & relictis quæ mundi sunt, vt frustra tunc credidi: ex huiusmodi naufragio nudus euasi.] hæc de se ipso non alius quam ipse

b Annal. 10. 7. 47. 58. 10

ipse Gregorius, de dilata diu, longeq. (vt ait) sua conuersione, & in sæculo diuturna, licet cum pietate, conuersatione, sed tamen ad monasticum sumendum habitum cunctatione. quæ adamussim probe conuenire omnibus de præfinito tempore præfetur illius intelligis.

Rursum vero, quomodo, ubi est ingressus monasterium, illic diu manere ei non licuerit, sed per Pontificem ipsum abstractus sit: accipe consentientia mirum in modum omnibus, quæ dicta sunt à Baronio in Annalibus; quæ tu, Constantine, cum sæpe sugilles, sæpe etiam cum derisione atque contemptu ^a repetens illa verba, *statim eunsum*, scias te sugillare & carpere ipsum S. Gregorium, à quo accepit illa Baronius. Audi tu, inquam, quæ in eadem ad Leandrum præfatione his quæ sunt dicta, ita mox subiicit: Quia enim plerumque nauim incaute religatam etiam de sinu tutissimo litoris vnda excutit, cum tempestas crescit: repente me sub prætextu ecclesiastici ordinis, in causarum sæcularium pelago reperi, & quietem monasterij, quam habendo non fortiter tenui, quam stricte tenenda fuerat, perdendo cognoui. Nam cum mihi ad percipiendum sacri altaris ministerium obedientiæ virtus opponit: hoc sub Ecclesiæ colore susceptum est, quod si inulte liceat, iterum fugiendo defleatur &c.] hæc de se Gregorius, querens se post ingressum monasterium, inde iussione Romani Pontificis repente (vt ait) fuisse subductum. porro, *statim*, & *repente*, idem significare, tu ipse (vt inferius dicendum est) es interpretatus. Sic igitur nihil penitus est, quod quisquam iure redarguere valeat, si quod S. Gregorius, *repente*, dixit, Baronius, *statim*, dixerit: non quod eodem momẽto (vt tu male interpretaris) inde euocatũ dicere voluerit, sed vt ipse declarauit, quod ibi manere non diu licuisset. Quantũ vero tẽporis in monasterio manserit, sicut affirmari non potest, ita non ante octogessimũ primum post quingentesimum annum fuisse monachum, dici debet. Cum alioqui ex ijs quæ eodem auctore Gregorio Baronius asfert, constet ipsum arreptum semel monasticum institutum numquam deseruisse. Primũ quidem quod ab Vrbe recedens, monachos plures, quibuscum viueret, Constantinopolim secum duxit; ac deinde quod reuersus Romam, in suum monasterium redijt. Hæc, inquam, omnia eiusdem Gregorij testificatione ipse confirmat, vt de his suboriri dubitatio nulla possit. Cohibete igitur, Constantine, neque calumniæ Baronium (quod sæpe facis) dixisse quæ non dixit, conuictus tu ipse in his calumniator & mendax.

His igitur de tardo ingressu Gregorij in monasterium, & repentina enocatione ex eodem per Romanum Pontificem facta, ipsius S. Gregorij auctoritate firmatis: reliquũ modo est, vt quæ abs te sunt adducta ex eodẽ Gregorio de longa in eodem monasterio perseverantia, adducamus in medium. sunt ista ^b: Ipsum igitur (inquis S. Gregorium) & iudicem & patronum causæ suæ constituere decreui; vt vel doctrina & fide suā, aut etiam sanctitate illectus te dedas. certus enim sum, si ad eum confugiam, fidsimum me habiturum patronum, qui non permittet me causa cadere. Qui dum adhuc in humanis esset, hanc quæstionem, quasi diuinans futuram, plurimis locis dialogorum suorum diremisse visus est. sic enim cum

suo

^a pag. 50. v. l.

52. v. 18.

53. v. 30.

55. v. 15.

59. v. 16. &

alijs in locis.

^b pag. 48. v.

15.

suo Petro loquens, ait: Redemptum Ferentinæ ciuitatis Episcopum, vix
 venerabilis virum, qui ante hos fere annos septem ex hoc mundo mi-
 grauit, tua dilectio cognitum habuit. Hic, sicut nosti, mihi adhuc in
 monasterio prope posito valde familiariter iungebatur. hæc ^a Grego- ^a Dial. lib. 3.
 rius. Quibus puto (subdis) satis aperte constare, & quo tempore fuerit ^{c. ult.}
 in monasterio, & diu etiam in eo permanisse, cum Redemptus ille (vt
 scribit Marianus Scotus) claruerit anno Domini quingentesimo septua-
 gesimoquarto, & eo tempore floruerit familiaritate beati Gregorij.]
 hæc tu ipse. Qui certe ex S. Gregorio id non probas, sed tantum ex Ma-
 riano Scoto, qui post annos ferme quingentos post S. Gregorium vixit,
 quem omnino errasse, quæ sunt dicta superius de tempore præfecturæ
 Vrbanz S. Gregorij, satis ostendunt. Ex dictis autem Gregorij sic infer-
 rius infer: ^b Apertissime, inquis, docet illis verbis, & diu se in mona- ^b Pag. 49.
 sterio positum, eius familiaritate vsum fuisse, & ante in monasterio exti- ^{7. penult.}
 tisse.] hæc illatio tua. Sed, quid probat? ante septennium notum fuisse
 in monasterio suo Gregorio Redemptum. Porro si computes a tempo-
 re, quo sunt scripti dialogi, in quibus ista ipse scribebat anno quarto sui
 Pontificatus, plane longe plures annos, quam septem, ex quo Gregorius
 monachus esse cœpit, inuenies: cum etiam a tempore, quo est reuersus
 Constantinopoli ad suum monasterium, cui vsque ad electionem suam in
 Romanum Pontificem præfuit Abbas (fuit is annus eius reuersionis octo-
 gesimus sextus post quingentesimum) plusquam septē anni numerentur.

Scias enim, ipsum, vbi Romam redijt, mox ad suū monasterium esse re-
 uersum, eidemq. summa præfectura præfuisse, nempe Abbatis, prout ipse
 Gregorius satis aperte docet, dum narrat historiā de monacho proprie-
 tario, in quem vt Abbas, censurā illam exercuit, vt sepeliretur in sterqui-
 linio. ait enim sic incipiens: ^c Neque hoc silendum puto, quod actum in ^c Greg. dial.
 meo monasterio ante triennium reminiscor. Quidā namque monachus, ^{lib. 4. c. 35.}
 Iustus nomine, medicinali arte fuerat imbutus, qui mihi in eodem mona-
 sterio constituto sedulo obsequio, & in assiduīs ægritudinibus meis excu-
 bare cōsueuerat &c.] subdit enim de pœna, quam vt Abbas irrogauit in
 eum. Sed quod ad Redemptū pertinet, quid, inquam, prohibet eum notū
 Gregorio in monasterio, etiam antequam Constantinopōlim pergeret?
 Nam non ita statim inde euulsus accipiendū, vt secundum ea, quæ dicta
 sunt, non potuerit aliquo breui temporis spatio ibi degisse. Sed non
 est necesse illud septennium reuocare ad tempus illud, antequam profe-
 ctus esset Constantinopolim, cum inueniatur impleri posse post reditum.

Idipsum respondemus ad id quod subdit de Iuliano, de quo Gre-
 gorius ait, ^d quod eodem modo ante septem annos defunctus consue- ^d Greg. dial.
 uerat venire ad monasterium, vbi constitutus erat ipse Gregorius. ^{lib. 4. c. 38.}
 Idem, inquam, respondendum, eo quod idem sit casus de his, quæ spe-
 ctant ad tempus. Facessat itaque cauillus toties repetitus de verbo, sta-
 tim; cuius loco (vt vidisti) ipsemet Gregorius dixit, repente; cuius te-
 stificatione audisti, sero factum monachum, & cito inde sublatum. Qui-
 bus sic firmiter eiusdem verbis constitutis, cetera ab ipso de se scripta.

hic accipienda omnino sunt, ne eidem ipsi Gregorio aduersentur, sed potius quoquomodo possunt (possunt quidem recte) iisdem accommodentur.

^{a pag. 53. v.} ^{5.} Affers ^a alia testimonia ex eisdem dialogis S. Gregorij petita, in quibus de tempore etiam decennali ante eorumdem dialogorum scriptio- nem mentio habetur, vt illud de Gerontio verbis istis: In monasterio etenim meo; inquit, quidam Frater ante decennium, Gerontius dicebatur &c.] ad hæc ingeris: Porro si ante decennium hoc euenerat: absque dubio in ipsum octogesiumtertium annum supra quingentesimum (si hæc quarto sui Pontificatus anno, vel etiam nonagesimoquarto salutis scripsit) incidit: quo tempore certissimum est (prout tu vis) vel nondum monachum fuisse, vel certe Constantinopoli fuisse. At hoc quod narrat, ostendit cum & multo ante monachi vitam arripuisse &c.] hæc tu dicens, iterum a nobis arguendus eris impactæ ac sæpe repetitæ calumniæ, cum ais, sentire Baronium, S. Gregorium nondum fuisse monachum ante dictum annum octogesiumtertium post quingentesimum. Quam autem ab ea sententia abhorruerit, satis dictum superius, cum aliud nihil sit conatus Baronius, quam demonstrare, S. Gregorium ante annum octogesiumprimum, quo gerebat præfecturam Vrbanam, esse monachum minime potuisse: quando autem post dictum annum factus sit monachus, minime definiuit, licet dixerit, *statim*, & *non diu*. per quæ verba minime voluit definisse, eodem id factum momento.

^{b pag. 55. v.} ^{ponit.} Ista autè cum iure possemus dicere; tamen longe firmiorè subijciemus paulo post responsionem, vbi aliud, idemq. nouissimum, quod itè ex dialogis petatum de certo annorum numero, ceteris, tua sententia, fortius ingeris ^b argumentum, adiecero de Merulo monacho monasterij S. Gregorij, de quo cum dicat Gregorius, eius sepulturam post annos quatuordecim esse refoßam, & miram suauitatem odoris spirasse: inde arguis, iam annis quatuordecim, antequàm illa Gregorius scriberet, anno nonagesimotertio vel quarto post quingentesimum, S. Gregorium fuisse monachum. subijcis vero ista: ^c Quam autem hæc eius verba clarissime probent sententiam nostram esse verissimam, puto etiam a priuatis sensu perspicui posse.] ita esset quidem, vt dicis, si S. Gregorius in his duobus nouissime recitatis exemplis loqueretur de suo monachatu, sicut loquitur de suo monasterio: sed cum tantummodo de suo monasterio loquatur; nihil aliud inferitur, quam ante decem, vel quatuordecim annos ab illo tempore, quo illa scriberet, iam extitisse S. Gregorij monasterium. quod & ego profiteor & affirmo, vt superius ex Gregorio Turonensi professus sum, videlicet a S. Gregorio septem illa esse erecta monasteria, antequàm monachus ipse fieret. Nihil penitus ergo ex his inferitur (vt vides) S. Gregorium ante decennium, vel annos quatuordecim fuisse monachum, prout tu gloriose, tamquam de obtenta ex his victoria, prædicas.

^{d pag. 54.} ^{vers. 19.} Inania insuper sunt & vacua prorsus, quæ ex iisdem dialogorum libris adhuc adducis de antiquiori monachatu S. Gregorij istis verbis: ^d Cla-
rissima

rissima, inquam, adhuc ex eodem penu deprompta adducam. sic enim sequitur ibi: Quidam mecum in monasterio Frater Antonius viuebat, qui multis quotidianis lachrymis ad gaudia patriæ cælestis anhelabat &c.] ad ista tu: Ex illis verbis, Mecum viuebat in monasterio, & Qui multis quotidianis lachrymis ad gaudia patriæ cælestis anhelabat, & Cumq. studiosissime & magno feruoris desiderio sacra eloquia mediteretur, ostenditur sane (subdis) cum ad eam perfectionem non peruenisse, nisi longo virtutum monasticarum exercitio. qua in re temporis diuturnitate opus esse quis nesciat?] ita illatio tua & argumentum de antiquitate S. Gregorij monachatus. At nonne ista ridenda potius quàm confutanda? Ac si istiusmodi dona Dei dentur cum temporis obseruatione, & non potius sæpe contingat, abundare huiusmodi feruoribus spiritus Nouitios ipsos, & monachos veteranos egere. Huic simile argumentum est, quod ad hoc ipsum probandum deducis ex eo, quod S. Siluia^a eius mater mittebat legumina infusa filio monacho, ergo (inquis) antequam iret Constantinopolim. & quis hoc negat? ergo non statim euulsus a monasterio: ita sane, si statim sumis pro momentaneo puncto temporis, sed facessant isthæc. Nam Baronius (quod sæpe repetere cogis) voluit illud, statim, intelligi eodem sensu, quo S. Gregorius vocem, repente, qua est vsus scribens ad Leandrum, accepit. Ita vt hac ex parte tibi non tam Baronius, quam Gregorius debeat respondere, qui hoc solum voluit voce illa significare, non licuisse sibi monacho, tanto labore ac difficultate facto, diutius in monasterio commorari.

Sed quid, Constantine, nos detines occupatos puerilibus concertationibus istis? vt quod ibidem adhuc subijcis, ^b asserens librum secundum dialogorum scriptum esse a S. Gregorio ante primum, eo tantum argumento vsus, quod ipse Gregorius fateatur se ea accepisse a quatuor illis S. Benedicti discipulis, Constantino, Valentiniano, Simplicio, & Honorato, qui iam obiissent antequam priorem illum librum scripsisset. Ac si necesse sit asserere, tunc illa scripsisse, cum audiuit; & sit aliquid quod prohibeat, vt quæ ipse antea audiuit, non potuerit postea scriptis mandare. Vides ipse, cuius sint ista, quæ ingeris, firmitatis? Sed quantum fallaris in his, quæ sunt temporis, ipse senties, cum primum hic reddam ea, quæ abs te ponuntur; qui vt ista probare queas, hæc paulo inferius infer: ^c Necessè est, inquis, (S. Gregorium scilicet) eas (res gestas) S. Benedicti audisse ante sexagesimum supra quingentesimum annu salutis, & scriptis mandasse. Constantinus enim ille (vt tradunt Arnoldus & alij) anno eodem sexagesimo inter viuos esse desijt, post quæ haud diu superuixit Simplicius, qui ei successerat, cui successus fuit Vitalis &c.] hæc tu ipse, sed quantum decipiaris, attende. Ex rebus enim gestis Simplicij Abbatis discipuli S. Benedicti omnino conuinceris errare. Quomodo enim paulo post quingentesimum sexagesimum salutis annum interiisse vis Simplicium, quem constat ex Fausto scriptore vitæ S. Mauri, post annum quingentesimum octogesimum sextum adhuc fuisse superstitem, reuersum è Gallijs cum ipso Fausto post obitum S. Mauri? ^d Faustus enim

^a pag. 58. p.

25.

^b pag. 60. p.

p.

^c pag. 60. p.

22.

^d apud Sur.

10. 1. die 15.

tan in pref.

Grin fuerit

S. Mauri.

& ipse discipulus S. Benedicti & eius alumnus, qui de rebus gestis S. Mauri, atque Simplicij, quæ vidit, scripsit, fidelissimus testis in omnibus, hic inquam, testatur de ipso collega suo Simplicio, mansisse eum cū S. Mauro in Gallijs annis quadraginta & vno, quibus vixit idē S. Maurus : insuper & sub S. Mauri successore Bertulpho duobus annis adhuc ab ipso coactum ibi mansisse; sicq. quadragintatribus annis in Gallia esse moratū. Inde vero cum ipso Fausto esse reuersum in Italiam ad suos Fratres, monachos Cassinensis Congregationis. Quod quidem contigisse anno Domini quingentesimo octogesimo sexto, ex dictis ita deducitur: Cū enim Faustus dicat, eundem S. Maurum oblatum S. Benedicto mansisse apud eum annos viginti, apparet ipsum non recessisse inde in Gallias vsque, ad annum Redemptoris quingentesimum quadragesimum tertium (si quidem anno vigesimo tertio post quingentesimum contigisse oblationem Mauri S. Benedicto, etiam tu ipse affirmas post Leonem Ostiensem, & alios. Jadicce autem modo annos illos quadraginta & vnum sub Mauro, insuper & duos annos sub Bertulpho, quibus eundē Simplicium mansisse in Gallijs idem tradit Faustus, vtique quingenti & octoginta sex Domini anni fiunt, cum Simplicius redijt ad suos collegas monachos Congregationis Cassinensis, tum Romæ degentes in Laterano. Ex his igitur omnibus attente considera, quantum fallaris de tempore Simplicij Abbatis & prædecessorum ac successorum eius, coarguarisq. a Fausto auctore fidelissimo, qui præsens omnibus, omnia fidelissime scripsit, vt in controuersiam reuocari amplius a quouis auctore non debeant. sed de eodem Simplicio inferius pluribus.

a pag. 65.
vers. 12.

Post hæc autem ^a concertationem subiicis aliam, a quonam missus sit Constantinopolim S. Grégorius; & dum tueris ex sententia Ioannis diaconi, missum esse a Benedicto Papa, frustra laboras; cum in restitutione Breuiarij Romani sub Clemente Papa Octauo elaborata, scias iam præiudicatum esse, expuncto nomine Benedicti, quod a Ioanne sciretur errore positum: qua expunctione non solum Ioannis diaconi de his sententia aboletur; sed omnium illorum, quos tu magno fastu Scriptores enumeras, qui longe post Ioannis tempora floruerunt. Sed cum dependeat controuersia ista a priori illa de tempore præfecturæ Verbanæ Gregorij; hæc autem (vt est demonstratum) contigerit anno octogesimo primo post quingentesimum: plane constat, non potuisse villo modo mitti Gregorium a Benedicto, cum ipso iam defuncto ante biennium, in locum ipsius Pelagius fuerit subrogatus.

b pag. 80.
vers. 6.

Quod autem agens inferius de S. Gregorij Papæ ætate, cum vitam monasticam agere cepit, eius te esse sententiæ ^b profiteris, vt fuerit tunc iuuenilis ætatis, idq. ea ratione probare niteris, quod constet ex Ioanne diacono, ipsum tunc superstitem habuisse matrem. Addo (quod magis mireris) ipsum iam Pontificem suis litteris affirmare, adhuc tunc temporis suam nutricem fuisse superstitem. quotennis autem tunc fuerit, aliquid certe asserere, est diuinare, cum ex antiquioribus fontibus id accipere posse non detur. Nam cisternæ sunt dissipatæ monumenta illa, ex quibus ista deducis, vt nullius sint penitus fidei, prout quæ infe-

rius dicturi sumus, ostendent. Liquet tamen ipsum Gregorium, tempore Pontificatus, non fuisse admodum senem; ad quod probandum ipse Baronius iure argumentum deducit non solum ex eo, quod ipse adhuc nutrix superstes esset, sed quod suis ipse epistolis, cum sæpe sæpius de morbis ingrauescentibus conqueratur, nusquam reperitur de senectute hebetante fecisse aliquando mentionem. Ceterum ipsum diu multumq. in sæculo inseruisse negotijs publicis, sero autem ad Deum conuersum ingressum esse monasterium, ipsius auctoritate superius est demonstratum, vt superfluum sit ista repetere. Quod ergo inferis, non potuisse dicto anno quingentesimo octogesimoprimo præfecturam gessisse Vrbana[m], iam de his abunde, quantum decipiariis, suo loco superius dictum est, vt non sit opus, eadem (vt tu facis magno legentium tadio) sæpe repetere, quæ & me inuitum cogis iterare frequenter, vt confutem ea.

Eiusdem quoque sunt ponderis, nisi fortasse etiam leuioris, quæ ^{a pag. 82. p. 28.} ingeris, dum agis de monasterijs ab ipso S. Gregorio erectis, & probaveris, illa ab ipso ædificari iussa, vbi præfecturæ Vrbanae, quam gerebat, munus expleuit, rationibus ab exteriori corporis cultu atque ornatu vestium petitis, de quibus scribat ista ^{b Greg. Tur.} Gregorius Turonensis: ^{non lib. 10. c. 8.} Qui antea serico contextu ac gemmis micantibus solitus erat per Urbem procedere trabeatus, nunc vili contentus vestitu, ad altaris Domini ministerium consecratur. &c.] At quis nesciat, trabeam, & quæ trabeæ accedunt, insignia fuisse Vrbanae præfecturæ ipsi Gregorio necessaria indumenta, non autem ad gloriam ostentandam voluntariam sæculo additi hominis vanitatem? vt non possis arguere, quod facis, ex vanitate indumentorum non potuisse ab eo tunc ædificari monasteria, cum (vt tu ais) eius ab ijs longe animus esset. sed longe deciperis. Qui ergo citasti Gregorium Turonensem, debueras meminisse, antequam ista de indumentis ipse tractaret, iam de monasterijs septem ab eo erectis verba fecisse, quibus innuat, iam ab ipso erecta, cum incederet ex præfecturæ munere trabeatus. Et id quidem esse verissimum, ex deductis superius atque ex ipso spatio annorum quatuordecim, ante quos repositum monachi sepulchrum ipse Gregorius dicit, perspicue colligitur, ante initam ab eo præfecturam iam dicta monasteria erecta fuisse.

Ex his igitur colligere poteras tempus monasteriorum erectionis, & non argumentis istis tuis futilibus secus asserere, dum ais: Porro autem eius exterior cultus erat (vt Turonensis Gregorius de eo scribit, vt iam antea diximus) auro & serico contextu ac gemmis coruscantibus trabeatus incedere: huiusmodi autem vestitus non est hominis monasteria ædificantis, aut monachi vitam profitentis se arripere velle, sed sæculo dediti, nec grandis natu, sed admodum iuuenis: cui absque dubio deesse etiam non debebant clientum ac seruulorum cateruæ, quæ patronum & dominum præcedentem stiparent.] hæc tu & alia, quæ ad pompam pertinent sæcularem, ex quibus ista deducis, dicens: Quæso dic mihi: Numquid qui ita procedit, & eo animo viuit, cogitare potest de extruendis cænobijs? Curam igitur omnem Reipub. abiecit primum, & antequam monasteria ædificaret: & sic postea de extruendis cænobijs cogitare



tare cœpit.] & paulo post : Nequaquam igitur ante præfecturam aut statim post eam, neque vnus anni spatium extruxit monasteria, aut habitum monachi induit, seu ea statim incolere fecit.] ista tu quidē, sed aduersus quem ? quis dixit post præfecturam vnus anni spatium ab eo monasteria erecta, & indutum monasticum habitum ? non certe Baronius, in quem falso ista sæpius calumniose nimis obiectas, aerem plane verberans, dum in incertum sis pugnans. Sed & quomodo ex ornatu vestium id deducere non erubuisi, perinde ac si non a splendide vestitis potuerint monasteria ædificari, ac latere possit intus in animo, quod celat indumentum exterius, & omnia fere orbis totius monasteria non ædificata fuerint ab hominibus decore vestitis, Principibus, inquam, alijsq. nobilissimis viris, quorum erat ex status necessitate sui, progredi magnifice vestitos, cum præsertim vt in Gregorio, id exigeret magistratus ? quod de innumeris Sanctis possit facile demonstrari.

a pag. 84. p.
11.

b Annal. 10.
7. an. 183.

Posthæc autem abs te repetita sæpiissime rursus^a ingeris, & ad nauſeam vsque instauras controuersiam de voce, *statim*, a Baronio posita, cum de eius a monachatu S. Gregorij ad Cardinalatum vocatione mentionem facit in^b Annalibus: cui ob id pene succenserem, quod eo verbo vsus, magnam tibi ansam præbuerit contradicendi, & mihi molestiam pepererit respondendi, tuaq. confutandi; nisi constaret, ab ipso factum scitissime quidem & prudentissime (quod superius est demonstratum) dum simili cum ea voluit vti voce, qua S. Gregorius vsus est, ac plane, synonyma, vt quod dixerat S. Gregorius in præfatione in libros Moraliū ad Leandrum de se ipso e monachatu deducto ad Cardinalatum: Repente me sub prætextu ecclesiastici ordinis &c.] Baronius diceret, statim inde euulsus.] Quid fidelius in historia, sacra præsertim, quam ab antiquis asserta ijsdem, vel omnino similibus verbis reddere, ne quid exaggeratio oratoria, vel amplificatio sibi aduersus veritatem vsurpet ?

c pag. 86. p.
28.

porro quod idem sit, *statim*, quod, *repente*, te ipsum tuus docuit^c Grammaticus Herculianus, quem in suo dialogo sic interloquutum facis, vt rogatus de voce, *statim*, germano sensu, ista subiungat: *Statim* asserunt (Grammatici scilicet) significare, mox, illico, repente] ecce tui docti Grammatici testificatione habes, idem, *statim*, esse quod, *repente*. Vnde tu ipse Constantine (si audes) in primum auctorem, in ipsum S. Gregorium, tua conuerte spicula, quod dixerit, se repente vocatum e monachatu ad Cardinalatum, & Baronium vrgeri desine, qui secutus Gregorium, vbi senserit abs te Gregorium victum, dabit ipse, certo scito, continuo manus. Ipsum compella modo Gregorium, facesse negotium, vrge, sic insta: Quid est, inquiens, quod dixisti, repente abductum te a monachatu ad diaconatum, cum tu ipse de te ipso pluries professus sis, diu^d te in monasterio permansisse ? Repente, & diu longe inter se diuersa esse noscuntur, vt sibi inuicem aduersentur, vt non possint vna simul consistere; ita vt data altera earum voce sit altera penitus explodenda. Ista abs te illata non ægro fert animo Gregorius vir mitissimus, neque respondere contemnit, demulcens perbelle caput tuum, qui in puerilibus

d pag. 85. p.
32.
pag. 86. p. 3.

bus istis nimis valde detinearis; dicitq. secundum * Hilarij sententiam, ^{a De verb. sign.} Debere verba rebus, non res deseruire verbis. sicq. fieri interdum, vt ^{gnif. c. intellig.} istud, *statim*, plura annorum centenaria comprehendere possit, vt habes in exemplum vaticinium Malachiz, quo ait: ^{b Malac. 3.} Statim veniet ad templum sanctum suum Dominator, quem vos quæritis, & Angelus testamenti, quem vos vultis.] Noli ergo tu esse tam seuerus interpres, vt quod ego dixi, *repente*, & meo exemplo Baronius, *statim*, tu velis vno temporis impletum puncto atque momento. Amor vehemens me ita ex abundantia cordis loqui coegit, vt cito citius abreptus esse viderer ab eo, quod vehementi possidebam amore. amantium sunt phrasæ istæ. Nam quid ait diuina * Scriptura de Iacob, Rachelis amore flagrante, & ^{c Gen. 29.} pro ea septennij temporis spatio durissime laborante? Videbantur illi pauci dies præ amoris magnitudine.] Disce igitur (iterum dico) verba rebus aptare, non res verbis cogere inseruire. si ista sapias, nõ desipies. Sicut cum eadem ratione, voce illa, *diu*, sum vsus ad significandum perbreue temporis spatium. nam in dialogorum præfatione ita me dixisse memini: cum afflictus valde, & diu tacitus sederem, dilectissimus filius meus Petrus diaconus affuit &c.] dixi *diu*, quod paucarum horarum tempus includitur. quin immo dixi * alibi & diutius, quod vel vnus aut alterius horæ termino factum scirem, idq. alibi sæpius. Quæ omnia si tu adhibita rerum gestarum discretione considerasses: haud tu diu, in voce *diu*, frustra adeo laborasses, & statim de verbi, *statim*, controuersia, discessisses.

Quod autem mox * addis, ab eodem ipso S. Gregorio definiri certum tempus, quo ingressus est monasterium, cum agit tam in vltima homilia in Euangelia, quam in dialogis ^{e pag. 85. 9. 9} de obitu S. Romulæ virginis, verbis illis: Eo namque tempore, quo monasterium petij, anus quædam Redempta nomine in sanctimoniali habitu constituta in Vrbe hac iuxta beatæ Mariæ Virginis ecclesiam manebat.] & infra de eius discipula Romula paralytica agens: Hæc, inquit, multis annis in lectulo decubans, pene omni iacebat membrorum officio destituta.] & paulo post: Sicut vtique referentibus, & eadem res multis clauit, & ego quoque in eodem tempore agnoui.] ex his autem tu ista deducis: Perpende, inquis, diligenter illa verba: Eo namque tempore, quo monasterium petij, & illa: Multisq. annis in lectulo decubans, & illa: Et ego quoque in eodem tempore agnoui: & animaduertere poteris, an statim e monasterio auulsus fuerit, vel in eo diu permanserit. *Diu* autem (ni fallor) & *statim*, esse contraria, nemo negauerit.] falleris certe, & negat id ipse S. Gregorius, vt nuper audisti, nimirum quod respectu diuersorum non sint inter se voces istæ contrariæ, sed simul veræ pariter esse possint. Quod autem de multis annis interlapsis, toto illo tempore, quo S. Romula paralyti laborauit, tibi suppeditas argumentum: quid prohibet hæc referri ad tempus, quo ipse S. Gregorius mansit in monasterio? mansit namque vsque ad sui ad Pontificatum promotionem post reditum saltem annis quatuor: his adde totidem annos qui intercurreunt vsque ad tempus, quo illa ipse scribebat,

bat, sicq. octo fient anni, ijdemq. multi illi, quibus tradit, Romulam paralyſi laboraſſe. Vt plane nihil ſit, quod ijs deducere valeas, S. Gregorium, contra aſſertam ſententiam, ante octogefimumprimum annum monaſticam vitam eſſe profeſſum. quibus intelligas omnia iſta argumenta tua ſumi inſtar in tenuem aerem euaneſcere. Ceterum quod ad germanum ſenſum verborum S. Gregorij pertinet: tota illa narratione ſignificare voluiſſe videtur, tunc quidem, cum ipſe monaſterium eſt ingreſſus, contigiſſe quem narrat S. Romulæ ad Deum tranſitum: quod idem ipſe inferius declaraviſſe viſus eſt, vbi agēs de apparitione diuinitus acta paulo ante eius obitum, mox ait: Eadem res multis claruit, & ego quoque in eodem tempore agnoui.] quoniam eodem tempore, niſi quod præmiſerat ipſo narrationis exordio, Quo, inquit, monaſterium petij.] ſicq. certum tempus eius ingreſſus in monaſterium terminaviſſe dicatur certum pariter tempus S. Romulæ ad Deum tranſitus, cum aliud tempus terminare non poſſit, quod eſt imperfectum, vt illud, manebat. Quo germano ſenſu verborum S. Gregorij accepto, dicendum eſt, multos illos annos, quibus Romula paralyſi laborauit, ante eiufdem in monaſterium ingreſſum, iam elapſos fuiſſe, poſt quos idem qui ſubſecutus eſt ad Deum tranſitus, tunc contigerit, cum ipſe ingreſſus eſt monaſterium.

Inferius etiam, dum non obſeruas regulam quam audiſti ex S. Hilario, *a pag. 88. y.* vt verba rebus, nō res verbis inferuiant, in alium errorem impingis, *12.* vt exiſtiſſes Gregorium diuturniori tempore quam tribus annis Conſtantinopoli munere Apocriſarij detentum manſiſſe, auctoritate eius epiſtolæ ad Mediolanenſem *b* Clerum datæ de electione Conſtantij in ipſorum *b* Archiepiſcopum, dum hæc ait de ipſo: Cum in vrbe Regia reſponſa Sedis Apoſtolicæ facerem, longo mihi tempore adhæſit.] hæc ibi. ex quibus hæc tu inferſ: Attende illud, longo tempore, ex quo intelligitur, multo ante octogefimumtertium annum, ſupra quingentefimum ſcilicet, eo nauigaſſe, & longiori tempore ibi commoratum eſſe. Neque enim, ſi ibi tres tantum annos nondum exactos egiſſet, eo modo loquendi uſus fuiſſet, & maxime illis verbis, longo tempore, ex quibus proſecto verbis aperte, habetur, Gregorium ante octogefimumtertium annum eo miſſum fuiſſe.] iſta tu habes, pro animi arbitrio tempora mutans. Quid enim? ſi clericus alienæ eccleſiæ peregrinus Gregorio Conſtantinopoli exiſtenti inhæſiſſet ad quatuor, vel quinque meſes; nonne dici potuiſſet, longo tempore apud ipſum fuiſſe? Sane quidem, ſi de hōſpite quiſque ſuo iſta perpendat. Deciperis tamen, Conſtantine; non ait Gregorius, ſe longo tempore manſiſſe Conſtantinopoli, ſed Conſtantium illum Mediolanenſis eccleſiæ ibi apud ſe longo tempore manſiſſe. multum hæc enim differunt inter ſe, cum longe diuerſos reſpectus habeant.

Ceterum quod ad tempus pertinet aduentus S. Gregorij Conſtantinopolim, non ante annum Redemptoris quingentefimum octogefimumtertium cōtingere potuiſſe, ex S. Leandri illuc aduentu poſſumus intelligere, dum non ante prædictum annū ſuborta ei eſt cauſa, vt a Rege Chriſtiano Conſtantinopolim mitteretur, nempe bellum ciuile inter Catholicos

licos & Arianos, quod non ante præsentem annum conflatum esse, ex Gregorio Turonense demonstratum est in Annalibus. Verum præuenisse Leandrum, verba illa Gregorij in præfatione Moraliū posita in epistola ad ipsum data, significare videntur, quibus ait: Dudum te, frater beatissime, in Constantinopolitana vrbe cognoscens, cum me illic Apostolica Sedis responsa constringerent, & te illuc iniuncta pro causis Fidei Regis Vuisigothorum legatio perduxisset.]

Sed videamus an firmitiora sint, quæ his subiungis, adducens epistolam S. Gregorij ad Eulogium Patriarcham Alexandrinum datam Indictione decimatertia, qui est annus Redemptoris quingentesimus nonagesimus quintus, in qua hæc de tempore continetur. Ante hos siquidem annos octo, sanctæ memoris decessoris mei Pelagij tempore, frater & Coepiscopus noster Ioannes in Constantinopolitana vrbe ex causa alia occasionem querens Synodum fecit, in qua se Vniuersalem appellare conatus est. Quod mox idem decessor meus vt agnouit, directis litteris, ex auctoritate Petri Apostoli eiusdem Synodi Acta cassauit. quorum videlicet exemplaria studui destinare. Diaconum vero, qui iuxta morem pro responsis Ecclesiæ faciendis, pijsimorum dominorum vestigijs adhærebat, cum præfato consacerdote nostro Missarum solemnia celebrare prohibuit &c.] ex his vero tu ista deducis: Quod si alius diuersus a S. Gregorio tunc eo fungebatur munere in Ecclesia Constantinopolitana, ergo ipse Gregorius iam recesserat ante dictum octauum, quem numerat annum.] ita quidem, sed quod subinfers, longe discrepat a veritate, dum subdis ex his inferri, rediisse inde Romam Gregorium non anno quingentesimo octogesimo sexto, sed potius octogesimo quarto, vel ad summum quinto. sed vide quantum fallaris, numerum subducendo. Si enim constat ex notata in epistola Gregorij Indictione decimatertia, eam epistolam scriptam esse anno Domini quingentesimo nonagesimo quinto: plane ex octo illis annis, quos numeras ante illud tempus, inuenies illam Synodum factam esse anno Domini quingentesimo octogesimo septimo, adeo vt nihil sit quod impediatur, quin dici possit, S. Gregorium (vt habet & probat Baronius in Annalibus) rediisse ipso anno Redemptoris octogesimo sexto post quingentesimum.

Subiicis autem præcedentibus absurdiora, iterum sic argumentando: Sed ad aliud absurdum accedamus: Si statim e monasterio exire coactus fuit, & Constantinopolim soluere: vellem a te scire, quomodo adeo breui potuerit tam arctam consuetudinem, & necessitudinem, non sæculi blanditijs, sed Christi glutino copulatam contrahere cū Fratribus sui cœnobij &c.] adhæc dicimus, quod præterquā tu illud, statim (quod sæpe inculcas & proculcas) male noueris, quantum temporis spatium comprehendat; adhuc insuper ignorare videris, ipsum S. Gregorium etiam laicum cum suis monachis, quibus construxerat monasterium, quotidianam consuetudinem habuisse, vt de his dubitatio nulla esse debeat, cum ipse maximum se cultorem fuisse seruorum Dei, in dialogis frequenter assermet. quomodo non assidue versabatur cum

a pag. 28.
vers. 19.

b Greg. lib. 4.
epist. 26. l. 4.
13.

c pag. 89.
vers. 15.

illis, quibus erexerat monasterium, quod & contiguum esset ædibus suis? Tu vero post hæc (quod dicere erubescimus, cum tu non erubueris) ista cum sint adeo perspicua, præ ingenij forte crassitudine non percipiens, ita contumeliose iurgaris, dicens: ^a Non pudet eos hæc scribere &c.] ita in multis vnum dumtaxat, qui solus dixit, Baronium ex obliquo sugillans, e cardine mentis motus a multis argueris, qui Cardinalem S. R. E. ita ignominiose non es veritus perurgere. Sed contemnit ista Baronius tui misertus, cuius monitu & nos leniter tecum agere suademur: at non ista certe te docuit. Pater tuus in Regula, cum differit de gradibus humilitatis.

^a pag. 90.
vers. 6.

^b pag. 90.
vers. 23.

^c Greg. homil.
30.

Ad postremum vero primæ dici dialogum hac claudis obiectione, impossibile ^b nimirum fuisse, vt tam breui spatio eius incolatus in monasterio potuerit tanta de diuinis litteris didicisse; adeo vt opus fuerit illic longiorem ætatem vixisse.] Ad ista respondemus eiusdem Gregorij Papæ doctrina, qua monstrat omnes illos, quos semel Spiritus sanctus inspirat, reddi mox ex imperitis doctissimos, dum ait: ^c Ecce apertis eiusdem oculis fidei, Dauid, Amos, Daniele, Petrum, Paulum, Mattheum intueor, & sanctus ipse Spiritus, qualis sit artifex, considerare volo; sed in ipsa mea consideratione deficio. Implet namque citharædum puerum, & Psalmistam facit; implet pastorem armentarium sycamoros vellicantem, & Prophetam facit; implet abstinentem puerum, & iudicem senum facit; implet piscatorem, & prædicatorem facit; implet persecutorem, & Doctorem Gentium facit: implet publicanum, & Euangelistam facit. O qualis est artifex iste Spiritus! nulla ad discendum mora agitur ad omne quod voluerit. Mox enim vt tetigerit mentem docet; solumq. tetigisse, docuisse est &c.] hæc ipse, in se ipso expertus ista, qui & in præfatione Moralium hæc de se habet: Quid igitur mirum, si intellectum stulto homini præbeat, qui veritatem suam cum voluerit, etiam per ora iumentorum narrat?] Demonstramus & hoc ipsum exēplo in alio per insigni Ecclesiæ Doctore, in quo maius Deus miraculum, quam in Gregorio demonstrauit; in sancto nimirum Ambrosio, quem nondum plene Christianum, sed adhuc catechumenum electum Episcopum Spiritus sanctus, mox vt sui ignis flamma succendit, conflauit in admirabilem Ecclesiæ Doctorem. Ceterum Gregorium ipsum fuisse ex cultum scientijs liberalibus, Gregorius Turonensis eius æqualis affirmat. Sed & ab ineunte ætate assueuisse sacris litteris, idem ipse de se ita testatur, cum in præfatione librorum dialogorum de Petro diacono ista habet: Qui mihi a primæuo iuuentutis flore in amicitijs familiariter obstrictus est, atque ad sacri verbi indagationem socius.] hæc ipse, cui tu credas. Demum vero cum maiorem partem huius primæ dici frustra contriueris in ostendendo, diu ante præfixum a Baronio terminum, S. Gregorium professum esse monasticam vitam: etiam si id tibi liberaliter concederemus: nihil certe lucraberis, vt afferere ob id posses, ipsum monachum fuisse Benedictinum. At de his modo hæcenus, ad sequentis dici tuum dialogum transcamus.

IN SECVNDVM COLLOQVIVM.

QUod in primis in tuo secundo colloquio disputandum suscepisti, vter duorum prior tempore vixerit, S. Benedictus, an S. Equitius: tractatam vberius hanc questionem in Responsione post Apologeticum hunc inuenies, ex qua redargueris in multis errasse.

In eo autem, quod differis de S. Benedicti ætate, cum eremum petijt: miramur vehementer, quod more tuo Baronium calumnieris, dixisse scilicet, fuisse iam ætate matura S. Benedictum, cum eremum petijt. Quod ne lapsu calami dici possit tibi contigisse, sexies minimum abs te repetitum demonstratur, cum tamen id ipsum ne semel quidem vsquam inuenturus sis a Baronio dictum. Siccine mendacio & calumnia rem agis, venerande S. Benedicti professor, vt impingas Baronio quæ non dixit: sed videamus an ipse percipias, quæ velis ab ipso dicta: non puto. Verum quotupliciter in his peccaueris, accipe. Nam præterquam quod calumniose afferis eum dixisse, quod non dixit, adhuc non videris vim harum vocum, ætate matura, assecutus; cum re ipsa apud bonos auctores illa dicatur matura ætas, quæ senilis pariter dici consuevit; quo sensu te non putamus accepisse maturam ætatem, vt volueris maiori impudentia sugillare Baronium, & tantum ei portentum affigere, vt dixerit S. Benedictum iam senē eremum petijisse. Sed & in eo grauius peccare conuinceris, quod etsi ipse adolescens suæ adolescentulæ paulo pueritia grandiorē S. Benedictum in eremum se contulisse Baronius testetur: ab Vrbe tamen puerum vix puberem recessisse non negat: quod tu eum dixisse negas, legat Lector Annales, & detestetur calumnia. Quod autem eius tunc quidem esset ætatis supra pueritiam, vt incentiua carnis vigore spiritus superaret, idem S. Gregorius his verbis ostendit, vbi ait: Aetatem quippe moribus transiens, nulli voluptati animum dedit. Quod vero inferius idem S. Gregorius eundem puerum nominat, cum primum miraculum instaurato fracto capisterio edidit: id dictum scias a S. Gregorio more suo, & assueto vsu loquendi, quo quemlibet adolescentem etiam annorum viginti consuevit puerum appellare, prout petitis ab eiusdem scriptis exemplis Baronius ibidem docuit euidenter. Demum quem rursus nisi Baronium postrema insultatio tua ferit, cum ais: Vbi sunt ergo illi, qui cum maturiori ætate eremum petijisse fabulantur? An non ista ipsa de ætate puerili, quam sugillas, Baronius profitetur, eodem nimirum anno quo dicis, ab Vrbe recessisse, profecturum in eremum? hæc quidem in Sexto Annalium tomo habet ipso anno quadringentesimo nonagesimoquarto verbis istis: Hoc eodem anno magnus ille monachorum Patriarcha, Occidentalis Ecclesie decus Benedictus, Nursinus patria, ab Vrbe recedens profecturus in solitudinem, sublimioris vite monachice prima iecit feliciter fundamenta. Quod vero non simul ac ab Vrbe recessit, statim illam solitudinem petijt: idcirco paulo grandiorē pubertate id

fecisse, Baronius ex ipso S. Gregorio demonstravit. Cur igitur, cum res se habeat, sic exclamas in eas quas non videas, sed mente tantum concipias, leues umbras? vel cum ais, nescio quid somnias: ^a Si decimono, vel vigesimo, vt ille tuus Scriptor suspicatur, supra quingentesimum eremum petij.] sed vbi delira ista Baronius? qui quam procul ab his fuerit, consignata in Annalibus quæque tempora certis annis ostendunt. Existimasti, puto, ista quæ scripsisti, ad examen numquam reditenda, dum adeo portentosis calumnijs ipsum ornabas. Repetis & hæc inferius summo dedecore, vbi ais: ^b Quæ etate fuerit, quando se eo contulit, & quam longe a via veritatis discesserit ille, qui scripsit, cum decimonono vel ad summum vigesimo supra quingentesimum, & maturiori etate eremum petijisse.] Potuerunt ne ista a religioso viro fingi a Baronio dicta, cum contraria his penitus asserat, cum agit de S. Benedicto tum anno Redemptoris nonagesimoquarto supra quadringentesimum, tum vigesimotercio supra quingentesimum, in quibus tractat de eiusdem sanctissimi Patris etate? sed prosequamur reliqua.

Cum vero agis de tempore, quo vixit S. Equitius, redarguisque contra dictorem tuum Bernardum, quem Baronij loco supponis, dicentem ex eo colligi, Equitium antiquiorem S. Benedicto, quod S. Gregorius primum agat de Equitio, inde vero de Benedicto; profecto si cuncta, quæ Bernardo obijcis, & dicta ab eo refellis, a Baronio asserta velis, & hæc calumnia ingens est, cum nusquam ista reperiantur a Baronio in Annalibus dicta. Quod vero negas ex Cassiodoro colligi posse, eundem esse, Basilium Magnum, de quo S. Gregorius scribit in Equitio, cum eo, de quo Cassiodorus agit: inferius in Responsione satis manifeste declaratum, inuenies. De Valentij, siue Valentionis, vel Valentini Abbatis S. Gregorij diuersimodis in codicibus scripto nomine, superflua contentio est, cum de re constet.

Cum vero ex verisimili ratione Baronius argumentatus esset, S. Gregorium non fuisse instituti S. Benedicti, eo quod Scriptores antiquiores, qui ante Ioannem diaconum vixerunt, vt Gregorius Turonensis, Ildesonus, Beda, & Paulus diaconus, cum de S. Gregorio pluribus egerint, nequaquam id dixerint aliquando, tu respondens sic eludis: ^d Neque, etiam eos asserere, quod fuerit discipulus S. Equitij. at non par est ratio vtriusque. Nam et si, quod ad alios pertinet, responso ista valeret, tamen Paulum diaconum, qui eiusdem ordinis sancti Benedicti monachus erat, cum de S. Gregorio ageret, eiusdem Patris fuisse monachum, cuius & ipse esset, par erat asserere. Sed quod addis, idcirco dictos auctores absque aliqua expressione nominis S. Benedicti; Gregorium nuda voce monachum appellasse, quod ex ea statim intelligendum erat, illum S. Benedicti fuisse monachum, ob celebritatem nominis eius, & quod omnes monachi eo tempore sub vna S. Benedicti Regula conuenissent. Quam falsa ista sint, vt omnes monachi sub vna S. Benedicti Regula censerentur, atque etiam sub eiusdem S. Benedicti nomine appellarentur, multa exempla demonstrant. Nam in Italia, præcipue parte illa, in qua est Ca-

labria & Apulia, & aliz adjacentes prouinciz, ordinis S. Basilij monachi fuisse noscuntur, ijque a S. Basilij nomine appellati. quorum monasteria vsque in presens seculum perseuerasse, exploratissimum est. An non & tunc vigeabant monachi etiam S. Seuerini, quibus Eugipius Regulas scripsit?

At quod in his sumus, hic ostendendum est pariter, quam enormiter erraueris, dum inferius in eadem tua persians sententia ista ^a subiicis: Multiplicia illa instituta, quz vigeabant tempore eiusdem patris S. Benedicti, eo exurgente, & formulam suam longe lateq. dilatante, adeo oblitterata sunt, vt nisi a Scriptoribus, prapcipue vero ab vno Gregorio de eis mentio facta fuisset, ne fuisset quidem scire possemus, cum nullum de eis nunc extet vestigium; neque solum nunc, sed neque citra annos ab hinc mille & vltra. Odofredi enim historici non ignobilis relatione habetur, vt etiam Carolus Sigonius testatur, vsque ad annum salutis nonagesimum, solos monachos Benedictinos (vt ille scribit) & Canonicos Augustinianos inter religiosos, quos vocant Claustrales, nominatos fuisse. Neque enim in Gallijs, aut Germanijs, seu Hispanijs, vel Britannia, aut Scotia, siue Hibernia, aut Sardinia, Italiave, seu Sicilia, seu alibi, vllum monachorum institutum fuit, quod ex formula sanctissimi Patris aut ab origine non fuerit, vel succedentibus temporibus illius effectum non sit. J addis his, ^b In Gallia vsque ad annum millesimum sexagesimum sextum testificatione cuiusdam, cui inhæres, nulla alia fuisse monasteria nisi Benedictina. hæc tu haud semel, sed iterum atque iterum, more tuo, inculcas & exaggeras. Dicam cum Apostolo: ^c Non est bona gloriatio vestra, quia non vera: quod si non vera, erit plane eiusdem generis, cuius idem Apostolus meminit, dicens: ^d Gloria in confusione ipsorum. J

Tantum enim abest, vt exurgente S. Benedicto (quod tu dicis) ceteraz monachorum Regulaz oblitteratz fuerint longe lateq. in prouincijs enumeratis, vt ostendi etiam possit, eodem ipso sæculo alias recens institutas esse Regulas in Gallijs, ab illis diuersas, eademq. mirifice propagatas. Fuit earum auctor & promulgator sanctus Columbanus Hibernus, qui anno Redemptoris quingentesimo nonagesimosecundo in Gallias migrans, Luxouium veniens, fuit Luxouienfium monachorum institutor. Cuius res præclare gestas scripsit eiusdem temporis scriptor eius discipulus Ionas, non autem Beda, vt apud Bedam mendax titulus habet: qui ea quæ de S. Columbano scripsit, a S. Gallo siue Eustathio & alijs eiusdem Columbani discipulis se accepisse ^e testatur. qui de institutis ab ipso Regulis, vbi iam duo monasteria crexisset, hæc ait: ^f Ad cuius famam plebs vndique concurrere, & se cultui religionis dicare curabat, ita vt plurima monachorum multitudo adunata vix vnus cœnobij collegio confidere valeret. Ibi nobilium liberi vndique concurrere nitabantur, vt spretis phaleramentis sæculi, & præsentium pompam saeculatum contemnentes, æterna præmia caperent. Quod beatus Columbanus cernens, vndique ad pœnitentiæ medicamina plebem concurrere, & vnus cœnobij septa tantam conuersantium cohortem absque difficultate non continere; & quamuis mente vna & corde vno; tamen

^a pag. 101.

^b 1.

^c Ead. pag.

^d 18.

^e 1. Cor. 5.

^f Philip. 3.

^g Vir. S. Co-

lumb. c. 10.

in fine.

^h Ead. vir. c.

9.

conuersationi tantæ multitudinis incongrua : alium experimento locum elegit, quem aquarum irriguitas adornabat, aliudq. monasterium construxit, cui, Ad fontanas, nomen indidit, deditq. gubernatores prepositos, de quorû religione nihil dubitabatur. His ergo in locis monachorum plebibus constitutis, ipse vicissim omnibus intererat; REGVLAMQ. quam tenerent, Spiritu sancto repletus condidit. In qua autem qualis & quantæ disciplinæ vir sanctus fuerit, prudens Lector, vel auditor agnoscit.] hæc de Regula a S. Columbano conscripta, viro quidem, sicut sanctitate eminentissimo, ita doctrina haud impare. de quo ista Sigebertus scribat: ^a Tanto sapientiz thesauro est ditatus, vt adhuc adolescens librum Psalmorum climato sermone scriberet, & alia multa ederet, vel ad canendum digna, vel ad docendum vtilia.] Vides ne Constantine, quantum ex his tu mendacij arguaris, & vanæ iactantiæ, dicam ne & inuidentiz? qui nolis nisi S. Benedicti celebrari nomen, illustrari gloriam, reliquorum vero Sanctorum, qui eodem vitæ genere claruerunt, (quantum in te est) penitus obscurari; & constituas Deum inopem, qui post collata S. Benedicto diuina charismata, exhausto penu, non habuerit quæ alijs elargiri posset dona cælestia. An dices, longe impar Columbanus, qui cum Benedicto conferri possit? Non de his disputo, quæ diuinorum sunt secretorum, vt temerarius arguatur qui ista definienda susceperit; sed illud tantum ago, vt ad comprimendum tantæ arrogantiz fastum, ostendam non solum falsum esse quod asseris, promulgatis Regulis S. Benedicti reliquas defecisse, sed alias etiam adhuc creuisse, longe lateq. secundo germine propagatas S. Columbani Regulas esse, easdem in Cœcilio Matiscopensi ^b examinatas atque probatas, diuinis miraculis confirmatas, cum aduersus earumdem impugnatores intonuit de celo Dominus, perdiditq. omnes miserando interitu refractarios. Quas & constat percognitas paulo post ab ^c Honorio Romano Pontifice, & approbatas, eiusdemq. diplomate monachos ipsarum professores communitos. Quibus etiam repleta fuisse multiplicia monasteria Galliarum tam monachorum quam virginum seminarum, idem auctor testatur tum in Columbano; tum etiam in alijs sanctis Attala, Bertulpho, Eustathio, & Burgundophora, quorum res gestas omni fide conscripsit ipse eius ordinis tunc viuens monachus obseruantissimus Ionas: quæ si legeris, plane intelliges quantum peccaueris, cum stylo tuo ita perfunctorie nullius præter S. Benedicti Regulas post earum promulgationem viguisse es conatus asserere. Scies pariter, S. Columbanum S. Benedicto non imparē, in aliquibus apparere præstantiorem, dum grauiores est passus a Regibus persecutiones: fuisse pariter in sanctitate discipulorum æque felicē, in miraculorum editione æque præstantem. vt si alter magnitudine superet, alter numero vineat. His vero magis persuadeberis, si perlegas insignia facta S. Galli eiusdem S. Columbani discipuli, quæ Vualfridus Strabo ^d summa diligentia perquisita, accurate conscripta, posteritati digna memoria tradidit duobus libris elucubratis. Ista dixerim & prædicauerim, non (vt fortasse tu senties) in S. Benedicti, eiusq. ordinis detractionem,

^a Sigeb. de illust. eccl. Script. c. 60.

^b Tenas in Eustathio.

^c Idem in Bertulpho.

^d Apud Sur. to. 5. dist. 6. Odober.

tionem, immo in maioris gloriæ argumentum (etenim charitas con-
gaudet^a veritati: cum & in beata illa communione Sanctorum, alter *a 1. Cor. 13.*
alterius meritis gloriatur vt proprijs:) sed vt ita styli nostri acumi-
ne, veluti chirurgo ferro, turgens sanie apostema pungens, contractum
intus arrogantię virus foras erumpat, & ita ingenti morbo cureris. Ad-
diderim adhuc insuper, ne quoquo modo aduersus adeo patentem testi-
ficationem Ionæ, de sancitis a Columbano Regulis monachorum, dicere
possis (quod tibi in more est) easdem acceptas fuisse ex S. Benedicti Re-
gulis: ex ijs vnam recitabo, vt omnem prorsus mentiēdi tibi auferam oc-
casionem. Ionas igitur in S. Burgundophoræ vita, quam scripsit, hæc ha-
bet: Erat enim consuetudinis monasterij & Regulæ, vt ter in die per
confessionem vnaquæque earum mentem purgaret, & qualemcumque
rugam mens per fragilitatem attraxisset, pia proditio ablueret.] hæc ip-
se. Porro Regulam istam inter S. Benedicti Regulas nequaquam inue-
nies, vt scias Regulas Columbani diuersas fuisse a Regulis Benedicti, si-
cut & alias, de quibus actum est in dicto Concilio Matisconensi; cum
tamen in ijs, quæ sunt præcipua ordinis; omnes Patrum Regulæ siue
Orientalium, siue Occidentalium, in vnum simul conueniant. Ad quod si-
gnificandum Benedictus quidam his temporibus proximus Abbas, com-
mentarium eodem argumento conscripsit, de quo ista Sigebertus^b ha-
bet: Benedictus Abbas scripsit ad monachos librum, quem vocauit, *b Sigebert. de
illust. Scrip-
eccl. c. 6a.*
Concordiam Regularum, multorum Patrum Regulas Regulæ S. Benedi-
cti conferens, vt nulla Patrum Regula a Benedicti Regula discordet, im-
mo Benedicti Regula Regulis omnium Patrum concordet, ostendit.] Ar-
guendus vero fur & expilator Trithemius, qui Columbanum cum suis
inter Benedictinos annumerat.

Post hæc autem quo negare posses, Valentionem ex Valeria prouincia
monachum institutorem fuisse S. Gregorij (quod idem ipse in dialogis
sæpe testatur) eo confugis, vt absque auctore aliquo, sed tua conjectura
tantum asseras, dialogorum^c S. Gregorij textum a Græcis monasterium *c pag. 145. 7.
30.*
postea incolentibus esse corruptum, & loco Hilarionis ab eis positum.
Valentionem, vt legitur hodie in antiquis codicibus. ista adeo delira,
suade deliris. Sed demus a Græcis factum esse, quod dicis, vt loco Hila-
rionis, eo ab eis abrado nomine, sit subinductum nomen Valentionis: vbi
locorum id factum asseris? In ipso, dicis, monasterio S. Gregorij in Vrbe
posito ad Cluium Scauri, cum in eo habitarent Græci. Demus, inquam,
volumen illud fuisse reuera deprauatum a Græcis: cetera vero per or-
bem Occidentalem ac etiam Orientalem sparsa dialogorum volumina,
quorum exemplaria, viuente adhuc ipso S. Gregorio cæpta sunt descri-
bi, & ad diuersos mitti, & inter alios ad Theodelindam^d Reginam Lon-
gobardorum: num illa omnia dixeris deprauata, cum in omnibus illis
exemplaribus siue originarijs, sine ab illis descriptis, quæ hætenus reperi-
untur, non nisi Valentio legatur, Hilario vero in nullo eorum? Doce,
si potes, Græcos illos monachos vniuersum perlustrasse orbem, omniaq;
exemplaria nactos esse, eademq; singula corripisse. sed nec tamen ad-
huc

*d Paul. diag.
lib. 4. c. 5.*

huc fatis ista, nisi in ipsis antiquioribus codicibus ostendisses membranz-laxionem in abrasione Hilarionis nominis factam. Sed quod incon-
sulte ista abs te, veluti accepta somnio ingeruntur: dicas quæso, quæ-
nam causa ad codicum omnium deprauationem Græcos potuit impu-
lisse, vt nomine Hilarionis expuncto, & Valentionis subrogato, vendica-
rent sibi Gregorium, vt suspicaris? Nonne magis ipsis opportunum
cessisset, legi Hilarionē, quam Valētionem? nam quis nesciat, nomen Hi-
larionis, præsertim quoad monachos, ex magno illo Hilarione, cuius vi-
tam S. Hieronymus scripsit, propagatum videri potuisse, quo Orienta-
les omnes exultant? Valentionem quis ignorat nomen esse Latinum, & a
Valente, sicuti Crescentionem a Crescente, & alia his similia deriuatū?
Quomodo ergo non aptius & commodius Græcis ad perficiendum,
quod eos dicis optasse, nomen fuisset Hilarionis, quam Valentionis?

a pag. 145. 7. Sed tu addis, * id ab eis factum, quod vulgatum esset nomen Hilarionis
21. institutoris S. Gregorij, monachum fuisse ordinis S. Benedicti. sed quo
id auctore vulgatum? nulla certe doceri potest, nisi Ioannis diaconi au-
thoritate. at nonne ante eundem Ioannem tu ponis Græcos depraua-
tores nominis Hilarionis? sed facessant ludicra ista, quæ sciant omnes,

b pag. 148. 9. iure quidem a nobis deliria appellata. Quod vero subijcis ^b de Italie
20. monachis, eos tunc temporis non militasse sub S. Basilij Regulis: de his
in Responsione ad alium ex tuis monachis prolixior erit sermo.

Iam vero maximi momenti aggrediar questionem, in qua cupio
Lectorem attentum, eo quod disserendum sit de falsitate citatæ ab eo
cuiusdam epistolæ a nobis hic recitandæ, quæ si abs te germana osten-
di potuisset, tibi sine controuersia cedendum fuisset. Affers num-
a pag. 149. 9. quam hætenus visam epistolam ^c nomine cuiusdam Bernardi Abba-
7. tis monasterij S. Honorati ad Simplicium Abbatem monasterij Cassi-
nensis: quam ab ipso eius titulo redarguere incipimus inoposturæ. sic
enim se habet:

Reuerendissimo monachorum patri Simplicio Bernardus Abbas Mo-
nasterij, apud Fundanam Urbem obedientiæ subiectionem.] Ita inscrip-
tio: ex qua quidem statim subodorati sumus imposturam, quam vt in-
uenire possemus, sagaci studio laborauimus. inuenimus tandem, Deo
faute, vindice veritatis. Quod igitur in primis ad epistolæ inscriptionem
pertinet, ob ipsum nomen scribentis Abbatis, Bernardi scilicet, &
aliud quod in ipsa epistola legitur nomen Hugonis, eam possumus re-
darguere commenticiā, eo quod dicta nomina tempore Gregorij non-
dum introducta noscantur. Vnde intelligi possit ipsam epistolam confi-
ctam postea ab aliquo fuisse recentiore auctore, qui vixerit eo tempore,
quod nomina hæc vltu recepta fuerunt. quisnam autem iste impostor fue-
rit, non inquirō; te tamen libero, Constantine, tibi credens, inueniri
eam in antiquo codice Cassinate. Quisquis autem ille fuerit, dignus
plane fuisset, qui ad tribunal ecclesiasticum delatus, illud luisset de fal-
sitate supplicium, quod tempore Pij Papæ Quinti irrogatum vidimus in
Ciccarellum quemdam impostorem, qui cum pro animi arbitrio id ge-
nus

nos monumentorum fingere conuictus fuisset, traditus Curie seculari, laqueo luit pœnas, ipsius etiam cadauere flammis absumpto. At præter hæc, quæ diximus de falsis nominibus, quænam alia grauiissima suppetant argumenta ad redarguendam imposturam, iam in medium afferamus: sed primum hic ipsam, prout abs te in tuo secundo colloquio cussa legitur, reddamus epistolam, quæ sic se habet post recitatam superius inscriptionem.

Experientia compertum est multorum, Rectorum mores varias viuendi normas in monasterijs peperisse. Hinc factum est, vt iam omnia monasteria Campaniæ, Samniæ, Valeriæ, Tusciæ, & aliarum prouinciarum Italiæ certam & rectam regulam viuendi, quam sanctissimus & Deo acceptissimus Benedictus magister tuus instituit, seruare decreuerint, vt iuxta illam viuentes, nec ad dexteram, nec ad sinistram declinare præsumant. Hanc ego seruandam proposui huic Congregationi, cum nuper me in suum Abbatem elegerit indignum. Quam cupientes in hoc monasterio, sicut in Cassinensi monasterio, obseruare inuiolabiliter, decreuimus ad sanctitatem vestram destinare religiosos ex eadem Congregatione viros, Hugonem & Paulum Fratres nostros, iuxta prædictam sanctam Regulam, & obseruantiam plenius instituendos in Cassinensi sancta Congregatione. quos commendatos apud paternitatem tuam humiliter obsequio rogamus. Datum in monasterio prope Vrbem Fundanam vii. Kal. Aprilis.] ita descripta & recitata abs te epistola, cuius artifex subdolos (quisquis ille fuerit) id ex ea voluit posse probari, iam ipso tempore Simplicij Abbatis, ad quem data habetur epistola, prouinciæ Valeriæ monachos sub S. Benedicti Regula profiteri cepisse, sicq. Valentionem illum primum Abbatem & institutorem S. Gregorij monachum fuisse Benedictinum. ita quidem. Si enim vera fuisse ostendi posset epistola, iam causa tota esset euicta, ac perorata, tibiq. Constantine, adiudicata; sed quoniam manifestè conuincitur falsitatis, te eadem causa cadere, certum est.

Scias itaque, non solum ex dictis illis duobus nominibus adsciticijs, Bernardo & Hugone, reddi epistolam hanc tuam de impostura suspectam, immo conuictam; sed id ipsum a nobis demonstrandum longe euidentiori argumento, quo quidem tu ipse constrictus, atque omnino conuictus idem asserere, (nisi priuatus affectus mentem obtunbilet) id ipsum, sateri cogaris, & exclamare etiam tu ipse, zelo veritatis incensus, aduersus huiusmodi nebulonem, tanti sceleris architectum, etiam si renueris, a conscientia compellaris. Nam si ostendero ante annos decem & octo excisum fuisse Cassinense monasteriũ, quam potuerit ea epistola ad Simplicium scribi: plane falsam illam esse affirmare cogaris, quæ scripta dicitur ad Simplicium in monasterio Cassinensi conuiuantem.

Accipe igitur certam rei demonstrationem omni testificatione maiorem, non ab alio auctore quam ab eo, qui eodem tempore vixit, eiusdem ordinis sanctissimo monacho allatam, eodemq. discipulo S. Benedicti, Fausto scilicet dico, sincerissimo S. Mauri vitæ scriptore, cuius in

primis assertione illud constat, Simplicium æque discipulum S. Benedicti, datum fuisse comitem ab eodem Patre sanctissimo ipsi Mauro in Gallias proficiscenti, vbi vna cum eo etiam iugiter permaneret: quod & præstitit vsque ad ipsius Mauri obitum, necnon Bertulphi Mauri successoris, qui duobus post Maurum superuixit annis. Inde vero vna cum eodem Fausto, (vt ipse in præfatione testatur) est reuersus ad suos, ex quibus egressus fuerat, monachos Congregationis Caslinensis tunc Romæ in Laterano commorantes. Sed quoto anno Redemptoris id acciderit, ex eiusdem Fausti supputatione in fine vitæ ipsius Mauri facta sic accipe, ab ipso rerum principio ab eodem auctore ita deducta: * Oblatus est, inquit, Maurus beato Benedicto; habitauit cum eo annos viginti.] sicq. inde ab eo recessisse oportuit anno salutis quingentesimo quadragessimotertio. nam in confesso est apud te ^b ipsum absque dubitatione, aliqua, ex Leone Ostiense & alijs, anno vigessimotertio post quingentesimum oblatum fuisse a patre suo Eutychio S. Benedicto Maurum ipsum. His itaque si addas annos illos viginti cômorationis cum eo, vtique (quod dictum est) salutis anno quadragessimotertio post quingentesimum, asserere opus est, ipsum S. Maurum a S. Benedicto in Gallias esse missum. Adijce rursum huic numero annos quadraginta & vnum, quibus cum Mauro vixisse, vsque ad obitum scilicet ipsius Mauri, Simplicium, Faustus affirmat, atque his adde annos duos vitæ Bertulphi successoris Mauri, quibus retæti ab eo sunt ambo Simplicius atque Faustus, antequam recedere possent ex Gallia in Italiam: fiet omnino annorum numerus octoginta sex supra quingentos, quo scilicet anno Faustus & Simplicius sunt ex Gallia reuersi ad suos Fratres Caslinensis Congregationis monachos, non autem ad Caslinense monasterium; quia iam ante destructum fuerat anno salutis (vt tu ipse etiam constanter asseris) quingentesimo septuagesimooctauo: * quo ex tempore vsque ad reditum Simplicij atque Faustij anni numerantur decem & octo. Si ergo Simplicius toto illo tempore mansit in Gallijs, nec reuersus est inde, nisi elapsis annis decem & octo post destructum monasterium Caslinense, nempe anno octogesimo sexto post quingentesimum: quomodo potuit ille Bernardus Abbas monasterij S. Honorati misisse duos illos monachos ad Caslinense monasterium ad Simplicium instruendos, si neque tunc extabat monasterium Caslinense, iam ante decem & octo annos excisum? Quid ad hæc Constantine dicis? vera sunt ne ista, quorum tantus testis est auctor, eiusdem S. Benedicti charus alumnus Faustus, cuius verba & scripta omnes vt diuinum oraculum consueuerunt accipere? Detestare igitur mecum detectam de falsa epistola imposturam, labora vt flammis vlttricibus detur, quæ adeo vestram honestissimam Congregationem infamat, Fausto ipso S. Benedicti discipulo vindicem aduersus eam agente.

Sed quomodo tu ipse in alijs etiam pluribus magnopere atque multipliciter ex ijs, quæ ex Fausto sunt allata, redarguaris, quæ quidem miramur abs te non esse considerata, accipe. Ac primum dum vis Simplicium

a Apud Sur.
die 15. Ian.

b pag. 100.
§. 26.

c pag. 170.
§. 22.

plicium hunc tertium fuisse Abbatem post S. Benedictum in monasterio Cassinensi, cum tamen (vt expresse habes ex Fausto) ipse Simplicius numquam sit reuersus ad suos, nisi post annos quadraginta tres a professione in Gallias, atque post excisum monasterium Cassinense annis decem & octo: Redargueris rursum a Fausto, cuius & auctoritate conuinceris, quod male sis interpretatus verba S. Gregorij, ^a de Simplicio, a quo de vita S. Benedicti pleraque acceperat conscribenda, sic loquentis: Simplicio, inquit, qui Congregationem illius post eum tertius rexit.] interpretatus, inquam, Simplicium post S. Benedictum fuisse tertium Abbatem monasterij Cassinensis: cum tamen ex his, quæ dicta sunt ex Fausto res oculis spectante, appareat manifeste, id quod dicit S. Gregorius, post eum tertius rexit,] relationem habere non ad S. Benedictum, sed ad Valentinianum Lateranensem Abbatem. Ac licet post Valentinianum, ponatur ab eodem Fausto in præfatione Theodorus tertius Abbas, id accidit ex diuersa ratione & ordine numerandi, nimirum quod ab ipso Valentiniano inceperit Gregorius numerare; Faustus ab eo, qui post Valentinianum primo loco successit: alias inter Faustum, & S. Gregorium magna fieret discrepantia. Tertio vero loco generatim es redarguendus a Fausto, dum in supputatione tam Abbatum Cassinensium, quam Lateranensium, in qua tantopere laboras, mirum in modum errare conuinceris: idem tu ipse, qui in Baropium ex perperam facta eorumdem Abbatum supputatione petulanter adeo insultasti. fortasse dicturus es more tuo, ista nos dicentes, vniuersam conuellere antiquitatem. At nos contra dicimus, velle eam statuere, atque etiam restituere, ipsa nempe veterrima veterum in lucem prodere, quæ scripta reperiuntur ab antiquo S. Benedicti discipulo Fausto, eiusq. auctoritate reliquos redarguere oscitantæ, quod in peruestigandis antiquis scriptis adeo tepuerint, atque cœcutierint. Vt sic intelligant omnes, vnum nostrum hoc esse studium, ipsam antiquitatem adeo obscuratâ elucidare.

Sed accipe adhuc a Fausto correctionem quartam, qui ex eo etiam te redarguat, quod mendaciter illum citas, quasi asserat, post Valentinianum fuisse Abbatem Lateranensem Gregorium quemdam: ^b sunt enim hæc tibi verba: Cui, Valentiniano, successisse Gregoriū quemdam, tradit Faustus in vita S. Mauri.] hæc tu ipse. at in vita Mauri a me sæpe perlecta nihil tale potui reperire. Siccine bona fide rem agis, vt non falsos tantum testes, sed falsas etiam testificationes adducas? Faustus igitur tuus pater, tuus corrector insurgat, teq. redarguat, quod patrem decet, amanter.

Et si autem, redarguente Fausto, qui ea, quæ vidit (vt testatur ipse) conscripsit, errasse conuinceris tam recensendo Cassinenses Abbates, quam etiam Lateranenses: veniale tamen sit tibi, quod alijs præuijs, quos es secutus, errantibus, tu quoque in eandem erroris foueam tractus, cum ipsis errasti. ^c Siquidem Paulus diaconus primus erroris huius signifer reperitur, dum ita ante te numerauit successionem Abbatum Cassinensium; quem secutus est postea Leo Ostiensis. ^d Vixit ille, scrip-

a Lib. 2. dial. in princip.

b pag. 169. vers. 10.

c Paul. diac. lib. 4. c. 6. in nou. c. 18. d Leo Ostien. Chron. Cass. lib. 3. c. 2.

fitq. temporibus Caroli Magni, annis post S. Gregorium pene ducentis; iste vero post annos quingentos ab eodem Pontifice. Hos & alios scimus esse secutos, Paulo diacono inhaerentes, qui quidem deceptus esse noscitur ex ambigua sententia verborum Gregorij, relatione ab eo facta ad Benedictum, quam ad Valentinianum proxime positum esse reuocandam ex his, quæ scripsit Faustus, apparet. Qui vnus instar omnium, nobis sit, vt qui oblatus S. Benedicto septennii, cõaluit cum ipso, crescens cum annis pariter & sapientia, apud quem permansit vsque ad tempus profectiois S. Mauri, quando (vt dictum est) vna cum ipso, atque Simplicio, alijsq. collegis in Gallias missus est, vbi permansit vna cum eodem Simplicio vsque ad obitum S. Mauri atque Bertulphi, post quem eundem Simplicium redeuntem in Italiam dicto tempore est secutus, qui cum & eiusdem Simplicij peregrinationis, & stationis, profectiois, & reuersionis comes fuerit indiuiduus: plane de rebus Simplicij perdiscendis, nemo erit qui cum Fausto veniat comparandus: ita vt neque, si vniuersus orbis in contrariam sententiam conspiret, aliquid Fausti fidei detrahi possit, quæ præ tanti viri dignitate, a nemine hæcenus fuerit in dubitationem, vel controuersiam deducta. Quod vero haud, vt par erat, habita ratio est a legentibus de tempore Simplicij mansionis in Gallijs, & in Italiam reditus; euenit vt de eodem Simplicio etiam grauissimi auctores errauerint.

Ad excusationem vero Pauli diaconi, & aliorum, qui eum sequuti ponunt Simplicium tertium Cassinensis monasterij Abbatem, primum dico ac repeto, Paulum ipsum, & ipsi inhaerentes ex eo deceptos, quod S. Gregorius nominauerit eum tertium Abbatem, ita existimantes tertio loco successisse S. Benedicto. Inde vero iidem ex eodem Fausto in præfatione ad vitam Mauri ex ijs, quæ proxime recitabimus, decepti quidem fuisse noscuntur, cum putarint, ipsum asseruisse, eundem Simplicium reuersum ex Gallijs in Italiam ad monasterium Cassinense; sicq. cum eum S. Gregorius appellet tertium Abbatem, quem Faustus asseruerit Cassinum rediisse: absque aliqua ambiguitate visum est, esse dicendum, Simplicium tertium fuisse Cassinensem Abbatem. Excusatione plane dignus error, vt senties, cum audieris quæ a Fausto in dicta præfatione ad vitam Mauri narrantur. Ipse enim ibidem agens de suo reditu vna cum Simplicio ex Gallijs in Italiam, hæc ait: Ego itaque cum longe post transitum egregij Confessoris Benedicti magistri nostri, operum mirabilium patris, sepulto iam beatissimo Mauro & duobus comitibus nostris Constantino, & Antonio, ad nostrum monasterium, vltimam iam pene agens ætatem, vna cum Simplicio, iuxta mandatum beati Mauri, fuisset regressus: compulsus ab omnibus Fratribus Congregationis Cassinensis cœnobij, de quo profecti fueramus, &c.] Subdit enim, quomodo ab eiusdem monasterij monachis rogatus, scripserit vitam S. Mauri. Ista tu audiens, Lector (rogo te) nonne his suafus, firmiter animo concipis, eosdem Faustum & Simplicium rediisse vnde missi fuerant a S. Benedicto, ad monasterium Cassinense? Vtique plane, dices; cum

cum id visus sit idem auctor asseruisse verbis illis: Ad monasterium nostrum regressus, compulsus ab omnibus Fratribus Congregationis Cassinensis cœnobij, de quo profecti fueramus.] Sentirem, fateor, hoc ipsum & ego, nisi alia euidentiora obstarent omnino: nèque ab ista sententia dimoueret, quod idem Faustus mox subdit, se etiam a Theodoro Abbate monasterij Lateranensis fuisse rogatum, vt de vita S. Mauri historiam scriberet. Nam nihil prohibet, quin a diuersis, diuersisq. locis atque temporibus potuerit idem Faustus esse rogatus, vt faceret sentirem, inquam, & ego id ipsum, atque sic errarem cum illis, nisi exacta temporis disquisitio, ne in eundem errorem impingerem, veluti in tenebris lux veritatis, tamquam admota lucerna fulsisset.

Quænam autem ista lux fuerit, superius est demonstratū, nempe certa temporis ratio, ex supputatione annorum per eundem Faustum ex notis multiplicibus comparata, qua absque vlla penitus dubitatione, reperitur, eorumdem Fausti & Simplicij ex Gallijs in Italiam reditum contigisse post decem & octo annos ab exciso a Longobardis Cassinensi cœnobio, ita vt non potuerint ipsi vllo pacto in idem cœnobium ad suos Cassinum esse reuersi, sed potius Romam ad Lateranensem cœnobium, quo omnis beata Congregatio illa Cassinensis post destructum monasterium Cassinense confugerat, idq. non ante annum Redemptoris quingentesimum octogesimum sextum; sicq. tota illa descriptio Fausti, qua ait, se cum Simplicio ad suum monasterium esse reuersum, de quo profecti fuerant, sit intelligenda non de loco, sed de personis ipsius loci, nempe de Congregationis Cassinensis Fratribus. Qui autem ista haud adeo accurate considerarunt, mox in eam sententiam abeuntes putarūt omnino, cum Fausto Simplicium Cassinum esse reuersum, ibiq. Abbatibus munere tertio loco post S. Benedictū esse perfunctū. Fuit horum primus (vt dictū est) auctor omnium Paulus diaconus, qui secum traxit reliquos omnes, qui eadē de Simplicio asseruerunt, nec aliunde, quam ab eodē accepta. Idipsū disertis verbis Trithemius affirmauit, eodē scilicet Faustū atque Simplicium esse reuersos a Gallijs in ipsum Cassinense cœnobium. Nam audi quid dicat primum in libro de Scriptoris ecclesiasticis, cū agit de Fausto: * Mortuo sancto Mauro, ad montem Cassinum reuersus est.] & in libro de viris illustribus de ambobus eadem istis verbis: ^a Mauro defuncto, Faustus & Simplicius ad cœnobium Cassinense sunt reuersi, cum iam prope ultimam agerent ætatem.] hæc ipse, sed errans.

^a Trith. de
Script. eccles.
c. 2.
^b Idem.

Qui autem primus omnium eiusmodi peruestigauit & inuenit errorē, nempe fieri non potuisse, vt iidem Faustus atque Simplicius ex Gallijs post tot annorum curricula reuersi fuerint in monasterium Cassinense, quod id ratio temporis (vt dictum est) prohiberet, vt sæpe superius demonstratum est; fuit Petrus diaconus Cassinensis, qui (vt par erat) nequaquam hos voluit reuersos esse Cassinum, sed Romam in Lateranense cœnobium, & prudenter quidē. Sed qui non, vt debuit, quem inuenit, correxit errorē: grauius inde errauit & ipse. Qui prius post annos quingentos & amplius a tēporibus Fausti atque Simplicij absque aliquo præ-
uio

uio assertore, pro animi arbitrio, duos excogitauit fuisse Simplicios, alterum scilicet tertium Abbatem monasterij Cassinensis, alterum vero collegam Fausti ex Gallijs, reuersum Romam ad monasterium Lateranensem, sicq. vnum eundemq. secuit in duos. Sed quo auctore, qua testificatione, cuius assertionem antiquioris? nullius penitus. Nemo enim toto illo decursu quingentorum annorum inueniri vsquam potest, qui duos fuisse Simplicios dixerit, eiusdem temporis monachos praeclaros discipulos Benedicti: licet ipse vltimo illo compendio suo volumine, quod scripsit de viris illustribus Cassinensibus, visus est correxisse errorem, cum in eo non nisi de vno Simplicio meminerit, ^a cum tamen in duobus tractatibus, quos antea scripserat, duos sinxerat sibi Simplicios, in opusculo inquam, quod inscriptum est, *Ortus & vita Iustorum cœnobij Cassinensis.*] atque in tractatu, cuius est inscriptio, *Sermo in Octaua S. Benedicti.*] quos ante librum illum de viris illustribus fuisse conscriptos, ex eo redditur manifestum, quod in fine eiusdem opusculi, dum suas lucubrationes recenset, eorumdem meminit a se scriptorum voluminum. In quo cum (vt diximus) non nisi vnum Simplicium agnoscat, & non, vt ante bis fecerat, duos constituat, videri potest a sententia discesse, quam quidem haud firma ratione asseruisset, dum ex sepultura ipsius id conatus fuerit demonstrare.

Quam autem ea quæ recitat sint infirma, tu Lector, attende: ait enim in opusculo illo, cuius est titulus, *De octaua S. Benedicti.*] cum agit de inuentione eiusdem venerandi corporis: Eodem siquidem tempore, quo Ecclesiæ speculum Desiderius eamdem renouabat ecclesiam, cum tres non integras vlnas sodisset, die octaua eiusdem sanctissimi Patris: subito ignorantibus cunctis sepulchrum inuenit, in quo tanti Patris conditus retinebatur thesaurus. Statim vero terræmotus factus est magnus, odoris quoque extitit tanta suauitas, vt omnes simul maximo pauore stuperent: mons etiam totus ab imo vsque ad summum quatiebatur; decem namque & septem vicibus eo die a terræmotu concussus est: super sepulchro quoque in dextero latere altaris laterem reperit, nomen eiusdem Confessoris continentem.] & narratis ijs, quæ tunc accidisse ait, miraculis, ista subiicit: Aduesperascente vero die, a venerabili patre Desiderio deputati sunt quæ plurimi Fratres, qui vigilias tota nocte iuxta sanctissimi Benedicti corpus celebrarent. Cumq. omnes alij egressi fuissent, Gregorius eiusdem ecclesiæ Paramonarius dixit: Si æquum vobis videtur, sacratas reliquias, antequam dominus Abbas veniat, inspiciamus. Quod dictum dum placuisset omnibus; accedentes ad locum, inuenerunt super sepulchri sindonem expansam candidissimam, quæ cum tangebatur, euanescebat. leuantes autem lapidem, inuenerunt duas sepulturas, in quibus hoc ordine reliquæ positæ erant. Loculus erat marmoreus in dextera parte sepulchrorum longitudinis quatuor pedum, & latitudinis pene duorum, in quo ossa patris sanctissimi Benedicti, & sororis posita erant. In sinistro autem sepulchri latere locus erat ligneus positus, in quo caro eius posita erat. positi autem fuerant ita: capita-

corum

^a *Petr. diac.
de vir. illust.
Cass. c. 5.*

eorum contra chorum, pedes contra altare sancti Baptistæ Ioannis habentes. Iuxta pedes vero eorum inuenerunt sepulchra, in quibus Carolus sanctus, & Constantinus, & Simplicius requiescebant. A dextro autem altaris latere Benedictum patrem sanctissimum, a sinistro beatam Scholasticam inuenerunt.] subiicit de sublato S. Benedicti dente per Gregorium. Sed & alia, quæ tunc accidisse tradit, narrat miracula: at hæc satis a nobis sint recitata de his quæ ad Simplicij corpus pertinent, de quo est disceptatio, quod ex eius sepultura Petrus arguat Simplicium Abbatem fuisse monasterij Cassinensis .

At hæc an in omnibus vera sint: appello in primis Leonem Ostiensem, qui tunc temporis viuabat, & ea quæ tunc contigerunt videbat, & quam exactissime describebat, studiosissimus Desiderij Abbatis, tunc eandem basilicam innouantis: appello, inquam, præcipuum vestrorum historicorum, ne refractarius nimis rerum vestrarum existimer. Quisnam nobis successeat, si quæ vestri dixerunt, iidemq. auctoritate præstantiores; adducam in medium, ad confutanda ea quæ Petrus scripsit, vel alius nomine eius supposuit, qui necdum eo tempore natus erat? Leo igitur Ostiensis, dum de his agit, quæ tunc contigerunt, cum veteri destructa basilica, noua est ædificata, cuncta diligenter stylo prosequens, ubi venit ad effossam S. Benedicti sepulchrum, singula quæ tunc sunt facta, recensens, hæc habet de inuentione tumuli S. Benedicti: ^{a Leo Ost. lib. 3. c. 26.} Interea dum adytum ad planitiem ecclesiæ, quæ cubitorum fere sex putabatur, consequenter disponderet: tres vlnas non integras fodiens, subito Benedicti patris venerabilem tumulum reperit. Moxq. cum religiosis viris communicato consilio, ne illum omnino mutare præsumeret, ne quis aliquid posset de tanto thesauro surripere: tumulum ipsum eodem, quo situs fuerat loco, pretiosis iterum lapidibus textit, ac desuper arcam Patrio marmore in transuersum basilicæ, idest, a Septemtrione in Meridiem, quinque per longum cubitis, opere præclaro construxit. Hoc itaque modo adytus in priori eminentia perstitit, ita vt a pavimento ipsius ad pavementum ecclesiæ gradibus octo descendatur sub fornice scilicet maxima, quæ eidem adytui imminet, præter illum gradum, quo ad altare subitur, &c.] ^{b Ibid. lib. 3. c. 27.} b prosequitur enim reliqua sigillatim eodem quo facta sunt ordine, vt nihil voluisse præterire visus sit, vt prudens Lector intel-
liget, si consulat ipsa .

Qui & inferius, dum agit de ipsius basilicæ dedicatione, deq. consecratione S. Benedicti altaris, post alias diuersorum Apostolorum, & Sanctorum reconditas ibi reliquias hæc addit: ^{c Ibid. lib. 3. c. 27. in fine.} c Duo etiam argentea, scrinia, plurimis Sanctorum repleta reliquijs intra ipsum altare honorifice sunt in marmore superiori suspensa, quæ reuerendissimus Papa Benedictus ob amorem & reuerentiam sanctissimi patris nostri Benedicti de sacrario Lateranensis palatii sumpta ad Cassinensem direxit ecclesiam, &c.] & ne quis dicere posset, iidem scrinijs contenta fuisse ossa Simplicij, quorumnam Sanctorum illæ reliquiæ fuerint, sigillatim inferius narrat.

At vbinā mentio apud eundem Leonē de adinuentis & collocatis ibidē tribus alijs sepulchris, nempe Carlomanni, Constantini, atque Simplicij? insuper vbi mētio ibi, quod non vnum ibi sed duo sint inuenta sepulchra, alterum quo S. Benedicti ossa, alterum quo caro eius (vt ait) posita erat? certe quidē non nisi de vno tumulo, eodemq. S. Benedicti, Leo qui aderat, scribit: presentem enim se illa omnia inspexisse testatur, cū tamen reliqua cuncta longe minoris momenti, quæ tunc sunt facta, memoriæ perpetuæ tradere minime prætermiserit. Præterea quomodo sub vno altari

a Leo lib. 2.
c. 44.

(vt est Petri assertio) inuenta sunt quinque sepulchra? Vel quomodo tantopere (vt idē Leo sæpe * testatur) esse potuit dubitatū, num illic esset corpus S. Benedicti: si quoties singulorū illorum triū Beatorum corpora illuc fuerunt illata, toties oportuerit ipsum altare detegi, & tumulum ipsius S. Benedicti perspicuum reddi omnibus intuentibus? Vel quonam pacto paulo post Urbanus Papa successor ipsius Desiderij in Pontificatu,

b Chron. Cas.
sin. lib. 4. c. 3.

potuit adhuc dubitasse, (quod ipse Petrus diaconus scripsit: b) cum Cassinum petijt, an illic corpus S. Benedicti reconditum esset, vt oportuerit cum diuinitus facta apparitione reddi certum si adeo patens nuper facta fuerat tot miraculis ipsius detectio sepulturæ? Vel quomodo tot tāta signa illa coram edita ab ipso Leone Ostiensi potuerūt prætermitti, vt nec nutu saltem eorumdem vllō pacto meminerit, qui longe minora de eodem S. Benedicto facta miracula scribere non prætermisit? Sed & quam ratione, qui nouæ ecclesiæ singula altaria dedicata recenset, & singulas in eis singulis Sanctorum reliquias collocatas enumerat, trium illorum corporum, quæ tunc cum S. Benedicto essent inuenta, nullā penitus habuerit mentionem? Rursus quod ad terræmotum pertinet: potuit id nescisse qui aderat Leo Ostiensis, vel silentio rē tantam præterijisse, qui inferius, quando reuera contigerit terræmotus ille longe post eandem extructam & dedicatā basilicam, cum domus extrueretur, meminisset hisce verbis, quibus idem Petrus manifesti mendacij arguatur?

c Leo lib. 3.
c. 31.

Tantam vero, dum ista foderentur, fundamenta donius scilicet, experti sumus terræmotus vim, vt vna die decem & septem vicibus, alijs vero diebus bis, ter, quaterq. ac sæpius etiam per singulos dies sentiremus. Quod certe propter innumeras eiusdem loci sepulturas, necessario tunc violatas, quæ sanctorum forte hominum fuerant, multis tunc contigisse putauimus: nam raro alias hoc loco contingere solent terræmotus. Hæc Leo, quibus mendacissimus conuincitur Petrus.

Hæc igitur tibi, Lector, consideranda proponimus, quibus intelligas ista a Petro omnino fuisse conficta, vel si non ab ipso, ab alio tamen fuerit potius assumentū eiusdē scriptis appositū, quo probaretur Simplicius Abbas fuisse Cassinensis, cū tamen neque ex corpore ipsius inuento, si verū fuisset, id necessario inferri possit, illic ipsum esse defunctū. Nā & corpus Carlomanni, quod dicitur ibidē repertū, liquet eiusdē Leonis assertionem ex Gallijs translaturū fuisse Cassinum. potuit namque accidisse, si vera essent quæ apud Petrum inuenimus enarrata, vt monachi Cassinenses ad pristinum monasterium instauratū redeuntes, attulerint secū corpus eiusdem

d Leo lib. 1.
c. 7. in fin.

eiusdem beati Simplicij. Ceterum nec hoc puto verum; quoniam nondum canonizatus, & inter Sanctos relatus reperitur fuisse Simplicius, vt corpus eius subtus altare poni potuisset. Nam si canonizatus, & inter Sanctos relatus fuit, vt eo honore Sanctis tantum debito dignus haberetur: quare non a Cassinensibus, vel ab alijs eius memoria aliquando inuenitur celebrata fuisse? In Benedictinorum enim Martyrologio nusquam de Simplicio mentio, nisi in recentiore Arnoldi, cum agitur de inuentione eorumdem trium nuper nominatorum, auctoritate non alicuius, nisi Petri diaconi, cuius fides, quam vacillet, audisti. Euanesce itaque, vt tu vides, quæ post quingentos annos & amplius ab yno dumtaxat Petro de duobus Simplicijs adinuenta fuit assertio, a qua idem visus est recessisse, cum vltimo suo scripto nonnisi vnus meminerit, cum tam antiquiores, vt Paulus diaconus, & alij post eum, quam recentiores, vt Trithemius, nonnisi vnum suis scriptis Simplicium nouerint; licet in eo omnes errauerint, dum putarunt, eundem vna cum Fausto ex Gallia reuersum esse Cassinum. Hæc aduersus Petrum, vel Petri nomine scripta dicta sunt, non autem aduersum te, qui nonnisi vnum, vt reliqui omnes, tuis scriptis profiteris nosse Simplicium, errans tamen cum alijs, dum eundem constituis Abbatem tertium Cassinensem.

Post hæc autem tua prosequens scripta, inuenimus te sugillasse Baronium eo, * quod numerans Abbates monasterij S. Gregorij, aliquot prætermiserit. quid tum? Non eam suscepit prouinciam, vt Chronicon Abbatum monasterij sancti Gregorij compilaret; sed obiter ea attingens, quantum institutum ferret, ad alia tractanda se ex more conuertit. Inferius vero dum arguis eum, quod Abbatem vocet, ^b quem Præpositum monasterij S. Gregorius, quod ita S. Benedicti Regula traderet, appellaret: hoc est quod disputatur, num eiusdem Regulæ S. Benedicti S. Gregorius esset, vt dici possit, eadem fuisse nomina præfecturarum. Sed leuia prætermittamus ista, quod nec in his Baronius immoretur. Iam vero ad sequentis dici, idemq. tertium atque nouissimum Colloquium, quo absoluisi opus, conuertamus orationem, cum prolixum secundum istud Colloquium tuum iam paucis intelligas confutatum.

IN TERTIVM COLLOQVIVM.

NVgaris primum in eo, seu potius calumniaris, quod affirmas ipso ferme tertij Colloquij exordio, a Baronio auctorem neminem, ^c pag. 178. §. 10. afferri, qui asserat, quod probare conatur de S. Gregorio, eum non a S. Benedicto, sed a monachis prouinciæ Valeriæ ducere sui monachatus originem: cum sibi astipulantem citet ipsum S. Gregorium, id in dialogis iterum ac tertio profitentem, quo vno solo gaudet, vt confutet omnes tuos. Cumq. his alia rursum subijcis, declamans in eundem, quasi id non recipiat, quod in hanc diem ab omnibus fuerit traditione receptum: ^d rursum ad tuam hac in re infectam prouocas detegendam, cum ex his arguaris nescire, quid nomen ipsum traditionis ab Ecclesia vsur-

patum importet; quod nempe illud dumtaxat vere traditum, & obseruatione dignum existimetur, quod ab omnibus vbique & semper sit in Ecclesia custoditum, vt, quod in exemplum ducimus, ipsum sacrum signum Crucis, quod licet nulla scriptura constet promulgatum fuisse, tamen traditum vere dici potest, & omni obseruatione dignissimum: cetera autem, quæ non sunt huiusmodi, secus, etiam si mille habeant testes, cum ex veritate certa conuinci possunt mendacij. Sit exemplo, quod ad finem colloquij diei secundæ a nobis est de Simplicio dictum, qui cum auctoritate Pauli diaconi longe ante Ioannem diaconum asserptus fuerit Abbas tertius cœnobij Cassinensis, hancq. sententiam ita, mox secuti sint omnes, vt ne vnus quidem possit inueniri sensisse contrarium: tamen rei veritate comperta ex eius temporis Scriptore, qui cuncta vidit & scripsit, quis insaniens dixerit, tenendum esse, quod traditum; & veritatis compertæ nullam rationem habendam? Sic, cum tu ipse veritatem non ex certitudinis dignitate, momentiſq. probationum expendis, sed ex numero testium, qui omnes quod ab vno esse dictum reppererunt, turmatim absque aliqua discussione sequentes asseruerunt, adeo vt idem sint omnes ac vnus, cum ab vno in omnes idem fluxisse error inueniatur: perterrere fortasse poteris (quod præfati sumus) quempiam similem famulo Elisæi, ^a numerum immensum hostium perterritæ; at non eos, qui ingenuitate polleant ex veritate, dicente Domino: ^b Cognoscetis Veritatem, & Veritas liberabit vos.] Ad hanc te incudem prouoco, in qua crebrioribus ictibus probetur, quod sit aurum vel argentum adulterinum, quodve purum atque germanum.

At quid facis, cum aggredieris enumerare testes, qui faueant tuæ causæ, dum asseris S. Gregorium fuisse professorem Regulæ S. Benedicti? statuis ante primam aciem quem omnium fortissimum militem te habere existimas, ^c Bernardum videlicet Abbatem monasterij Fundani. Probe quidem, cum in tuam, tuorumq. erubescantiam (quod maxime doleo) rursus turpissimam eam imposturam spectandam adducis in scenam, rursus spectatorum sibilis explodendam. en qualem habes tuæ militiæ antesignanum. Hunc mox (ita abs te ordine isto rebus dispositis) sequuntur diplomata ^d eiusdem generis de donationibus factis a S. Gregorio, seu potius confictis monasterio Cassinensi. At de his nos copiose egimus in Responsione, quam post Apologeticum edituri sumus ad finem operis, vbi prouocati ijsdem commenticijs scriptis, facem & ignem immisimus in spineta illa falsorum documentorum, quo amando Lectorem.

At quid me occupas in refutandis reliquis futilissimis argumētis, & illo inter alia, quod subiicis, & deducis ex eo, quod scripsisse reperiatur S. Gregorius res gestas S. Benedicti, eiusq. instituta adamasse? Vnde huiusmodi deducis argumentum, vt dicas: ^e Si post cognita & laudata illa S. Benedicti instituta renuntiavit, & nuntium remisit sæculo: mirum valde esset, Gregorium aliud laudasse institutum, aliud professum fuisse. certe nouerat ipse vt iuris consultissimus illud ex eodē iure sumptū: Quod

semei

a 4. Reg. 6.

b Ioan. 8.

c pag. 184. v.

3. 187. v. 3.

d pag. 184.

v. 21.

e pag. 186.

vers. 20.

ſemel placuit, ampliſ diſplicere non debet.] Quod ſi Gregorius non fuit ex inſtituto ſanctiſſimi patris Benediſti, illud aut neſciuit, aut non obſeruauit, nempe quod iuris regula eſt dictum. Quod illud neſcierit, non conceditur, cum ex epiſtola eius optime comprobetur, iuris ſcienciſſimum fuiſſe. & ſi ſciuit, utique & illud obſeruauit. Nam ab eo, quod ei ſemel placuerat, numquam diſceſſiſſe credam. Niſi forte rationem aliquam tu ipſe attuleris, qua factum fuerit, ut tantus vir a tanto decreto diſcedere voluerit. Quod cum facere non poſſis: neceſſario dicendum eſt, Gregorium inſtitutum quod ipſe verbis laudauit, re ipſa profeſſum fuiſſe, &c.] hæc tua ſunt verba, quæ cum mirari iure poſſint omnes, qui legunt; totos oporteat eoſdem in riſum ſolui & diſſolui, cum te videant monachum agentem iuris interpretem, qui velis ea lege teneri queminlibet, ut quod ſemel laudarit, illud amplecti debeat; & non potius ſit illud, quod regula iuris habet, ad contractus referendum, vel ad alia legalia placita, quibus aliquis ſponte conſenſerit. Sed & illud quo dignum riſu, dum a S. Gregorio exigit obſeruatiõẽ eius legis, quam poſt annos ferme ſeptingetõs conſtat fuiſſe a Bonifacio Papa Octauo ſancitam? En vides Conſtantine quanto periculo monachus agat Iureconſultũ, & quid ſit, præſumere ultra crepidam. Ceterum quod ad S. Gregorium laudantem inſtituta S. Benediſti pertinet: nonne idem Gregorius aliorum Sanctorum virorum monachorum ſcripſit atque laudauit vitæ inſtitutum, & ſanctitatem, ut Equitiũ, Honorati, & aliorum? potuit ne omnium, quos probaſſet, Patrum ſequi ſimul ſingulorum veſtigia, & vitæ formam profiteri? Sunt enim iſta vocationis Dei, & non hominum electiõnis, ut diuerſi diuerſa regularis vitæ inſtituta ſeſtentur.

Poſt hæc autem reprehendens Baronium de eo, quod ſcripſerat in Reſponſione ad aliũ Caſſinenſis Congregationis monachum, quẽ es tu ipſe ſecutus, iſta ſubijs: ^b Scriptor ille tuus nouiſſimus deridet quemdam (Arnoldum ſcilicet Belgam, quem tu errantem nominare erubeſcis) quod dixerit beatum Benediſtum nobilibus ortum natalibus; ac ſi grande peccatum eſſet hoc ſcribere.] Calumnioſe ruſum more tuo rẽ agis. Non negat ipſe nobilitatem illam S. Benediſto tribuendam, quam S. Gregorius tribuit, immo laudat, & recitat ex verbis eius, quod ſcilicet dicat, cum ingenuum ex liberioribus parentibus ortum. Riſit quidem, quod Arnoldus ille tuus addiderit, ex Aniciano ſtemmate generatum, ex quo & genus Auſtriacum originem duxerit, ut ſic ex eodem principio S. Benediſti genus, Philippiq. Regis Hiſpaniarum (ut ait) linea deducatur. Deſinite ludicra iſta miſcere, & ſic cohibebitis riſum legentium. ſed de quæſtione hac, eiufq. confutatione agetur inferius in diſta Reſponſione. Hic vero tantum id attingã, quod ſubijs verbis iſtis: Quare neſcio, quo ſpiritu ductus ille tuus, qui auſus fuerit oſtendere, beatum patrem Benediſtum inferiore nobilitate fuiſſe illo Deſenſoria filio, &c.] dicam ego, quo ſpiritu ductus; proculdubio a ſpiritu non vanitatis, ſed veritatis, ut qui non niſi S. Gregorij teſtimonio rem agens, eadem totidem deſcripſerit verbis; & ut veritatis amator, hæud æquo

a Reg. 21. de
reg. iur. in
Sex.

b pag. 187. 9.
20.

c pag. 188.
verſ. 7.

a Pag. 188.
vers. 15.

b Gal. 4.

c Annal. rom.
6. ann. 491.

d Annal. rom.
7. ann. 519.

animo tulerit, ita huiusmodi ineptijs lancinari veritatem. Subiicis autem ista iidem in fugillationem Baronij: * Quod idcirco dixerim, ais, vt disceres, quo animo erga nos sint illi tui Scriptores, qui ex qualibet re minima occasionem quærunt, vt quam affecti sint erga institutum nostrum ostendant.] hæc tu malus, interpret candidissimi hæc in re animi Cardinalis Baronij. Porro tu cū alias sæpe superius conuictus fueris rem hanc totā calumnijs agere: modo certe calumniosissimus (pace tua dixerim) arguaris, vt de te ipse iure Baronius verbis Apostoli possit expostulare, dicentis ad Galatas: Ergo inimicus vobis factus sum veritatem dicens?] Vt autem hac pessima suspicione concepta, & prodita scriptis te liberem, aliosq. simul ista legentes reddam de his omnino securos: hic ex Annalibus eiusdem Auctoris loca aliqua reddam, quibus Baronij animus explicetur. Sicut enim voces sunt earum, quæ in animo latent, passionum notæ, ita & scripta cuiusque id abundantius præstant. Accipe igitur sparsa per Annales elogia de sancto Benedicto, eiusq. sacra sobole ab eodem Baronio scripta; quo nomine vestri omnes eidem plurimum debeant, tu vero facti poenitens percutere pectus debeas in detestationem concepti abs te, atque asserti mendacij: ac illud primum: * Quod, inquit, admiratione dignum est. Sane quidem in S. Benedicti vocatione summa Dei in consulendo suæ Ecclesiæ innotuit providentia. Etenim tempore, quo (vt diximus) Italia, Gallia, Hispania, atque Africa a Gothis, & Vuandalis hæreticis Arrianis possidebantur, Oriensq. pene totus esset infectus hæreticis: in tam tetræ noctis obscuritate densaq. caligine eiusmodi claritudo lucis effulsit, sanctus videlicet Benedictus, qua vniuersus Catholicus orbis illustraretur. Quantus autem splendor ex viro Dei Benedicto ad Ecclesiam illustrandam diuinitus emicuerit: inferius suis locis ordine temporum enarrabimus.] & rursum de Benedictinis monachis: Illud gloriose prædicare liceat, coalescente nobili planta maioribus incrementis, in dies magis magisque dilatatum esse eundem ordinem monachorum S. Benedicti, progressuq. temporis complures alios extitisse monachorum ordines sub eisdem sancti Regulis militantes.] & post multa de eisdem Benedictinis: ^d At quis Dei consiliū nō magnopere admiretur, dum considerat, eodem ferme tempore, quo in Oriente monachismus magna esset ex parte collapsus, compluribus ex eisdem a Fide Catholica in diuersos hæresum errores deficientibus, alijs vero ab illo veteri instituto rigido in delicias prolabantibus: eodem, inquam, tempore in Occidente instaurari, longe lateq. diffundi obseruantiam monasticæ disciplinæ, eandemq. adeo secundo germine propagari, cum veluti ex tenui surculo prægrandium exortæ sint frugiferarum arborum siluæ, quæ vniuersam repleuerint Occidentalem Ecclesiam: extiteritq. locuples seminarium, ex quo plurimi progressi sint sanctissimi diuersarum ecclesiarum Episcopi, nec defuerint ex eis, qui in Throno Apostolico confidentes vniuersam Catholicam Ecclesiam, cum vehementiores vrgerent fluctus, constantissime gubernarint: progressiq. ex eodem monachorum ordine

ordine sint, qui Apostolico munere complures barbaras nationes Christi iugum ferre impatientes, tandem ad Christianam Fidem sponte capessendam conuerterint: prodierintq. alij, qui ob suscepta grandia pro religione certamina sint victores consecuti coronam martyrij. Præterimus modo illos, qui sacrarum litterarum scientia nobiles, inter Scriptores ecclesiasticos floruerunt. Nec numeramus, quæ numerari vix possint sacrarum examina virginum. sicut nec facile sit recensere, quot ex hoc vno vere dicendo sui humilitate fonticulo immensa flumina sint deriuata. Quot, inquam, ex Benedicto diuersorū ordinum sint progressa agmina monachorum, qui licet diuerso nomine in Dei Ecclesia circumamicta varietate censeantur; instituti tamen esse S. Benedicti, & ab ipso progredi gloriantur. Hæc tanta tibi vno intuitu, tamquam immensum cælum in paruo globo descriptū inspicienda modo obiter proponimus &c.] & inferius eodem anno in hæreticos detractores S. Benedicti & suorum, vbi de diabolo meminit, qui S. Benedictum, Maledictum nominabat, ista subinfere: Intelligis ex his puto, Lector, cuiusnam lingua loquantur, cuiusve spiritu agitentur infelicissimi Nouatores, qui in eundem sanctissimum virum, aliosq. a Deo benedictos monachos maledicta & contumelias iaculari nō cessant.] hæc Baronius, quem nisi scire fuisse presbyterū nostræ Congregationis, assererem fuisse Benedictinū, cum his & alijs præclaris elogijs Benedictinos, cū datur occasio, prædicet, & in eos obloquentes seuerè cohibeat. vnde sane, si res in controuersia duceretur, vter vestrū, tu ipse, an Baronius magis S. Benedictū atque Benedictinos monachos diligit: & ipse vt iudex interpellatus sententiam ferret: procul dubio primas Baronio deferrem, hæc potissimum ratione, quod statera, qua expendendus est amor, vt sit verus, est rectitudo. vnde & illud Cantici: * Recti diligunt te.] a qua quidem si quis deuiet rectitudine veritatis, non recte amare conuincitur, sed carnali affectu spiritualia prosequi, quæ insanciant potius quam decorent. siquidem caro & spiritus sibi iniucem aduersentur. Cessa igitur talia in Baronium effundere; & in tui ordinis amoris rectitudine, si sapias, potius imitare ipsum, qui veri amoris integritate longe te superet.

Subijcis^b post hæc argumentum ex Regula, quā a S. Gregorio seruandam vis susceptā, eo quod eam laudasse inueniatur illis verbis de Benedicto agens: Scriptis monachorū Regulam, discretionē præcipuam, sermone luculentam. Quam autem, inquis, tantū laudasse cōstat, quis eam non professum fuisse iure dicere poterit?] & vnde tibi, vt quoscumque laudatores inuenis, eisdem facias professores? laudatos ab eodem habes alios etiam monachorum patres, Equitium & Honoratum, siue alios; & quomodo potuit non laudasse omnes, eorumq. instituta commendasse, quos miraculorum signis quæ scripsit, esse Dei charos amicos intellexisset? sed quod ad Regulam spectat, audi quo modo ipse Gregorius cum de sui monasterij Regula meminit, nequaquam eam S. Benedicti fuisse tradat. * ait enim, cum agit de monacho proprietario: Eiusdē mei monasterij semper regula fuerat, vt cūcti Fratres ita communiter viuerent,

a Cant. 1.

b pag. 190,
vers. 25.c Greg. dial,
lib. 4. c. 35.

viuerent, quatenus eis singulis nulla habere propria liceret.] hæc ipse, cui certe peropportuna patuisset occasio, vt si professor ipse fuisset Regulæ S. Benedicti, eiusdem tunc meminisset: sicut & alibi cum contigit meminisse Regulæ sancti Benedicti, agens de Specioso atque Gregorio monachis, ait: * Eius se Regulæ in sancta conuersatione tradiderunt.] Quod si vna communis omnibus Regula cum Gregorio fuisset, Regulæ nostræ conuenientius dixisse, videri poterat.

a Greg. dial.
lib. 4. c. 8.

b pag. 190.
p. 32.

Quod vero subiicis, b cum dixit S. Gregorius, loquens de Regula S. Benedicti: Scripsit monachorum Regulam. sic accipiendum, quod cum & ipse Gregorius monachus esset, sibi etiam scriptam fuisse inuat. Non enim, inquis, dixit: Monachorum suorum Regulam, sed vniuersæ dixit monachorum Regulam.] Tuum istud argumentum tollitur ex textu ipso Gregorij proxime citato, quo ipse peculiariter suæ, & seorsum Regulæ S. Benedicti mentionem fecit, & redarguit quod subdis: quo vsu loquendi vtitur in epistolis. Ex quo intelligitur, illum semper intelligere Regulam sanctissimi patris Benedicti &c. Jar longe postea contigit istud, cum toto scilicet orbe Occidentali, fuit communiori vsu recepta eiusdē S. Benedicti Regula, vt per Antonomasiā simpliciter dicendo, Regulam monachorum, Benedictina significaretur, secus autem temporibus S. Gregorij, cuius perperam tu citas epistolas.

c pag. 192.
p. 9.

Quod vero persistans in argumento de laudata a S. Gregorio Regula S. Benedicti, subiicis istud Dilemma: c Aut enim monachus erat, quando res gestas sanctissimi patris Benedicti conscripsit, aut non. Si erat, vt expertus vtiq̃ue credendum est, & merito eum laudasse quod profitebatur.] ad hanc priorem Dilemmatis partem primo dixerim, vtiq̃ue fuisse monachum, cum illa scripsit, immo & Pontificem, agentem in Pontificatu iam quartum annum, vt est demonstratum: sed quomodo sequitur quod dicis, vt expertus laudaret eam? quasi ex tua sententia non alia, quam quæ sit expertus, laudare quisquā possit, & non quod laude dignū putarit, liceat laudibus prosequi? subiicis vtro: Si non erat, monachus Gregorius scilicet, cum illa scripsit, sed postea monachus effectus est: & aliud institutū elegit, audacter dico, stultissimū fuisset aliud verbis probasse, & laudasse, aliud factis exhibuisse: esset enim hominis inconstantis. quod de S. Gregorio dici nō debet, nec potest. Jhæc tu. Sed quid si fecisset, quod & factum ostendimus, num abs te propterea huiusmodi factū stultitiæ arguendū adeo animose fuisset? Patienter tibi ferendus, sancte Gregori, monachus iste, cum tanta audacia profitemetur, si hoc abs te factum esset, stultissimum dici debuisset, si inquam, scitatus non fuisses quam laudas Regulam Benedicti. Compello te, Constantine, si tibi loquendum esset de Regula Carthusianorum, vel S. Francisci, & aliarum austeriorum, quas sancta Ecclesia Romana probauit: laudares ne illas, an non? vtiq̃ue laudaturum te eas, dices recta sententia: quidni enim laudares, quas laudatas ac probatas ab Ecclesia scires? si adderem: Quare ergo non profiteris easdem, quas laudas, transiens ad arctiorem, quod licet? quid diceres? vtiq̃ue illud: Non sic eas laudaui, vt nisi profitear illas, stultitiæ

stultitiæ sim mox arguendus, cum diuersi sint hominum gustus, & non in idipsum vocati sint omnes. hæc tu ita prudenter. At quomodo ausus es, idipsum si egisset Gregorius, sanctissimum Patrem tam audacter summæ stultitiæ redarguere? An non dignus haberis, qui ob tam grauē culpam leuiori saltem subijciaris virgæ monasticæ? tu dicito. Grande certe piaculum, audax facinus, dictum arrogans id asseruisse, atque in illud discrimen Gregoriū adduxisse, vt si manifestissimis rationibus probaretur, alterius instituti quam S. Benedicti fuisse: mox stultitiæ immensæ & inconstantia notam incurreret. sed parcat tibi ipse Gregorius, cuius admirandam sanctitatem adeo tenui eodemq. marcido tui Dilemmatis filo suspensis.

Post ista autem rursum repetis * eandem disputationem de tempore, quo S. Gregorius scripsit librum secundum dialogorum, contendens probare si posses, ab eo illum scriptum ante annum Redemptoris quingentesimum & sexagesimum. Sed quia ista confutauimus ex ijs, quæ superius dicta sunt de Simplicio, a quo partem rerum gestarum S. Benedicti idem Gregorius se accepisse testatur, qui non ante quadragintatres annos est reuersus in Italiā, anno scilicet Redemptoris octogesimo sexto post quingentesimum: omnes illæ tuæ argumentationes euanescent, vt sit tibi contra Faustum omnino silendum. His vero subijcis de propagata religione ordinis S. Benedicti in exteris nationes, quibus assentimur. quis hoc neget, quod idem Faustus per S. Maurum factum in Gallijs docet? sed de propagata tam cito in Angliā, non possumus consentire, illis obstantibus, quæ diximus in Responsione, quæ post Apologeticū in fine ponetur. Nec persuadet quod Polydorus Virgilius, qui nuper res gestas Anglorum scripsit, hoc dicat nulla antiquorum auctoritate, sed suæ mentis arbitrio: non enim recentioribus de antiquioribus testantibus fidem adhibemus, nisi quæ dicunt, vel ratione, vel antiquiorum testimonio fulciantur. Alioqui si via ista aperitur, vt nouissimo cuique quælibet asserenti absque auctoritate, vel ratione probata credatur, in potestate cuiuslibet erit, quod velit asserere, & antiquitus tradita dissipare. At sic est Baronius comparatus, vt scriptis suis nullā fidem adhiberi velit, nisi antiquiorum testificatione quæ scribit, assermet ac comprobet.

Post hæc autem longa frustra niteris oratione, vt ostendas plurima, priuilegia concessa a Romanis Pontificibus monasterio atque Congregationi Cassinensi. Quis negat? quis inuidet? An non Baronius, cum datur occasio, eorumdem cum laude meminit? Numquid quia confutat falsa, vera negat? vel quia detestatus est imposturam aliquorum, condemnat quæ comperit & certo nouit esse germana? minime gentium. Vnde ergo sibi, vt eum fugillans, in ista, more tuo, amara verba amarus ipse prorumpas, vt dicas: ^{b pag. 209.} Quare exeat nunc nescio quis male affectus erga nostram Congregationem & prædictum sacrum cænobium, & ^{c pag. 10.} irrideat; dicatq. illa ipsa tot & tanta priuilegia opus esse monachi otiosi: nam illico, prolatis archetypis, mendacio conuincetur &c.] hæc tua, & alia his consentientia. Ad quæ in primis, quod pertinet ad dijudicandum

dum animi affectum, iam superius, cum istam notam inureres, tu primū inustus ab ipsa, certa assertione monstrauius, præstare etiā hæc ex parte Baronium tibi ipsi, qui in eo quod spectat ad cultum sancti Benedicti, eiusq. ordinis monachorum, nolit cuiquam primas deferre, & ipse numerari secundus. Quod si ab ipso quædam contigit asserta priuilegia, siue donationum instrumenta redargui imposturæ: id non insultans, sed dolens fecit; dolens, inquam, quod florentissima monachorum institutio sanctissimi patris Benedicti istiusmodi sordium aspergatur inquinamenti, quæ (quod deterius est) non expurgentur a suis; immo intacta sinantur, amentur, & conseruentur; & si quis veritatis scopā euertere aggrediatur, prohibeatur omnino. siccine colitur sancta religio? Ita etiam profecto mali parentes amant malos filios proprijs affectibus indulgentes, odio prosequentes reprehensores eorum, qui eos ad meliorem frugem reuocare laborent. Iste ne amor dicendus, an odium, diligere siue in rebus, siue in personis vitia? Si ergo vere sunt vitiosa atque omnino falsa & commenticia diplomata illa: cur adeo ægro animo seratis, confutari ipsa, & manifesti erroris conuinci? si non sunt, seu non putantur a vobis talia esse, cur argumenta singula aduersus ea plane insolubilia non soluuntur illata? sed vna tantum illa responsione gaudetis, qua vtimini, cum ista rursus animo acriori subiungitis: Dicat, & hæc a tātis Imperatoribus emanata priuilegia esse monachi otiosi opus, & tot Imperatorū maiestatem, dignitatem, & existimationē conuellat, & nihili faciat. Et quia scio quemdam recentissime admodum scripsisse aduersus hæc diplomata & donationes, quæ omnia vocat deliria, & ficta quondam fuisse, nullamq. fidem eis præstandam scriptitat, cum sola nuda verba, & non facta consideret, sannisq. nos prosequitur, qui rebus magis quam verbis credimus, cum quæ patent sensibus, sciamus non egere probatione &c.] ex his nimirum, Constantine, deducis, quod cum monachi ea possideant quæ dictis diplomatibus continentur, ipsa reuocari non possint in dubium, nec erroris argui & confutari. perbella tergiuersatio, qua sic te putas eludere simul omnia argumenta. Non hoc agit, qui ea redarguit falsitatis, vt bonorum illorum vos iniustos arguat possessores, neque quod bona illa eorundem falsorum documentorum auctoritate possideatis, aliquando dixit; sed hoc potius, quod pluribus eiusdē monasterij naufragijs, deperditis germanis earūdem donationum scriptis, aliquis ex vestris, sed non de vestris, impostor illa cuncta finxerit, quæ sunt consutata, diplomata.

At vero quid egisti, ita carpens & sugillans illum, qui hoc non, vt tu putas, liuido, sed candidissimo animo præstitit? hoc vtique, quod cum omnia illa, quæ scripsi in Responsione ad religiosum monachum vestrum, nequaquam edere statuissem, ne viderer voluisse vestræ sanctissimæ religioni ignominiam irrogare, sed continuissem hætenus intra domesticos parietes, ostendens ea aliquibus ex vestris, vt sic res sub silentio absque vulgari strepitu ageretur, ac ita consuleretur existimationi vestri ordinis, dum pariter consulitur veritati: tu nunc hæc,

ex par-

ex parte (dicam libere) de tui ordinis Congregatione pessime quidem meritis, cum secretam illam vobis ostensam Responsionem publicis scriptis abs te cufis nifus sis confutare, coegeris nolentem, & haecenus vestrae existimationi parcentem, illam edere, quam tu ipse confutando ita manifestasti; sicq. maximo tuo, tuorumq. dedecore huiuscemodi editis scriptis infulsissimis, extorferis de manu nostra illam ad Cassinatis Congregationis alium monachum Responsionem, in qua diplomata illa, quae tu dicis, redarguuntur manifestissimae imposturae: vnde in te vnum culpam conijciant omnes tui veritatis amantes. Quia tantum abest, vt his tuis scriptis confutaueris ea quae in contrarium a nobis allata fuerunt; vt magis magisque ita frigide respondendo, vestro ordini notam inuuleris indelebilem. Nos autem Deum, & homines contestamur, ad haec inuiros & renitentes pertractos, abs te quodammodo necessitate coactos; ne si taceremus, redargueremur improbi re vera calumniatores, prout notati istiusmodi tuis scriptionibus inuenimur; sicq. tacendo, culpa, quae nulla inest, videri potuisset nobis inesse. Quam praestitisset, Constantine, vt ipsum quidem prudentius rem agentem imitatus esses Cassinensis item Congregationis monachum tuum, qui antequam sua cuderet, nobis ostendit: liberaesses quidem te, tuosq. a multis angustiis: nam inter nos sic res transacta esset sub silentio, absque strepitu concurrentium ad spectaculum, quos tu, parata scena, magna pompa ad dialogorum colloquia, tamquam ad actus comediae conuocasti. sed reliqua prosequamur.

Ad confirmationem falsorum diplomatum, S. Thomam inuitum ac reluctantem conaris adducere testem, vt in alijs saepe facere consueuisti, cum subdis: *Libet hic ad coarguendam eius ignorationem afferre, quod S. Thomas respondens aiebat: Quod vero secundo proponitur, quod beatus Benedictus in vita sua amplas possessiones recepit, hoc sufficit ad ostendendum, quod communes possessiones non totaliter excludunt monasticam perfectionem. & haec D. Thomas, quibus vbique confirmat quod dicebant illi de possessionibus receptis a beato Benedicto; quas vtiq. recepit vel a Tertullo, vel ab Equitio, seu a Gordiano, prout praedictae tabellae donationum probant & factum ipsum: nam monachi nunc vsque sunt in bonis ipsis. Quod si a praedictis donatae non fuerint, vt ingeminatis, & propterea falsas illas donationes esse asseritis: alium producite vos donatorem, & alias tabellas, quae haec eadem bona narrent, quia velimus, nolimus, cogemur fateri, nos in errore esse, vos vero vera dicere. Quod cum non feceritis, nos factis credemus, vos pro libito vestro verba deridete, cum res ipsa probet nos vera dicere, vos nugae texere.]* hucusque tu Constantine, quem totum anxium intueor ex tuis scriptis; vereris nimirum, ne ex conuictis falsitate diplomatibus, mox rei vendicatione latifundia illa, omnes insuper villas, & oppida a vobis auferre laborem, cum tu non ex diplomatibus, quae aperta luce falsa comprobantur, tueri conaris bona illa vestra esse; sed ex eorum possessione probare diplomata esse vera. Non hoc agimus (vt nuper diximus)

apag. 210
vers. 21.

cum certum exploratumq. sit apud nos, vos eorum omnium esse legitimos possessores, sed non plane ex diplomatibus illis, quæ falsa omnino esse conuicimus, sed ex alijs quæ non extant, in quorum locum supposita fuerint falsa illa, quæ tu tuiq. rerum inscij pro veris ostentant. Quod si coneris ex illis probare eorum legitimam possessionem: vide in quam grande periculum conijcias ipse tuos; cum ex illis hoc tantum lucri vobis accedat, vt conuincamini omnino, ea omnia falso vos titulo possidere. Vide rogo (te modo appello Lectorem) cum quo homine sit mihi negotium, qui contra propria commoda adeo impense laboret. quodq. magis displicet, sanctum Thomam S. Ecclesiæ Doctorem cogere velit falsitati astipulari, cum nec verbum quidem de illis diplomatibus apud eum extet, sed tantum de possessione bonorum, quæ non ex illis commenticijs, sed legitimis scriptis, titulo iusto possederint. sed ad reliqua.

Quod autem aduersus ea, quæ dicta sunt in Responsione de tempore promulgationis Regulæ S. Benedicti, paulo post frustra tergiuerfaris, vt effugas Petri diaconi atque Sieberti de promulgata Regula S. Benedicti post eius obitum assertionem: iam vnde ipsi id acceperint, nuper inuenimus testificationem quidem omni fide maiorem. Extat in Vaticana bibliotheca veterrimus codex, in quo ipsa S. Benedicti Regula descripta habetur, & post eam Martyrologium Vsuardi eiusdē antiquitatis. Ante ipsam autē Regulam brevis præfatio præposita legitur his ipsis verbis:

Incipit Prologus de Regula sancti Benedicti Abbatis.

Qui leni iugo Christi colla submittere cupis, Regulæ sponte da mentem, dulcia vt capias mella. Hic Testamenti veteris, nouiq. cuncta, mandata. Hic ordo diuinus. Hicq. castissima vita. Hoc Benedictus pater constituit sacrum volumen, suisq. mandauit hæc seruanda alumnis. Simplicius Christi minister magistri latens opus* propagauit vt omnes. Vna tamen merces utrosque manet in æternum.

Incipit Regula. Ausculta fili &c.] Ad istam plane præfationem visus est allusisse, quem diximus, Petrus diaconus, dum ait: Simplicius Regulā, quam suus magister condiderat, *idest occultauerat*, publice legendam omnibus monachis tradidit.] & Siebertus eadē ipsa recitata superius verba habet dū ait: * Simplicius discipulus eius latens magistri opus publicauit.] ex qua lectione Sieberti mendum in codice illapsum corrigi potest, vt vbi legitur, propagauit, dicendum sit, publicauit. Quamuis nec inepte legitur, propagauit, vt sit sensus: Regulam in Italia propagauit, quam in Gallia, vsque ad finem Mauri & successoris, suis monachis seruandam tradiderat. Sed & ex eadem lectione præfationis ad Regulam, in eo quod ait, Magistri latens opus publicauit, siue propagauit,] nosce in Petro diacono legitimam lectionem & germanum sensum verborum illorum: Simplicius Regulam, quam suus magister condiderat, publice legendam omnibus monachis tradidit.] vt sit sensus secundum dictam præfationem ad Regulam, quod Simplicius Regulam, quam sanctus Benedictus occultauerat, publicauit. Sicq. vox illa, condidit, non ibi significat quod, composuit, sed quod, occultauit. At quid ex hæc veritate

* pag. 274.
y. 1.

* Al. publi-
cauit.

b Sieb. de il-
lustr. Script.
eccles. c. 3 l.

veritate triplici testificatione probata deducimus? Equidem conclusionem illam, qua pro Baronio quaestio omnis absoluitur. Etenim cum superius ex Fausto S. Benedicti discipulo sit demonstratum, Simplicium ex Gallijs in Italiam minime rediisse ante annum Redemptoris quingentesimum octogesimum sextum, ante quod tempus nec Regulam potuerit in Italia publicasse: necessario sequitur, vt S. Gregorius, qui ante Simplicij reditum ingressus est monasterium, nullo pacto potuerit esse professor eiusdem sancti Benedicti Regulam, quae lateret adhuc, nec usque ad Simplicij ex Gallia reditum fuerit publicata. Simplicius enim e Gallijs rediens, illam, quam a S. Benedicto acceperat experiendam Regulam, iam annis quadraginta tribus vsu probatam, saluberrimamque inuentam, promulgari curauit pariter in Italia, cum ex Gallia sero rediisset.

Quod autem post hanc parallelos congeris instituti S. Gregorij cum Regulis S. Benedicti: quis negare poterit, omnes Regulas religionum aliqua habere inter se communia, & aliquibus peculiaribus legibus ab inuicem separari? Quod ex omnibus Regulis ostendisse Benedictum quendam Abbatem, Sigebertus affirmat.

Addis post hanc ex sancto Gregorio argumentum, quod dicat in dialogis, ^b S. Benedictum admonuisse Marcium Anachoretam, vitam solitariam agentem in monte Marsico, vt si seruus Dei esset, non catena ferrea ad stabilitatem tenendam comparata, sed vteretur catena Christi: deducis, inquam, in argumentum quod sanctus Benedictus ex officio curam gerebat omnium monachorum. At quod id S. Benedictus vt Abbas faciendum praeceperit, non autem vt amicus admonuerit, nihil est quo probare possis; immo plane contrarium inducitur. Siquidem si is fuisset sub S. Benedicti disciplina monachus constitutus, nequaquam aggredi permissus esset illud vitæ institutum, quod ipse S. Benedictus non probaret, nedum vt tamdiu in eo perseverare sinneretur. sed esto, sub Benedicto etiā fuerint (vt vis) Anachoretæ: quid est quod inferis? Monachus iste erat in monte Marsico: Marci a Paulo diacono ponuntur intra Valeriam: ergo S. Benedictus curabat monachos, qui erant in provincia Valeria? redargueris enim primū ab ipso S. Gregorio, qui ait ipso eius narrationis initio, montem illum fuisse in parte Campaniæ: ergo non in Valeria. distinctam enim fuisse Campaniam a Valeria, satis aperte idem Paulus^a diaconus docet. Nec est quod argumentari possis a nomine, montem Marsicum in Marsia fuisse prouinciam, cum dicat S. Gregorius expresse fuisse in Campania; sicut nequaquam dixeris aliquando montem Atticum (hactenus ita nominatum) qui est non longe a Cassino prope Atinum, esse in Græcia prope Athenas, ex nominis similitudine. Sed quid tu ex his demum conaris efficere? nempe vt ex montis nomine prouinciam, ex prouincia monasteria in ea sita lucrearis, & cum monasterijs S. Equitium cum suis S. Benedicti praefectura subijcias; ac sic vt tandem Gregorium capias, retia iuuat dilataste. sed frustra, vt qui non nisi tenuem aerem his incluseris, cum procul absit.

G 2 vt sit

^a Sigeb. de illust. Scrip. Eccl. c. 62.
^b Greg. dial. lib. 3. c. 16.

^c Paul. diac. lib. 2. c. 40.

vt sit tibi adiumento epistola Bernardi Abbatis Fundani, quam citas, quæ superius vt spuria & notha conuicta est. Frustra enim iacitur rete, ante oculos pennatorum.

a pag. 225.
p. 6.

Addis ad hæc alia longe magis a proposito ^a aliena, nimirum appare-
re ex Imperatorum diplomatibus multa loca possessa in prouincia Vale-
ria a monachis Cassinensibus: ergo, inferens, monachi in ea prouincia po-
siti spectabant ad S. Benedictum: nempe S. Equitium atque socios intel-
ligis, perinde ac si Equitius, & eius discipuli illorum agrorum coloni ad-
scripticij fuissent, vt dominus, qui esset fundi, colonorum pariter do-
minus censeretur? Sed quod timeres citata abs te diplomata, vt alia, re-
uocanda in dubium fore, hæc subijcis amarulenta: ^b Quis adeo perfrica-

b pag. 226.
vers. 6. & 10

ta fronte erit, vt audeat dicere, hæc diplomata esse hominis otiosi?] &
paulo post: Si vero aliquis morosus, vel nasutos deliria hæc esse (vt moris
est illis) dicere ausus fuerit, si prædicta priuilegia a me citata in forma (vt
aiunt causidici) probanti, nõ inueniuntur in Tabulario prædicti sacri cœ-
nobij: nolo vel allata, vel nominata fuisse.] parce tibi monache, nec te
impellat furor in verba eiusmodi cõtumeliosa monacho indecẽtia & in-
considerata. Quid ais? Citas Tabularium Cassinense? Nam bibliotheca
Cassinensis siue aliud Tabularium eius est Arca fœderis, vt in ea non nisi
tabulæ sacræ legis includantur, & sacrosanctum esse affirmare necesse
sit, quidquid in ea reperiatur esse reconditum? cum certum sit ibi repe-
riri cuncta quæ sunt a Baronio vel a nobis confutata diplomata? Nam de
reliquis, quæ non vidimus, litem non mouemus; quæ si prodantur in lu-
cem, luci admovebimus ea, & ad lapidem Lydiũ, vt cetera, reuocabimus.
sed nõ curamus ista disquirere, quæ non pertinent ad institutũ. At tu, qui
ita nasutos fugillas, eos nimirũ qui emunctis naribus, odoratu acuto ve-
stra perlegũt; velles (vt video) Lectores omnes obstruẽtis naribus habe-
re stertentes. Verum sæculum præfens omniũ eruditissimum haud huius-
modi consuevit habere Lectores, sed longe dissimiles, censores seuerissi-
mos, quos iure timeant etiam illi, qui te scientia multipliciter antecel-
lunt, quorum iudicio tu magno periculo tua legenda cum offers, fore
puto, vt te põniteat instituti; cum in plures nasutos, quos vocas, te sen-
seris incidisse. Nam nec deerunt, qui etiam (quod nos consulto omisi-
mus, ne repuerascere videremur) ob solæcismos ac barbarissimos Orbiliij
serulæ te subijcient.

c pag. 222.
vers. 10. 222.
vers. 22.

Subijcis inferius, ^c probari sanctum Gregorium fuisse monachum san-
cti Benedicti ex consuetudine & amicitie vsu, quam cum S. Benedicti
Abbatibus habuit. Sed quid mirum, cum præsertim loci vicinitas sua-
deret? etenim Lateranense monasterium haud procul positum, sed pau-
cis passibus distans a monasterio sancti Gregorij in eodem Cælio moni-
te situm quis ignorat? Tu vero tenuissimam huiusmodi coniecturam,
veluti robustissimũ Enthymema istis verbis amplificas: Ex quibus omni-
bus habetur perspicue, quod antea dicebamus, Gregorium videlicet
vsu fuisse consuetudine, familiaritate, & quotidiana conuersatione mo-
nachorum instituti sanctissimi patris Benedicti, tam in monasterio suo,
quam

quam alibi, vti & tamquam monachum eiusdem instituti. sequitur ergo necessario fatendum esse, cum ex eodem instituto extitisse.] scilicet, quasi non sit peculiare etiam laicorum Deum timentium cum Sanctis religiosis habere amicitiae arctissimum vinculum, eisdemq. assiduo frequentare.

Descendis ad zonam pelliceam, ^a quam inuentam esse in eiusdem S. Gregorij sepulchro, cum venerandum corpus ipsius est eleuatum, scribit Ioannes diaconus, quæ cum esset pollicis vnus mensura in latitudinem coarctata, hinc monasticæ S. Benedicti obseruantiae fuisse S. Gregorium, ipsius Ioannis testificatione expressum esse demonstras. Sed quomodo ex zona mensuræ latitudinis vnus pollicis potuit Ioannes diaconus intellexisse S. Gregorium fuisse instituti S. Benedicti monachum, cum ipse S. Benedictus in Regula nequaquam zonæ latitudinem definisse, nec an instar balthæi, pellicea esse deberet, vllatenus statuisse sciatur, sed dixerit hæc tantum: Cincti singuli cingulis, aut funibus.] Sed nihil est quod dicere possis, ex zona monachorum sui temporis eius materæ atque mensuræ Ioannem diaconum id esse interpretatum. Nam post trecentos ferme annos a tempore S. Gregorij asserere eiusdem generis zona vfos tunc fuisse Benedictinos, hoc est diuinare, cum ex eiusdem S. Benedicti Regulæ præscripto certum est, eos vti potuisse ad præcinctum etiam fune. Sicq. appareat, vel minimum quidem curasse S. Benedictum, hoc vel illo cingulo sui monachi vterentur, cum e contra tam Orientalium, quàm Occidentalium Africanorum monachorum cingulū constet fuisse tantum pelliceum, quod ex S. ^b Basilio, ^c Cassiano, ^d Fulgentio est facile demonstrare. ^e Quinimmo ex eiusdem S. Gregorij arcto cingulo possimus interpretari, magis S. Basilij Regulam esse secutum, cum ipse S. Basilius in vestitu monachorum suorum humilitatem, exilitatem, tenuitatem ad ipsam necessitatē tantum, mirum in modum commendat. nam audi quale ipse genus omnium indumentorum suis vsui esse velit: Quod, inquit, ne quidquam minimum præferat curiositatis, minimoq. sumptu parari possit, & ad necessarium vitæ vsum modo sit satis. Hic canon perpetuo tenore seruetur.] Vide igitur, an cingulū S. Basilij monachorum latioris mensuræ, quam pollicis esse potuerit, quod S. Basilij officina non nisi ad mensuram necessitatis, humilitatis, & paupertatis conficere suis monachis consuevit. Ex colore autem vestium dum argumentaris, ^f S. Gregorium fuisse instituti S. Benedicti, quod nigris, vt illius monachi, ipse sit vsus: de his etiam inferius pluribus agitur & in Responsione, vbi inter alia ex antiquis picturis monasterij S. Andreæ est demonstratum, monachos illius monasterij vfos esse indumentis castanei coloris, sic & de monachis suis a S. Gregorio missis in Angliam, si fuerint Benedictini, inferius pariter dicendum erit.

Cum autem ^h hinc descendis ad defensionem diplomatæ, quod fingitur a S. Gregorio datum Bonito Abbati Cassinensis Congregationis; quam frigide agas, Lectores iudicent, qui ea, quæ de illo habentur in Responsione, legentes, cum hisce tuis conferent; in quibus cum te inextricabili-

^a pag. 234.
^{vers.} 27.

^b Basil. Reg. fus. disp. In-terrog. 23.
^c Cass. lib. 1. c. vlt.
^d In vita ipsius: Sur. rom. 1. die 1 Ian.
^e Eod. lib. In-terrog. 22.

^f pag. 238.
^g 7.

^h pag. 234.
^g 12. 246.
^g 8.
^h pag. 239.
^{vers.} 7.

tricabilibus sentias demonstrationibus ex tuis etiam verbis constringi; hoc tibi paras effugium miserorum, ut ex eo legitimū esse probes, quod in Cassinensi bibliotheca Longobardicis scriptum litteris habeatur: *a* si quidquid eo caractere exaratum inuenitur, tamquam sigillo Apocalypsis sit consignatum, in dubitationem non liceat reuocare, & desint hodie quoque Scriptores, qui eorumdem formam elementorum valeant imitari, ut plus apud te probet genus characteris, quam veritas manifestis rationibus confirmata. Sed calumnia agis, dum calumniose nos dicis impostorem accusare Laurentium, qui diplomata hec cudenda curauit, quasi illum dixerimus fuisse eorum auctorem. Non ista diximus, sed potius ab ipso primum edita, non adinuenta, quæ scimus haberi in Cassinensi bibliotheca, quam ab his sordibus expurgandam monuimus.

a pag. 241. y. 29. Idipsum dixerimus de *a* diplomate Zachariæ Papæ, quod frustra munire laboras auctoritatibus successorum Pontificum, nisi contra illud obiecta diluas: nam sic successores illud confirmasse dicendi erunt, si verum illud & legitimum esse constitisset, non autem si subrepticum, multo minus si falsum omnino esse conuinceretur. Id quoque dixerimus de recentioribus nostri sæculi Scriptoribus, qui nulla de eo habita diligentiori discussione, quod legerant, germanum esse existimantes, eiudem meminere.

Sed quod iam deuenimus ad id, quod ab exordio Apologetici huius polliciti sumus, ut ostendamus nimirum, Zachariæ Papæ nomine priuilegium collatum monasterio Cassinensi esse adulterinum, sicut reliqua, a Laurentio monacho cusa post Chronicon Cassinense: cum tu de ipso acturus es ista præmittis: *b* Quia enim nouissimus ille tuus Scriptor deridet priuilegium Zachariæ; a me, ut dixi, consultus antefatus Bibliothecarius, Cassinensis, præcedentibus hæc infra dicenda subiecit, &c.] Attigit plane Baronius in *a* Annalibus ista quam breuissime, sed obiter de ipso agens, quod tunc occorrebat, absque aliqua derisione (quæ tu calumniose more tuo obijcis) ut ex falsis notis temporis sibi inuice aduersantibus, & diuerso Zachariæ in his conscribendis usu, idem priuilegij diploma in suspicionem tantum adduceret falsitatis. Ita Baronius paucis transiliens, attigisse rem potius videri voluit, quam tractasse; ne si absque leui saltem censura illud præterisset, oscitantæ nomine iure quidem reargui posset; si vero in eo confutando immoratus esset præter institutū, inuidiam vestrorum, & odium (quod nec sic vitare potuit) incurreret.

Sed quod iam tu amariuscule rem tractas, impellis sane, ut copiosius de his agam: & quæ tunc modestæ causa apud se, vobis parcens, continuit Baronius, hic aperiā. vnde tibi, Constantine, non mihi, tui succedant, qui ad detegenda indecora ista, me plane coegeris, tum ex eo, quod ad tua falsa probanda, e falso illo scripto elicis argumenta, tum etiam, ut calumnia tua Baronium liberem. In re autem adeo seria pertractanda hoc nobis ordine incedendum, ut primum a tuis argumenta illa petamus, quibus idem priuilegium in vehementem suspicionem falsitatis adducatur; inde reliqua subiiciamus, quibus imposturæ manifestissimæ

stissimæ conuincatur. Quod igitur ad primum attinet, Leo Ostiensis ipso ferme exordio Chronici Cassinensis de legitimo priuilegio Zachariæ Papæ concessio eidem monasterio agens, eiusdem sic refert argumentum: Ab hoc etiam Papa sanctissimo prædictus Abbas priuilegium primus accepit, vt hoc monasterium cum cellis omnibus ad se pertinentibus, vbicumque terrarum constructis ob honorem, & reuerentiam sanctissimi patris Benedicti, ab omni Episcoporum ditione sit liberum, ita, vt nullius iuri subiaceat, nisi Romani Pontificis.] hæc Leo de his, quæ legitimo Zachariæ priuilegio continerentur. quæ minima censetur pars eorum, quæ nunc dicto priuilegio adsciticio continentur, eademq. ad finem ipsius posita, cum ista præcedant longe maiora, quorum Leo in primis meminisse debuisset. Et quænam ista? audi verba ipsa ibi descripta: Præterea corroboramus, & in perpetuum confirmamus eidem dilecto filio, eiusq. successoribus in omni conuentu Episcoporum, & Principum superiorem vniuersis Abbatibus sedem, & in Concilijs, & iudicijs priorem sui ordinis omnibus sententiam proferre.] & paulo post: Pro quo Cassinense cœnobium exaltantes, decernimus, atque in perpetuum confirmamus, vt supradictus locus dignitate, vigore, & honorificentia præcellat omnia monasteria, quæ constructa, & construenda sunt in toto orbe terrarum, &c.] sunt ne ista eiusmodi, vt eorum mentio minime habenda fuerit a Leone, dum veri diplomatis collegit argumentum?

Sed & cū in hoc eodē adsciticio priuilegio adeo indubitata & expressa mentio fiat de venerandis corporibus S. Benedicti, & S. Scholasticæ in eodem monasterio quiescentibus: cur idem Leo, cum acerrime disputat aduersus eos, qui assererent eadem translata in Gallias, non citauit, quod nosset, Zachariæ diploma, id firmiter asseuerans? An non sunt hæc talia, quibus diploma merito debeat induci in suspensionem falsitatis? adde his maiora. Petrus diaconus, idemq. Cassinensis Bibliothecarius, qui quartum addidit librum ad Chronicon Cassinense, agens de disputatione habita coram Lothario Imperatore cum Gerardo S. R. E. Cardinali sub Innocentio Papa Secundo, de iuribus & priuilegijs Cassinensium monachorum, cum citata ab ipso contra aduersarium afferat plurima de nobilitate, dignitate, & priuilegijs monasterij Cassinensis, hincinde non sine labore quæsitā, de eiusmodi tamen priuilegio Zachariæ Papæ mentionem nullam penitus habuit, quod certe primo loco citandum fuerat ob tot tamq. insignia in eo posita de eiusdem monasterij dignitate & priuilegijs: ex quo in eam persuasionem omnino adducimur, vt existimemus, eo tempore nondum illud commenticiū, priuilegium fabricatum, sed postea excogitatum, atque confictum. Nam si extitisset, tunc necessitas maior, quam vnquam fuerit, vrgebat, vt citaretur, atque ostendendum aduersantibus adduceretur in medium. Quis neget, ista ex vestris deducta vehementem de falsitate suspensionem inducere?

At quæ sint illa, quæ id ipsum priuilegiū manifeste redarguant falsitatis, & impossibilitatis certæ conuincant, sic accipe. Extant eiusdē Zachariæ Papæ complu-

*a Chron. cas.
lib. 1. c. 4. in
fine.*

*b Leo Ostien.
Chron. cas.
lib. 2. c. 44. &
45.*

*c Chron. cas.
lib. 4. c. 110.
111, 112, 113
& 114.*

complura Scriptorum monumenta, immo & eiusdem generis priuilegiū ab eo cōcessum nobilissimo Fuldensi monasterio tunc erecto, in quorum omniū fine ad significandum tempus, quo ipsa data noscātur, prætér Indictionē, poni semper cōsuevit certus annus tūc regnantis Imperatoris, sicut inter alia expressum habes in priuilegio concessō Fuldensi monasterio, in cuius fine leguntur ista: Dat. pridie Non. Nouembris, Imperante domino Augusto Constantino, anno trigesimo secundo Imperij eius, Indictione quinta.] Sic ibi, sicut & in ceteris eiusdem Pontificis diplomatibus, alijsq. publicis monimentis recitatis in Annalibus^b per singulos annos, quibus ipse vixit. At cum hæc nota desideretur in isto diplomate comimenticio Zachariæ, vbi nulla prorsus mentio Imperatoris: quis non intelligat imposturam? prætér diuersam in nomine Notarij, & muneris eius nomenclaturam, quæ diuersa ponitur in vtrisque.

1) Insuper, ne ab his recedamus, cum idem priuilegiū datum Cassinensibus habeatur Indictione prima annō primō eiusdē Pontificis: quomodo ista sibi cohærent, cū primus annus eiusdē Pontificis incidat in decimam Indictionem? Rursus quomodo fieri potuit (vt iā ad res in eodem priuilegio contentas veniamus) vt Zacharias Papa muniat priuilegio illo, anno, vt asserit, primo sui Pontificatus dato, cuncta quæ concessa fuissent ab Agisulpho, siue Agilulpho Duce Beneuentano, qui nondum eo tempore a Luitprando Rege fuerat institutus Dux Beneuentanus, occupante adhuc illum Ducatum Godeschalco, qui cum extremo tempore Luitprandi a Beneuentanis fuisset occisus, tum demum ab eodem Rege Agilulphus iisdem præfectus est Dux: quæ quidem accidisse noscuntur paulo ante obitum eiusdem Luitpradi, quæ incidisse liquet anno Redemptoris septingentesimo quadagesimo quarto, cum Zacharias ageret in Pontificatu annum tertium. Certe quidem post dictum Zachariæ priuilegium, ea præstita ab Agilulpho, Leo quoque Ostiensis cōmemorat.

Præterea quomodo ibi ponitur, post Cassinense monasteriū munitum fuisse eodem priuilegio nobile monasterium sancti Ioannis in Venere dictum cum pertinentijs suis (sic enim loquitur) si nondum id monasteriū fuisse erectum, constare possit ex matricula, seu inuentario (vt vocant) eiusdem monasterij Cassinensis, scripto a sancto Abbate Bertario de rebus positjs sub diœcesi Theatina, in qua idem monasterium, & bona eius essent? in quo nulla prorsus de eo mentio habetur. quod tamen si extitisset, pro insigni nobilitate sua primo loco recensendum fuisset. Recitat idem Bertarij documentum Leo Ostiensis, quod tu consulere poteris. Quin si huius monasterij scriptorum fuissent etiam deperdita monimenta; tamen quæ extarent solo fixa ipsius bona, eius nomine fuissent omnino recensenda. quæ cum sub alienis titulis ibi posita esse legantur: plane satis euidenter apparet, nondum quidem tempore Zachariæ Papæ dictum celebre monasterium S. Ioannis in Venere. Ex his accipe & intellige, Constantine, cuius sint ponderis illa, quæ ibidem quoque scripta leguntur, quod Deus S. Benedictum patrem omnium constituit monachorum, quæ abs te, nulla de veritate diplomatis habita diligentiori peruesti-

^a *Annal. ro.*
9. ann. 451.
prope finem.

^b *Annal. ro.*
9. ann. 741.
v. q. 751.

^c *Paul. diac.*
lib. 6. c. 36.
97. 58. edit.
Plantin.

^d *Idem lib. 6.*
c. 36.

^e *Leo Ostien.*
chron. cass.
lib. 1. c. 5.

^f *Idem lib. 1.*
c. 47.

peruestigatione, sunt affixa tamquam gemma pretiosissima in epistola nuncupatoria ad Clementem Papam, nesciente vitru[m] reiectancum esse, quod putasti smaragdum.

Quid dicam de epistola eiusdem Zachariæ Papæ nomine ibi posita ad Petronacem Abbatem? Eiusdem plane farinae cum priuilegio illo esse cognoscitur, in qua & eadē ex parte dicantur, quæ in illo habentur; addatur vero illud absurdissimū, quod cum memoriam Sanctis conuenientē plenariam & solemne fieri ipse iubeat; post sanctos Benedictum atque Scholasticam, Tertullum etiā atque Placidum, & simili modo Gregorium Papam predecessorē, de sua pariter agenda memoria mox ista subiiciat: Ac nostræ paruitati anniuersario depositionis die solemnem atque festiuam commemorationem faciant.] pari modo scilicet (quod præmisit) vt nominatis Sanctis dixerat faciendā. At quis Romanorum Pontificum vnamquam, sine predecessorum, siue successorum, sibi statuit post mortem reddendos honores debitos Sanctis, vt sic se ipsum suo diplomate retulerit inter Sanctos, vt eorundem cultum sibi reddendum præceperit sub anathemate? Facebant spuria ista stomachum ad nauseam permouentia.

Quid ad ista tu singula, Constantine? An satisfactum putas, si testificatione eius, quem citas Bibliothecarium Cassinensem, idē Zachariæ nomine priuilegium asseratur reperiri plumbatum in Archiuo Cassinensi, ac si id efficere impostori fuerit difficile, quod sibi, vt fidem aliquam mereretur, necessario sciret esse præstandum? Vel putas subsistere ex eo posse, quod reperiatur ab aliquibus esse citatum ex Scriptoribus vestris? Vel mihi persuadeam esse verum, quod asseris, confirmatum a tribus Romanis Pontificibus, Gregorio Nono, Urbano Quinto, & Bonifacio Nono? Non enim spurium, & falsum, quod nullum penitus est, dicendi sunt iidem confirmasse, sed legitimum illud potius priuilegium, quod ab eodem Pontifice Zacharia Leō Ostiensis (vt diximus) affirmat eidem monasterio fuisse concessum. quod etsi non extaret; tamen quid ipso contineretur, satis ab ipso expressum fuisset. Quod si adhuc contendis, non illud legitimum, sed istud spurium ab iidem confirmatum: tunc præter primam falsitatem a nescio quo impostore patratam adijce alias perpetratas ab eis, qui per surreptionem falsi diplomatis, eas quas dicis confirmationes, surripuerunt. Tu vero, Constantine, si potiora foves iura, age, singula argumenta superius recitata conuelle, vt sic tibi tuisque illud ipsum integrum vendices priuilegium; alias te sentias frustra aerem verberare, & dum non eas euertendo, sed ita miscendo agitas sordes istas, scito te semper maiore[m] multiplicare luti congeriem, quæ iam ipsum aerem fetore exhalante possit inficere.

Subdis de Mariniāno Archiepiscopo Raennate, quod fuerit & ipse eiusdē S. Benedicti Regulæ monachus; sed cū constet fuisse ipsum S. Gregorij monasterij monachū, ad principium quæstio reuocanda est, an S. Gregorius fuerit monachus ordinis S. Benedicti, de quo disseritur. At quod subiicis de Cassiodoro Senatore ex Trithemio, quod & ipse monachus fuerit ordinis S. Benedicti: haud patiar tantū mendacium ferri, illiq. a te

coniungi, quo asseris ab eodem Cassiodoro Classense iuxta Ravennam
 ædificatum esse monasterium, illudq. Benedictinis monachis ab eodem
 traditum incolendum. Quisquis ista ex recentioribus nostri temporis
 Scriptoribus obiter dixerit absque accuratiori habita examinatione,
 non curo, cum idem ipse Cassiodorus, ubi locorum a se ædificatum
 monasterium fuerit, & quibus Regulis, & sub quibus Abbatibus in-
 stitutum, suo stylo reliquerit aperte testatum: ut mirandum sit, te ista
 sicut & alia multa adeo secure profiteri, antequam eiusdem Cassiodo-
 ri legeris commentarios, ad quos legendos, vel sero saltem, ut ista
 intelligas, prouocamus. Sed quor simul congesta mendacia? * Cassiodo-
 rum asseris ex auctore, quem citas, & probas, post necē Boetij Classense
 monasteriū ex S. Benedicti instituto fundasse, eidemq. se dedicasse. Quod
 autem nonnisi vnum a Cassiodoro constet omnium testificatione ere-
 ctum fuisse monasterium: quodnam illud ipsum fuerit, & ubi erectum,
 accuratius peruestigandum est. in quibus omnibus astruendis nemo
 negarit, maiorem fidem adhibendam esse ipsi Cassiodoro, quam ceteris
 omnibus. At quam diuersum a Classensi monasterio fuerit illud, quod
 Cassiodorus erexit, ex eius scriptis poteris intelligere; scies vero quin-
 cleatius, si Annales consulas, ubi de ipso agitur, anno Redemptoris quin-
 gentesimo sexagesimosecundo. Quam insuper longe post Boetij necem
 Cassiodorus monasticam vitam sit professus, ex eius scriptis quis non
 intelligat? cum constet persenerasse post necem eius in obsequio Regum
 Gothorum ad plures annos. sed quod ipse sit amplexus Regulam S. Be-
 nedicti, ubi vel leue vestigium in ipsius scriptis, quæ ad suos monachos
 edidit de Institutione diuinarum lectionum? quis impressum poterit in-
 uenire? Qui cum de se ipso testetur ^b fuisse annorum ætatis nonaginta-
 trium anno Redemptoris quingentesimo sexagesimosecundo, iam vi-
 ginti annis post obitum S. Benedicti, ne verbum quidem de Regulis S.
 Benedicti in eodem commentario habet, cum agit de plurimis libris,
 quos legendos suis monachis tradidit. Quod quidem fauet illi senten-
 tiæ vestrorum, qui dixerunt post obitum S. Benedicti a Simplicio in Ita-
 lia easdem Regulas promulgatas: sed reditum Simplicij ex Gallijs non
 ante quingentesimum octogesimum sextum annum contingere potuisse,
 ex Fausto in vita S. Mauri manifestissime est demonstratum. Sic igitur
 non solum ex Romanis S. Gregorius, sed & Cassiodorus perfunctus ma-
 gistratibus nobilissimis, professione monachus in suā senectute, alterius
 tamen instituti fuisse reperitur, quam S. Benedicti. ut longe sit diuersum
 ab eo, quod asseris, omnes monachos ejus temporis necessario ordinis
 S. Benedicti professores fuisse.

Inferius vero cum agis de monachis a S. Gregorio missis in Angliam,
 ad probandum eos fuisse ex institutione S. Benedicti, recentiores colligis
 auctores, etiam hæreticos id asserentes. Sicq. nos ^c acriter pungis, qui
 quod non negant etiam hæretici, negare ipsi ausi fuerimus. Ad hæc pri-
 mum dicimus, non diuidendam hanc questionem a primaria, de qua
 agitur, sed eandem esse cum illa, nempe, An S. Gregorius, fuerit mona-
 chus

a pag. 251.
 §. 5.

b Cassiod. de
 orthogr. in
 præf. & de
 Comput. Pas-
 chali.

c pag. 255.
 §. 6.

chus ordinis S. Benedicti, cum satis constet ex monasterio S. Gregorij Augustinum & alios collegas in Angliam missos esse progressos. quamobrem si S. Benedicti Gregorius monachus fuit, certum est, eiusdem ordinis suos misisse in Angliam monachos: si non fuit, stultum est dicere, missos suos monachos fuisse alterius ordinis cuius ipse non erat. Cui ergo a priori quaestione ista omnino dependeant, ea cuncta, de ista non fuerit amplius disputandum, quod omni dubitatione penitus careat.

Sed præter hæc, quæ sufficere potuissent; adhuc ex ipso S. Gregorio atque Beda inferamus alia, quibus possimus perspicue intelligere, nequaquam S. Benedicti Regula vfos tunc temporis esse monachos Anglicanos. Atque primum ex Augustini consultatione de his ad S. Gregorium scribentis, & Gregorij ad eum respondentis argumentum accipiamus. Est ista Interrogatio Augustini: Quæro, Pater beatissime, de Episcopis, qualiter cum suis clericis conseruentur? respondit ita inter alia ad ista Gregorius: In ecclesia Anglorum, quæ auctore Deo, nuper ad fidem perducta est, hanc debet instituire conuersationem, quæ in initio nascentis Ecclesiæ fuit Patribus nostris, in quibus nullus eorum ex his, quæ possidebant, aliquid suū esse dicebat, sed erant illis omnia cōmunia. hæc ad Interrogationem Augustini Gregorius, præter hæc nihil amplius. Cui, si fuisset ipse S. Benedicti monachus, ut tu vis, & eiusdē Patris Regulā Anglicanis clericis præscribendā (quod tu asseris) in Angliā intulisset; eamq. ab eisdem obseruari S. Gregorius voluisset: haud satis sufficienter ab eodem Gregorio responsum videri potuisset, ut tantū seruaretur ab eis, quæ in Ecclesiā primitiua Apostolorum tempore seruabatur, nimirum, ut omnia inter eos cōmunia essent; sed addi necesse fuisset, ut præter hæc S. Benedicti Regulam eisdem seruandam proponeret.

At quomodo ea, quæ rescripsit sanctus Gregorius ad Augustinum, per ipsum & alios fuerint in praxim deducta: ex Beda, qui aderat, videbat, atque scribebat, accipiamus, qui de sancto Aidano primum agens hæc ait: A temporibus antiquis ibidem Episcopus cum Clero & Abbas solebat manere cum monachis, qui tamen & ipsi, ad curam Episcopi familiariter pertinerent. Quia nimirum Aidan, qui primus eius loci Episcopus fuit, cum monachis illuc & ipse monachus adueniens, monachicam in eo conuersationem instituit, quomodo & prius beatus pater Augustinus in Cantia fecisse noscitur, scribente ei reuerendissimo Papa Gregorio, quod & supra posuimus, &c.] Recitat eandem de his S. Gregorij responsionē ad Augustinum, superius a nobis descriptam. Idemq. Beda de iisdem in S. Cutberto agēs hæc ait de successo-
ribus Aidani: Vnde ab illo omnes loci ipsius Antistites vsque hodie sic Episcopale exercent officium, ut regente monasteriū Abbate, quem ipsi cum consilio Fratrum elegerint, omnes presbyteri, diaconi cantores, le-
ctores, & ceteri gradus ecclesiastici, monachicā per omnia cū ipso Episcopo Regulā seruent.] Sed quā Regulā non Benedicti nominat, sed quā idē mox subiicit ista dicens: Quā viuendi normam multū se diligere, probauit beatus Papa Gregorius, cū cōsultatū per litteras Augustino, quem

2. 112. 24. 14

a Bed. de hist. Angl. lib. 4. c. 27.

b Bed in vita S. Cuthberti. c. 16.

2. 112. 24. 14

primum genti Anglorum Episcopum miserat, qualiter Episcopi cū suis clericis conuersari debeant, respondit inter alia: Sed quia tua fraternitas monasticis regulis erudita &c.] vt supra. haftenus Beda de Regula per S. Gregorium praescripta Augustino seruanda. At quantum abhorreant ista ab ipsa S. Benedicti Regula, vt Abbates vna simul cum Episcopis degerent; sciunt omnes qui legerunt ipsam. cum praeter hanc & in vestitu disparem fuisse Regulam monachorum Anglorum a Regula S. Benedicti, ex eodem Beda dicturi sumus inferius, quibus plane intelligas Regulam primitiuorum monachorum Angliae, a S. Gregorio Augustino (vt audisti) praescriptam, fuisse omnino diuersam a Regula patris sanctissimi Benedicti.

a pag. 255. 9.
13.

Quod vero tu his omisiss, ad tuam sententiam comprobendam vt-
ris recentioribus Scriptoribus testibus, multorum saeculorum interca-
pedine separatis: dicimus quod alias diximus, & ratio semper dicere co-
git, recentioribus de antiquioribus haud simplici assertione credendum,
nisi antiquiorum adminiculo adiuuentur. Quod & tu ipse, Constantine,
cum sapis, ingenue profiteris, cum statim subdis: Non reijcio in his, quae
conuenientia, & congruentia ceteris Scriptoribus, & maxime antiquis,
litteris mandarunt, sed eos summa veneratione suscipio & obseruo. At in
his, in quibus ab antiquis eos discrepare video, & a communi sententia,
nullo praeiudicio solido veritatis fundamento discedere conspicio: in ipsorum
suspicionem abire non possum &c. Jta tu, & quidem sapienter. Vnde tuis
te verbis adstringam, quotiescumque recentiorum adducis testimonia
(quod frequentissime facis) qui aliquid testentur simpliciter arbitrati
suo: cum tales tua sententia non sint admittendi; vt autem admittantur,
his debeant conditionibus recipi, si ab antiquis non discrepent, alias nul-
lus locus sit quidpiam nitentibus affirmare suspicionibus suis. At huius-
modi esse vt plurimum testes tuos quis non intelligat? Qui dum de an-
tiquioribus aliquid asserunt, nullis id antiquiorum testimonijs, quod di-
cunt, astruant, sed velut obiter dictum transiliant, nulla mora interpo-
sita, vel consideratione, aut disquisitione adhibita, sint ne vera, vel fal-
sa quae dicunt. Sic igitur tua sententia transilire liceat nubem tuorum
testium, qui iisdem, quae requiris, non polleant signis. Quod ad quastio-
nem vero propositam spectat de monachis, eos ferme omnes amplexa-
tos postea esse S. Benedicti Regulam, quis negabit? vt plane in his fru-
stra labores, cum id ipsum de his sentiam quod tu sentis, & attestatio
Alcuini nequaquam a nobis reuocetur in dubium, quam veneramus, &
amplectimur, qui tamen id non dicit, quod tu ipsum asserere dicis, cum
Bedam ab eo laudatū fuisse, vt S. Benedicti monachū affirmas. sed ad alia.

b pag. 257. 9.
27.

Inter hanc autem differenda in vno ex tuis interlocutoribus hanc inge-
ris: b Certe ingenti admiratione obstupesco, obstupescunt etiam postea-
ri, & mirabuntur nouitatem tantae rei. multo vero magis mirabuntur
propositi illius, qui primus huius controuersiae auctor fuit.] sed vnde
admiratione ista? si ex rerum ignorantia, vtique dimouenda est rerum co-
gnitione & peritia. quae cum asseritur, admiratione ac plane stupore in-
re af-

re afficiat homines, quomodo haecenus de his falsa crediderint offusi caligine ex ignorantia inualefcentis erroris; at hoc nomine non indigentur admoventi lucernam veritatis errantibus, sed gratias agant.

Cum vero illud omnino sit in Ecclesia Catholica exploratum, errorē aduersus veritatem præscribi nulla quauis longitudine temporis posse, vt pluribus disputat Tertullianus libro de Præscriptione: tu tamen quā perperam, dicam & erronee, mox subdis: Mendacium quod non obstit, esse in Ecclesia retinendum? sunt ista verba tua: * Cum etiam (inquis) si verum non esset, Gregorium professum esse institutum nostrum: nullum tamen detrimentum, nullius rei iacturam ex tam antiqua traditione Ecclesiæ Dei vel Fidei Catholicæ consequeretur.] Quid ais, Constantine? compello te, conuenio verbis tuis. Vis in primis illis asserere, S. Gregorium haberi monachum Benedictinum, esse traditionis Ecclesiæ, vel Fidei Catholicæ? Sed vnde hoc tibi, & quæ auctoritas tanta tua, vt credenda Fidelibus augeas, & ingeras pro arbitrio Christianis? Quid in his tantopere abuteris nomine traditionis & Catholicæ Fidei? Cū enim Fideles teneantur ex præcepto recipere traditiones ecclesiasticas, & cetera quæ sunt Fidei; dum asseris esse traditionis ecclesiasticæ, asserere S. Gregorium fuisse ordinis S. Benedicti: quid aliud agis, quam (quod haecenus inauditū in Ecclesia Dei) vt sit de necessitate salutis asserere, S. Gregorium fuisse ordinis Benedictini? Appello aduersus te nouū Symbolum Fidei in Ecclesiam inferentem, supremum Tribunal eiusdem Ecclesiæ.

Sed & his quoque, eadem tua sententiā, deteriora miscuisse videris, dum etiam quæ non vera sint, contendis in traditionibus & ijs quæ sunt Fidei Catholicæ, absque detrimento, vel iactura aliqua esse recipienda. repetam verba ipsa tua ab exordio, & ob oculos ponam, vt quæ contineant ambiguum valde sententiam, quæ Fidei Catholicæ contradicat. ais enim: Et certe ingenti admiratione obstupesco, obstupescunt etiam posteri, & mirabuntur nouitatem tantæ rei; multo vero magis mirabuntur propositi illius, qui primus huius controuersię auctor fuit: cum etiam si verum non esset, Gregorium professum esse institutum nostrum; nullum tamen detrimentum, nullius rei iacturam ex tam antiqua traditione Ecclesiæ Dei, vel Fidei Catholicæ consequeretur.] fateor; ad hoc auditum expaui, & vitiatam esse sententiam errore Typographi ad excusationem tui ipsius interdum existimaui: vt germana textus lectio hæc esset: Nullam iacturam ex tam antiqua traditione Ecclesiæ Dei vel Fidei Catholica consequeretur.] sed errata consului ad calcem posita, in quibus cum sint plurimæ mendorum correctiones, & hæc non reperiam, quid dicere possum, nisi volentem errasse? Corrigendus igitur, detestandusq. in vna sententiā duplex error, quo dupliciter Catholicæ Fidei regulam lædis, vel cum inter Ecclesiæ traditiones & quæ sunt Fidei, & quæ non sunt vere traditiones, nec sunt Fidei, inferuntur, quæ mendacium in Fide Catholica absque detrimento vel iactura aliqua tollerandum aliquo modo videaris asserere. Quæ plane eiusmodi esse noscuntur, quibus omnes simul nerui Catholicæ Fidei succidantur. Verum
puto,

puto, te non sentire ista, sed quæ sunt pia & orthodoxa; at vitiosa oratione te ipsum his nexibus implicuisse, ut absque dubio, quid de his sentias, sis serio interrogandus.

a pag. 219.
vers. 30.

b 16. q. 1. c.
sunt nonnulli.

In eo autem quod inferius * affers auctoritatē Bonifacii Papæ Quarti, ad significandum S. Gregorium fuisse monachum ordinis S. Benedicti; eandemq. apud ^b Gratianum in libro Decreti positam, ista præmittis: Cuius rei argumentum alia etiam ratione, ante oculos tam mentis quàm corporis tibi exhibere posse, citra omnem dubitationem confido. cui nisi prorsus obfirmata fronte fueris, quod haud credere possum, tuam possit penitus retundere, immo radicitus euellere suspensionem.] ita tu. o vtinam quod polliceris, præstare possis. Non inuideo (testis est Deus). nam quæ inuidentiæ causâ esse possit, ut ægro feram animo, S. Gregorium dici monachum Benedictinum? nulla penitus: quin magis certe, gauderem. At ne faciam, veritas, quæ in primis audienda est, vetat, cuius imperio omnes cedant, cum & ipse dicat Apostolus: * Non enim possumus aliquid aduersus veritatem, sed pro veritate.] Ceterum non desunt innumera loca, quibus eadem sacrosancta Congregatio Cassinensis, ex qua tanquam e fonte lucidissimo vniuersus Benedictinus ordo manauit, atque aliæ plures sanctorum monachorum Congregationes sunt deriuatæ, gloriosissimis laudibus possit extolli, iisdemq. verissimis: ut non opus sit pulcherrimam Christi sponfam, iam matronali grauitate decoram, huiusmodi pigmentis & fucis, fictis ac mentitis coloribus comparatis delinitam reddi deformem: prout tu facere niteris; cum ego e vultu veneranda maiestate migante superinductas eiusmodi fordes abstergere, digne, iusteq. laborem.

c 2. Cor. 13.

Quid igitur dicam de Bonifacii Papæ Quarti decreto abs te citato, ac recitato, quod tãti facis, tumescēs ex eo, ut secure iam dicas, ipsum omnem dirimere controuersiam, ut de his nō relinquatur locus amplius dubitandi? Illud sane & apposite (cū detumescere fecero tumore istum) ex diuino oraculo comparatū: ^d Hic confringes in te tumentes fluctus tuos.] quos iam in tenuē spumā videris resolutos. Ita magnificere, Constātinē, consueuisti res tuas, ut incutere timorem possis etiam animi fortitudine præditis; verum risum moueas, cum eadē propius cognita, quam inanes sint, deteguntur. At vtinam inanes tantum inuenirentur; & non subdole, commenticiæ, adulterinæ, ac penitus falsæ in summum tuæ existimationis præiudiciū ostendi possent! Accedit autem hoc loco, non quod superius de epistola Abbatis Fundani abs te recitata, & a nobis manifestæ imposturæ conuicta vidisse contigit: sed quod explorando sollicitius veritatem textus Bonifacii decreti, abs te citati, & collatis pluribus diuersorum veterum codicum lectionibus, inuenerimus recitatum ipsum Bonifacii decretum decurtatum clausula vna; quæ cum omne tuum euacuet argumentum, certe haud fiet, ut negligentia Librariorum id effectum existimare possimus, sed callide potius sic redditum, ut ex eo absque obiectione probari posset, quod tu inducis & asseris, ipsum S. Gregorium fuisse monachum ordinis S. Benedicti. Doleo (Deus scit) me necesse

d Iob 38.

cessitate compulsus istam detegere fraudulentiam in textu corrum-
pendo patratam. Aperiam tamen, quod id extorqueat a nobis inuitis
tanta tua de victoria ex eo iam consecuta iactantia. reddamus igitur pri-
mam verba textus, quem citas. sunt ista.

Sunt nonnulli, * nullo dogmate fulti, stulti magis zelo amaritudinis, a pag. 160.
vers. 17.
quam dilectionis inflammatis, asserentes, monachos, quia mundo mor-
tui sunt & Deo viuunt, sacerdotali officio indignos, neque poenitentiam,
neque Christianitatem, seu absolutionem largiri posse per sacerdotalis
officij iunctam gratiam. sed omnino falluntur. Nam si ex hac causa, ve-
teres æmuli vera prædicarent, Apostolicæ Sedis compar beatus Grego-
rius monastico cultu pollens ad summum apicem nullatenus conscender-
et, cui soluendi & ligandi potestas concessa est. Augustinus quoque eius-
dem sanctissimi Gregorij discipulus Anglorum prædicator egregius,
aliq. quamplurimi sanctissimi viri, pretiosiorum monachorum habitu
fulgentes, nequaquam a quoquam pontificali officio subarrarentur.
Neque enim Benedictus monachorum pater & præceptor almificus hu-
ius rei aliquo modo fuit interditor.] hæc Bonifacius. Quo certe decreto
(subiicis mox tu ipse) luce solari clarius redditur, & Gregorium & Au-
gustinum fuisse monachos instituti sanctissimi patris Benedicti. dicat
quidquid velit quidam Constantinomastix. Nam cum Gregorius & Au-
gustinus monachi fuerint, & ad solum Pontificale tracti: illud obtinere
potuerunt utique, quia hoc a patre & præceptore eorum Benedicto pro-
hibitum non fuit, cum S. Benedictus absolute dicatur monachorum pa-
ter & præceptor almificus. quod & glossa in eodem loco & sensit & nota-
uit cum dixit: Quidquid ergo non prohibuit S. Benedictus, hoc mona-
chis licet. non enim suis dixit, sed tantum monachis, intelligens mona-
chos omnes militare sub Regula S. Benedicti. ex quo quid sequatur, stul-
tis etiam patet &c.] hæc tu. Sed quam male inducere possis ex recitato
textu S. Gregorium fuisse discipulum S. Benedicti, satis illud declarat.
Quia sicut certum est, cum dicitur in-textu S. Benedictus monachorum
pater, includi eos minime potuisse, qui semper militarunt & militant
vsque hodie sub Regula S. Basilij, sed tantum monachos illos qui sub
ipsius Regula viuerebant; ita neque Gregorium vel Augustinum qui al-
terius Regulæ fuisse probantur, contineri adeo ut suum ad principium ques-
tio reuocetur, num scilicet S. Gregorius fuerit monachus instituti S.
Benedicti, nec ne. Ex glossa autem quod arguis, ad S. Gregorium utique
male deducis. Nam cum textus a Gratiano recitetur mutilus, & præ-
termittantur illa omnia de sanctis Gregorio atque Augustino exempla,
non potuit glossæ auctor diuinasse de eisdem Gregorio, & Augustino,
quod ex verbis illis comprehensi sint sub Regula Benedicti. hæc itaque
satis, esse possent ad eludendum, & ad nihilum redigendum Enthymema
tuum, quod dicis fortissimum esse.

Sed iam patratum scelus in-textus deprauatione aperiamus. Quænam
autem maximi momenti a textu per Constantinum recitato, sint dolo
malo subducta, Lector attendat. Antiquiores Collectores canonum, qui
longe

longe ante Gratianum floruerunt, præstantissimi habentur Iuo Episcopus Carnotensis, & Anselmus Episcopus Lucensis, ambo doctrina, ac pietate clarissimi. Hi quidem intulerunt in suum ipsorum volumen illud ipsum integrum, idemq. prolixum Bonifacii Papæ Quarti decretum, præter hos autem auctor Collectionis, quæ inscribitur, Polycarpus, eundem quoque textum, ut se habet, prolixè descripsit. In quo quidem, quod spectat ad rem nostram, singulorum ipsorum singula accipe verba. ac primum, * sic Iuo: Nam si hac ex causa veteres æmuli vera prædicarent, Apostolicæ Sedis compar beatus Gregorius monastico cultu potens, ad summum nullatenus apicem conscenderet, cui quidem ostiatim fungendi, ligandi, soluendiq. officio potestas summa conceditur. Augustinus quoque eiusdem sanctissimi Gregorij discipulus Anglorum prædicator egregius, & PANNONIENSIS BEATVS MARTINVS, alijq. quamplurimi viri sanctissimi pretiosorum monachorum habitu fulgentes, nequaquam annulo Pontificali subarrarentur. neque enim Benedictus monachorum præceptor huiuscemodi rei aliquo modo fuit interdictor, sed eos sæcularium negotiorum edixit expertos fore solummodo, &c.] ita apud Iuonem, cuius codex Decretorum iam præ manibus omnium cusus habetur. sic & Anselmi * Decretum, cuius exemplar scriptum Vaticana bibliotheca possidet, in quo pariter post Augustinum S. Martini nomen, ut in Iuone vidisti, cum huiusmodi additamento sic exprimitur: Augustinus eiusdem sanctissimi Gregorij discipulus Anglorum prædicator egregius, ac PANNONIENSIS MARTINVS BEATISSIMVS, CUIVS SANCTITATIS FAMAM, LONGE LATEQ. DIFFVSAM, TOTVS PERSONAT MVNDVS, alijq. quamplurimi sanctissimi pretiosissimi monachorum habitu fulgentes nequaquam annulo Pontificali subarrarentur, sed quia monachi fuere, prædictis uti prohiberentur. Neque enim Benedictus monachorum præceptor almiscus huiuscemodi rei aliquo modo fuit interdictor, &c. [ut supra.] Ita pariter legitur & in Polycarpo, * quæ Collectio habetur in Vaticana bibliotheca numero MDCCCLII, iisdem verbis, quæ iterum hic reddere non piget: Augustinus etiam eiusdem sanctissimi Gregorij discipulus prædicator egregius, ac PANNONIENSIS MARTINVS BEATISSIMVS, CUIVS SANCTITATEM LONGE LATEQ. DIFFVSAM TOTVS PERSONAT MVNDVS, alijq. quamplurimi, &c.] ut supra.

Ecce tibi, Lector, ipsa germana lectio ex tribus antiquis auctoribus restituta. ex quibus vides, qua versutia in lectione, quam recitat Constantinus, fuerit subductum nomen S. Martini, quo stante, relatio illa ipsius de Benedicto ad S. Gregorium fieri nullo modo potuisset, ut S. Benedictus superius nominatorum Gregorij, Augustini, atque Martini pater atque magister assereretur, cum S. Martinum longe ante S. Benedictum vixisse constet. Quod igitur nomen ipsius S. Martini esset omnino impedimento, ne illa fieri posset inductio, expuncto illo, atque sublato,

a Iuo par. 7.
c. 22.

b Ansel. lib. 5.
post. c. 95.

c Polyc. lib. 4.
tit. 34.

ea lectio, quam audisti, est edita a Constantino. Sed sint ista, Lector, obsecro, apud te, nec diuulgentur apud alios: semper enim monachorum existimationi est pro viribus consulendum. nam satis ad pœnam fuerit erubescencia eius, quia iuxta Comicum, Si erubuit, salua res est; siquidem non nisi de valde improbis illud est sacrum oraculum: ^a Frons mulieris meretricis facta est tibi, noluiſti erubescere.] in quem statum, abiſit, vt quiscumque sancti ordinis monastici homo deficiat. Quod autem citat ipſe codicem bibliothecæ Columnensis, cuius sit titulus (vt ait) Varriorum sermonum, ipsum perquisitum hætenus inuenire non potui, nec puto requirendū in libro Sermonū eiusmodi Bonifacij Quarti Papæ decretum, quod non nisi in Collectionibus canonū consueuit esse receptū.

a Jer. 3.

*b pag. 262.
vers. 22.*

*c pag. 263.
v. 22.*

d Bed in Cuthbert. c. 19. in fine.

e Idem ibid. c. 23.

f Id. ibid. c. 16. in fine.

Sed quid faciam, cum obruar falsitatibus, si quod monachus sis, non timeas legis Cornelie fascēs? nam audi quid paulo post dicas: ^b Quod autem Augustinus ædificasset monasterium Benedictinum in Anglia ipsa, testis est etiam Beda ipſe, qui sua historia de Ecclesia Anglicana hæc habet: Fecit autem & monasteriū non longe ab ipsa ciuitate ad Orientem, in quo eius hortatu Edilbertus ecclesiam beatorum Apostolorum Petri & Pauli extruxit a fundamentis, ac diuersis donis ditauit.] hæc ille. & hucusque tu. Vbi ergo in his mentio, quod illud monasterium fuerit Benedictinum, vt proſiteris, a Beda dictum? & sequenti pagina sic habes: ^c Cuthbertum autem illum cum Aidano fuisse ex instituto sanctissimi patris Benedicti, liquet clarissime tum ex illis verbis: Vt regente monasterium Abbate, quem ipsi cum consilio Fratrum elegerint, quibus expresse ostendit, Regulam in ordinando Abbate ipsius sanctissimi Patris seruata fuisse &c.] At quis tam commune omnibus monachorum ordinibus tum Orientalium, tum etiam Occidentalium, quam vt per monachos Abbatis electio fieret? sunt hæc istiusmodi tua argumenta, quibus paginas multiplicas, vt vel hoc vno excedas aduersarium, si grandiori eum superes libro, in quo tibi cedimus, quod veritatem tuemur, quæ non indiget verborum ambitu, vt mendacium.

In eo autem quod Beda sanctum Benedictum patrem nomet, nihil est quod arguere possis, eius se fuisse discipulum, cum ibidem & S. Antonium eodem titulo, & maiori præconio appellet, dicens: ^d Reuerendissimi & sanctissimi patris Antonij sequebatur exemplum. At vis discere, eosdem monachos Anglicanos alterius fuisse instituti, quam sancti Benedicti? hoc saltem vno accipe signo a te ipſo ex Ioanne diacono in argumentum deducto, nenipe quod monachi S. Benedicti præingerentur zona pellicea latitudinis pollicis vnus: at vero S. Cuthbertum liuceum vsum zona, idem Beda eius ^e vitæ auctor affirmat. sed adde adhuc aliud. Tu constanter affirmas, monachos Benedictinos ab ipſo principio Regulæ vt consueuisse vestimentis nigri coloris, quod & testatur Petrus diaconus in disputatione sub Innocentio Papa Secundo & Lothario Imp. & tamen S. Cuthbertum cum suis vt consueuisse vestimentis ex lana nulla tinctura infecta, sed naturalis coloris qualicumque esset, idem ipſe testatur ^f Beda.

Post

a pag. 268.
vers. 13.

b Paul. dias.
lib. 4. c. 19. in
mon. edit.

c pag. 269.
vers. 3.

d pag. 269.

Post hæc potentissima (vt tibi visum) insurgis ^a coniectura, nempe S. Gregorium scripsisse ad Arrigem Ducem Beneuentanum de restauratione cœnobij Cassinensis, idq. constare dicis ex epistolis ipsius Gregorij ad eundem datis, quas, ais, non inueniri impressas, sed asseri idipsum a Sabellico. Primum ad hæc respondemus, quod cum Paulus diaconus ^b de consuetudine eiusdem Gregorij cum ipso, & epistola ad eum scripta agat, nec meminerit de alia epistola pro restauratione Cassinensis monasterij ad eum data ipse monachus Cassinensis: an sit verum quod Sabellicus tradit, magnopere in dubium reuocatur. Deinde esto quod scripserit: plane ex Potificio munere id fecisse potest intelligi, vtpote cui inerat cura omnium Ecclesiarum, vt apparet ex omnibus eius epistolis positis in Registro. At tu tanti facis eiusmodi leuissimam coniecturam, & incertissimam assercionem, vt dicas de Blondo & Sabellico ^c hæc afferentibus: Auctoritas autem horum duorum grauissimorum virorum ea est, vt nisi fronte perfricata reijci non possit, & ita refellit ea, quæ nouissimus ille tuus Scriptor exarasse dicitur, vt penitus non scripserit, sed somniasse videatur.] ita tu derisionibus rem agis, appetens S. R. E. Cardinalem, qui tibi ita deliranti parcat, tui commiseratione commotus, quod monasticos mores sic exueris. Sed illud ridiculum, quod subijcis de S. Gregorio, quod (vt ais) non inueniatur scripsisse pro restauratione monasterij S. Equitij, sicut S. Benedicti, ex eo conuinci, non ex S. Equitij, sed ex S. Benedicti ordine fuisse. At quis scit, an omnino Equitij monasterium reparatione indiguerit, vel quod destructum, vel quod non fuerit ante hæc tempora restauratum? Vel quomodo tu scis, non scripsisse? dices, quia litteræ non extant. atqui nec datæ de restauratione Cassinensi extare dicuntur.

Inferius autem post derisiones narras ^d tuam diligentiam, Romæ dum esses, exhibitam in peruestigandis antiquis monimentis monasterij S. Gregorij in Clivio Scauri, quibus totus intentus non vidisti præsentia ob oculos posita, nempe monachos ibi degentes non esse montis Oliueti, vt scribis, sed Camaldulenses; nec vidisti, seu non vidisse dissimulas, in Oratorio S. Andrea, loco primario, habitum monachorum S. Gregorij in antiquis picturis non esse nigri coloris, vt tu contendis fuisse Benedictinorum, sed castanei; quo vel saltem signo discere potuisses, ipsum a Benedictinis fuisse distinctum.

Addis post hæc, te nactum codicem prægrandem membranaceum, in quo essent descripta antiqua atque recentia eiusdem monasterij diplomata: & inter alia diploma Bonifacij Papæ Octauij abs te citatum in margine, non (vt abs te signatur) pagina ducentesima prima, sed trecentesima quinquagesima secunda, in quo ista leguntur, quæ ita a te recitantur: Bonifacius Episcopus seruus seruorum Dei dilectis filiis Abbati & Conuentui sancti Gregorij in Clivio Scauri de Vrbe, ordinis sancti Benedicti &c.] in his autem litteris, inquis, renouat priuilegium Innocentij alias concessum eidem monasterio, quod incipit: Innocentius Episcopus seruus seruorum Dei &c. & infra: Ea propter,

propter, dilecti in Domino filij, vestris iustis postulationibus clementer annuimus, & monasterium S. Gregorij in Clivo-Scauri de Vrbe, in quo diuino estis obsequio mancipati, sub beati Petri & nostro protectione suscipimus, & presentis scripti privilegio communimus. In primis siquidem statuentes, vt ordo monasticus, qui secundum Deum, & beati Benedicti Regulam in eodem monasterio institutus esse dignoscitur, perpetuis ibidem temporibus inuiolabiliter seruetur &c.] Datum Anagnini anno quinto Pontificatus.] subijcis alia diplomata ibi scripta reperiri, in quibus asserantur monachi ibi degentes esse ordinis S. Benedicti. post hæc autem longissimam subdis disputationem, An, & quando verba enuntiatiua fidem faciant ad probationem. sed incassum laboras. Etenim concedimus tibi (si id cupis) verba illa etiam esse dispositina, (vt appellant) siue etiam sententiæ definitiuæ, nempe vt Innocentius, & Bonifacius ea repetens, aut etiam alij, definierint decreto Pontificio, monachos in eodem monasterio degentes esse ordinis S. Benedicti, & in eo institutum esse ordinem monasticum secundum ordinem S. Benedicti.

Vide Constantine, quam liberaliter tecum agam, vt liberem te ab illa difficultate probandi enuntiatiuas propositiones fidem facere, cum velimus, fidem facere omnino, perinde ac si essent sententiæ definitiuæ, ibiq. degentes monachos esse ordinis S. Benedicti, illicq. institutum ordinem monasticum secundum Regulam S. Benedicti, cum constet post expullos inde Græcos monachos (vt tradit Ioannes diaconus) S. Benedicti Regulæ monachis illud monasterium esse traditum . at quid ad rem ? Nam quid ad Gregorium, de quo est disputatio, asserere quod in idē monasterium introducti sint monachi ordinis S. Benedicti ? ergo sequitur S. Gregorium eiusdem ordinis fuisse ? cum teste etiam te ipso liqueat, quāplurima monasteria diuersorum ordinum suscepisse postea seruandam Regulam S. Benedicti . Quid enim, (vt hoc exempli causa ponatur) cum in diplomate Gregorij Papæ Decimiertij, quo est facta concessio eiusdem monasterij monachis Camaldulensibus, dicatur, vt ibi degentes monachi obseruent eas omnes constitutiones, quas obseruare consueverunt cœnobitæ Camaldulenses : numquid aliquis ex his inferre poterit, S. Gregorium fuisse monachum Camaldulensem ? At nec considerasti, Constantine, non dici ab Innocentio Papa monasterium illud erectū esse secundum Regulam S. Benedicti, sed in eo institutum esse ordinem monasticum secundum Regulam S. Benedicti: sicut cum dicit Gregorius Decimustertius Papa, in eodem institutū esse monachorum ordinem secundū Regulam Camaldulensiū cœnobitarum, vt eas ibi obseruent . Nihil ex his igitur refert lucri, sed damnum potius, cum id factum scribat Ioannes post eiectos inde monachos Græcos, quando id monasterium datum est Benedictinis .

Attamen tu ipse more tuo tunc amplius victoria velut adepta exultans, cum magis causæ succumbis, ista subijcis: ^a Quare nescio quomodo recentissimus ille tuus Scriptor scribere potuerit, se valde mirari, cur quidam e nostris scribere ausus fuerit, & auctoritatibus probare, S.

^a pag. 272.
vers. 27.

Gregorium monachum fuisse Benedictinum, nihil ducens tantam antiquitatem, quam aliter tradidisse, asserere conatur, cū ex iam allatis manifeste constare perspicue appareat, eum valde hallucinari, cum neminē ex antiquis asserere possit, qui tradiderit, Gregorium alterius fuisse instituti, quam ante nos tot testibus prolatis probauimus.] hęc tu. ad quæ breuissime: Recētissimus iste auctor antiquissimorum nititur probatione, contra communem errorem, quem perperam (vt demonstratum est) tu nōminas traditionem; Gregorij nimirum ipse fultus auctoritate, eos hallucinatos ostendit, qui contrarium asseruerunt.

apag. 279.

uerf. 24.

Ita pariter & inferius de victoria tamquam ex verbis Gregorij vendicata glorians, ista subiicis ex Concilio Lateranense sub Gregorio Papa: Gregorium Papa exorsus est: Quam sit necessarium monachorum quieti prospicere, & de eorum perpetua securitate tractare, antea actum nos officium informat, quod in regimine monasterij exhibuimus, &c.] pergis: Sed & ipse in sermone quodam habito ad monachos Cassinenses, satis aperte se ex eorum numero extitisse ostendit, cum inquit: Nos enim, qui monachi nuncupamur, inter Martyres computamur, si professionem nostram factis implemus. & infra: Claustralis enim inclusio, regularis districtio, vestium abiectio, Prælatorum inuēctio, iuge silentium, alienum imperium. & paulo post. Nos vero iugo obedientiæ subditi, & regularium præceptorum loris constricti, non nos, sed alium sequimur imperantem, &c. ex quibus certe verbis, certius, quam vt probatione egeat, constare posse puto, nos vera asserere, cum dicat; se cum ipsis regularium præceptorum loris constrictum, nempe eiusdem Regulæ præceptis addictum. Quo quid clarius dici possit, videre nequaquam possum.] hucusque tu ex verbis (vt tibi vendicas) ipsius S. Gregorij. quibus abs te causam cuiusdam ostentas. Bene actum, quod cum de tanta victoria exultas, non pariter aliquo scommate, vel dicterio insultaucris more tuo. sed iam quantopere decipiaris, attende.

Etenim nihil præterea ex recitatis verbis consequi poteris, quā probari ex eis, S. Gregorium fuisse monachum, & eo modo monachos allocutū, siue in Concilio, siue per sermonem illum, quem citas, hætenus in Romana Ecclesia inauditum, quem habitum esse dicis ad monachos Cassinenses, cum tamen nec Cassinense tunc extaret monasteriū, iamdiu ante a Longobardis excisum. quod si non ad eos, sed ad Lateranenses monachos vis habitū esse: vtique dicendum erat, habitum esse non ad monachos Cassinenses, sed Congregationis Cassinensis. Sed absit, vt tua tantūmodo assertionem nusquam Romæ cognitum sermonem S. Gregorij nomine accipiā, absque habita de eo diligentissima peruestigatione, cum non nisi in sancta quatuor Evangelia, & super Ezechielem ab ipso siue scriptas, siue dictas homilias fuisse, eiusdem Gregorij testificatione habeatur exploratum. Sed concederemus (tibi in his etiam indulgentes) sermonem abs te citatum esse legitimum ipsius Gregorij, nisi obslaret, quod auctorem sermonis illius longe alium a Romano Pontifice fuisse, necesse sit affirmare, dum in recitatis illis paucis abs te verbis, sæpe tamen profertur auctor, se sub alterius iugo obedientiæ constitutum. At id dici a

Gre-

Gregorio Papa potuisse, vt sub Prælati sui fuerit obedientia, quam absurdum est? & Abbatem aliquem super Pontificem præfectum asserere, quā penitus inauditum? At dicere, ipsum Gregorium illa respectu aliorum; ad quos sermo esset, locutum esse: hæc si tu vera esse contendis, profecto ex verbis illis non elicies, quod prætendis, cum Gregorium ab illis velis exemptū, si quæcumque de monachis ibi dicit, non ad ipsum dicentem, sed ad auditores monachos sint referenda. Vides igitur, Constantine, qualia sint arma tua, ex quorum vsu adeo securum polliceris tibi triumphum? & quam oporteat graui veritatis lance suspendere, quæ ex abditis consueuisti in lucem proferre?

Quid tandem? Ad testimonia confugis recentiorum, quorum tamen inuenis neminem, qui de hac disseruerit quaestione, sed quod quisque putauit esse verum, hoc obiter scripsit. Etenim quod ipsi omnes in S. Gregorij monasterio viderent monachos esse Benedictinos, quodque apud Ioannem diaconum id quoque peritiores legere potuissent, & sparsum in vulgus audirent, S. Gregorium fuisse eius ordinis monachorum, qui in eius monasterio habitarent: absque alia ea de re diligentiori peruestigatione, inter scribendum, cum se occasio dedit, dixerunt & ipsi, S. Gregorium fuisse monachum ordinis Benedictini. Quorum ex numero in primis citatus abs te fuit S. Thomas, qui hæc dixerit: Beatus Gregorius de facultatibus suis intra Urbis mœnia vnum monasteriū, in Sicilia vero sex legitur construxisse.] Ita, legitur, apposite dixit, vt fides remaneret apud auctorem: & sic iuxta ea, quæ legi sciret, subdit, quæ sequuntur. Eadem ratio est de beato Gregorio, qui construxit monasteria secundum Regulam a beato Benedicto institutam.] hæc ex S. Thoma in opusculis, quem citas. Cui tanto Doctore cum in more positum fuerit, si quid vellet vt verum accipi, illud formato articulo subtilissime disputaret, obiectiones contrarias asserret, easdemque refelleret, vt sic conclusio examinata subsisteret: si quid interdum (vt accidit) obiter ab eo dici contigerit, haud perinde sane accipi voluit, vt sancti Euangelij verba; cum præsertim, quæ tradit (vt hic fecisse cognoscitur) ex aliena, se potius relatione referre fateatur. Accedit quod non hic versamur in scientijs speculatiuis, sed practicis, & in his, quæ sunt facti, in quibus quisque etiam sapientissimus possit errare, eoq. magis cum de ijs agitur quæ ante plurima sæcula acciderunt. Quod intelligens ipse S. Thomas, qui ea narrabat, quæ iā olim ante annos sexcentos & quinquaginta contigerant, magna cautela illud, legitur, apposuit, quo significaret, se potius referre, quod legerat, quam affirmare, quod certo scire ipse non potuisset. hæc ipsa plane de ceteris omnibus Scripturibus, quos eadem scripsisse narras, dicta sunt; vt nō sit opus referre singulos, quos absque firmitiorum testificatione loquentes eadem asserta ratio respuit.

Ad postremum recitatis auctoribus recentioribus, qui videntur fauuisse tux sententiæ, posita Arnoldi vestri monachi huius temporis scriptoris auctoritate, ^b subijcis ista: Quem etiam sannis prosequuntur, quod vocauerit Gregoriū ipsum Archidiaconum, quo nomine etiam a multis, qui

a pag. 289
vers. 7.

b pag. 289
7. ult.

a pag. 288.
p. 7.

qui ante eum de eo egerunt, vocatus fuit.] & paulo post: * Sed ego quorsum hæc? Ac si ipse Arnoldus is esset, qui perstreptentes muscas abigere flabello veritatis non posset.] eo vsque, Constantine frater, progressus es contumelijs, vt non verearis tibi contradicentes, muscas perstreptentes nominare! Sed falleris admodum: scies, vbi ista nostra perlegeris, ex infixis aculeis eas quas existimasti muscas, fuisse crabrones, quos te pœniteat irritasse, cum vnde euadas, quo effugias, non inuenies, vbique eorum aculeis confixus, atque perfossus, nec erit, vt leui flabello eos expellere valeas. Dimoue, vita, si potes, cum, qui tibi modo insigitur ob tuum Arnoldum aculeus. Dixit ille S. Gregorium fuisse S. R. E. Archidiaconum, cuiusdam (vt tu excusas) recentioris Scriptoris auctoritate. Anne potuit non risisse Baronius, audiens Archidiaconum asseri S. Gregorium, quem certo sciret vltimum diaconorum fuisse? Qui hoc testatur, fuit æqualis nostri Gregorij Gregorius Turonensis, qui non solum eodem vixit cum ipso tempore, sed (vt ipse tradit) Romam venit, & quæ scripsit, oculis vidit. hic ergo de S. Gregorij diaconatu agens, hæc habet: Qui ante serico contextu, & gemmis micantibus solitus erat per Urbem procedere trabeatus: nunc vili contentus vestitu, ad altaris Domini ministerium consecratur, septimusque Leuita in adiutorium Papæ adsciscitur.] hæc ipse. plane his significans, eum vltimum omnium creatum diaconum, vltimum locum nactum, vt septimus diaconus dictus sit in numero illo septeno diaconorum Cardinalium, quorum primus Archidiaconus esset. Sed deceptus est numerando imprudens Lector, dum inuerso ordine numerauit, atque primum diaconum putauit infimum, septimum vero summum. At vero primum diaconum eundem fuisse, Archidiaconum, accipe ex his, quæ habentur in exordio libri secundi epistolarum S. Gregorij istis verbis: Temporibus Gregorij Papæ, Consulatus Mauritij Augusti anno septimo, depositus est Laurētius, qui primus fuerat in ordine diaconij Sedis Apostolicæ, propter superbiam, & mala sua, quæ tacenda duximus, & factus est Archidiaconus Honoratus coram omnibus presbyteris, & diaconibus, Notarijsque, subdiaconibus, vel cuncto Clero in basilica Aurea.] hæc ibi. Ex quibus vides primum diaconum, eundem fuisse Archidiaconum, quo titulo auctus, qui in locum ipsius est subrogatus, ita vt Gregorium, qui septimus ordine diaconus asseritur, eundem diaconorum fuisse nouissimum, necesse sit affirmare. En, Constantine, tuo nunc flabello eijce muscam istam, quam pateris perstreptentem, tuis auribus permolestam.

At num hic finis derisionum tuarum atque calumniarum, cum ad muscam vsque perueneris? minime gentium. Pauca ista tibi adhuc visa sunt, Constantine (quo impulsore spiritu, dicat alius) qui quidem eo licentius rem agis, quod sub velamento dialogi, mutatis nominibus velut imposita larua tegaris; tantoque securius agas, quod cum Baronius modestiæ se causa e campo subduxerit, factus videri possit tamquam homo non audiens, nec habens in ore suo redargutiones. Sic igitur post tot tantaque calumniose in ipsum allata; ad postremum prioribus deterio-

ra compingis. Cum enim iure redarguis auctorem illum, qui stulte admodum negauit S. Gregorium fuisse monachum: mox subiicis: ^{a pag. 289.} Quæ scilicet sententia, quod Gregorius non fuerit monachus, ex parte a te, & a tuis symmystis suscitata est, nullo licet fundamento veritatis nixa. ^{verf. 32.} At quid illud est, quod ex parte dicis? Quanam ex parte cum illo negauit Baronius S. Gregorium monachum fuisse? Numquid vis omnes monachos, præter Benedictinos, non fuisse dicendos monachos, sed semimonachos, ex parte tantum? non puto te adeo delirare, licet hoc ipsum ex necessaria inductione dictum oportuerit, cum tamen Baronius constantissimus monachatus S. Gregorij fuerit semper assertor. Vides Lector, an alia maior in Baronium potuisset constari calumnia, quam hæc fuit, quod scilicet ex parte negauerit, S. Gregorium fuisse monachum. Esto tu iudex, & tantæ calumniæ propulsator, non aliunde quam ex sexcentis locis Annalium, quibus plenissime S. Gregorius asseritur fuisse monachus. O si non me Baronius cohiberet, qualia experiri iacula cogereris! Post hæc te conuertis ad iudicia, dum ex monacho grati atque seueri agere te delectat ^{b pag. 291.} mimum in scena, qui verbis his carpas aduersarium tuum: Ad argumentum vero, quod recentissimus ille tuus Scriptor fecit ab Ecclesia Romana, quæ, ut ait, numquam Gregorium depingere solita fuit monastico habitu,] ista tu reddis haud fideliter, aliqua mutilans. Nam dixerat, non consueuisse Romanam Ecclesiam S. Gregorium Papam pingere monastico habitu indutum, sed Pontificio, ut audiet Lector in Responsione. Tu vero vniuersè negans, mox ista garris: Respondum esse velim, illum aut captum esse oculis, aut eius caligasse oculos, vel specilla, seu orbicula illa vitrea oculis non adhibuisse, quibus uti solent hi, qui minus clare vident, quæ si adhibuisset, profecto vidisset in plurimis ecclesijs, ubi solent quatuor Doctores Ecclesiæ depingi, an Gregorius ipse habitu monachi subtus vestimenta Pontificia depingatur. Sed quid ego in re vniuerso orbi notissima laborare contendo?] hæc tu, mox ad alia diuertens. Sed siste gradum, licet inuitus, detineberis tamen, mecum annitente Lectore, qui arriter sedeat iudicans, vter nostrum visu præstet. Facetum spectaculum! Dicas tu, Constantine, aduersarium tuum, vel cæcum fuisse, vel oculis certe caligasse, quod depictum S. Gregorium habitu Pontificio cum alijs tribus Latinis Ecclesiæ Doctoribus intus indutum monastico habitu non viderit; arguis vero amplius, quod ad id videndum specilla non admouerit oculis suis. Sed excuso, quod non putauerit inueniri specilla, quæ faciant videre, quæ pictor subtus talarem lineam vestem prolixam valde, eius habitu Pontificio occultauit; cum quæ foris apparent tantum viderit, pluuiatile, pallium, stolam, atque laciniosam lineam tunicam, quæ sinuosis rugis ea omnino occultaret, quæ subtus laterent, ut videri non posset, qualis sit ille tuus, quem dicis, monasticus habitus. Rogo te, detege, ut sic videat. Quod si facere renuas, quod non possis; credam tibi nihilominus asserenti intus latere monasticum habitum; sed cum illum dicis nigri coloris esse; te ut putem hallucinatum, facit, quod dictum est ^c fa-

pe, monachos S. Gregorij adhuc apparere in antiquis picturis Oratorij sancti Andreæ coloris fuisse castanei, quæ etsi non adeo antiquæ, vt sancti Gregorij temporis coloribus expressæ doceri possint: ex antiquioribus eas deductas, nemo puto, iure negarit. En vides, Lector, quam iuste Constantinus ipse nos subfannet; & velit omnino ipsis intueri oculis corporis, quæ ipse tantum imaginetur oculis mentis. At omittimus cetera friuola, & ridenda potius, quam confutanda, vt inter alia illa de S. Equitio, quem tu non magis inuidiose, quàm calumniose exueris monastico habitu, non solum cum scenum fecaret in agro, sed (vt ^b ais) alias etiam cum vel foras procederet, vel domi maneret.] & quod tunc penitus Benedictinis caruerit vestimentis. Sed ex ijs etiam Benedictinum monachum non fuisse, satis intelligere potuisti, quem fingis postea pro animi leuitate non veritate trāsisse ad tuos, quos postea exortos esse, in Respon- sione docuimus. In quâ, si quæ reliquæ sint, quæ toto hoc tractatu deside- rari posse contingat, copiose disputata, Lector, inuenies.

Hic vero Apologetici commentarij finis esto: ex quo abs te ante- tempus Epinicium decantatum conuertatur in nœniam, cum per illum tuus dialogus sit eodem plane tempore, quo est natus, extinctus; vt ad eius inuitandi sint funus, quos conuocaueras ad triumphum, ne penitus sepeliatur inglorius. Hæc nos cursim, his paucis diebus (quod tu mireris) aduersus ea, quæ tu pluribus frustra conatus es annis; ne- queri posses, tui libri editionem esse dilatam. Expecta vero locupletio- rem, fortioioremq. tractatum, si his te, tuosq. non acquieuisse senserim- us, cuius comparatione nos hic modo lusisse, cognoscas. Vale.

Finis Apologetici in Constantinum Bellottum monachum Cassinatens.



AD LECTOREM ADMONITIO QVA OCCASIONE AVCTOR

scripserit ad alium Cassinatem monachum
hanc, quæ subijcitur, Responſionem.

M V M innotuisse Annales legentibus, quæ de monachatu sancti Gregorij Cardinalis Baronijs conscripſisset, dum ejusdem Pontificis auctoritate suassus, alterius potius quam sancti Benedicti ordinis eum fuisse monachum demonstravit: visa est sententia ista duriuscula Benedictinis; qui Ioannis diaconi auctoritate ipsum ut suum sibi hactenus vendicassent. Quamobrem vnus ex eisdem Congregationis Cassinensis venerandus monachus, zelo iustitiæ moris, quæ quisque autam hereditatem tuam laborat, commentarium scripsit aduersus ea, quæ in Annalibus idem Baronijs confirmasset. Cuius nomen silentio honorifico inuolutum idcirco relinquimus, ne videamur in certamen rursus reuocare nolentem, eumque orationis aculeata stimulis subijcere, qui non eudendo sua, visus sit se a certamine subduxisse. Abstinuimus, inquam, ab eius nominatione consulto, ne vel nominando videremur eum quasi in triumphum ducere voluisse capriuum.

Hic, inquam, librum a se contra eam Baronijs sententiam conscriptum antequam ederet, prudenter quidem modestissimi religiosi numeros explens, Romam misit ad dignæ memoriæ virum Camillum Illustrissimum Patriarcham Alexandrinum, per eum eidem Cardinali Baronio ostendendum, ut si quid haberet neruosius, quo rationes a se allatas infringeret, proderet; & sic ipse quiesceret: sin minus (quod æquissimum esset) quidquid ea sentiendo, ut homo peccasset, uti veri amantissimus ipse corrigeret. Cognouit ipsum accurate Baronijs, examinavit diligenter, atque exacte discussit; sed haud talem intuenit, ut discedere a sententia cogeretur. Verum ut eidem, qui cognoscendum obtulerat, satisfacere, Responſionem hanc elaborandam curauit, quam per eundem Alexandrinum Patriarcham eidem venerando patri ostendi voluit. Quæ ipse co-

gnita, ab edendi operis sui cupidine protinus destitit prudens volensque; atque illud intra domesticos parietes continendum putauit. Quod tamen cum apud suos notius factum fuisset: ex eo Constantinus ille Bellottus eiusdem ordinis monachus suam scriptionem confarcinasse cognoscitur, adeo ut perspicue appareat intuentibus, nihil fere amplius suo præstitisse laborem, quam ut illas multiplicaret, quas legisti, calumnias, & petitas a diuersis falsitates hinc inde congereret, quas oportuit palam fecisse, atque ut audisti, pariter confutasse. Quod vero idem Bellottus & Responsionem hanc a nobis elaboratam, per amicum acceptam, comperitam habuerit, & confutare totis viribus laborarit: ut intelligat Lector, quam vane, quam frigide & insulse, quam denique falso & calumniöse id conatus sit: necessarium duximus præter illa, quæ superius dicta sunt, eandem ipsam hic quoque, ut in Apologetico polliciti sumus, edere Responsionem. Cui ea præmittere, quæ in Annalibus Baronius habet; quibus scilicet inductus sit, ut S. Gregorium a Benedictino ordine dirimendum putarit, & qua in primis occasione ad hanc deueniret edisserendam quæstionem, opus esse existimauimus.

Cum enim tomo Annalium Septimo, anno Redemptoris quingentesimo octogesimoprimo, præfecturæ Urbanae sancti Gregorij ratione, qua eo anno perfunctus est, deuentum esset ad eius monachatum, quem ante ipse non potuit, quam eo vinculo solutus esset: eorū in primis discussionem habendam putauit, quæ in eo argumento de se ipso S. Gregorius scriberet, cui aduersari, summæ dementiæ videretur; cum iam triplex reperiretur eius assertio vnius eiusdemque sententiæ, ipsæ de ferme verbis expressæ, quibus ita habetur a Baronio recitata ex eiusdem Gregorij dialogorū libris: ^a Vita venerabilis Valentius, siue Valentio, qui post in hac Romana Vrbe mihi, sicut nosti, meoque monasterio præfuit, prius in Valeria prouincia suum monasterium rexit &c.] Hunc itaque, quem suum fuisse Abbatem, sibi, suoque monasterio præfectum tertio dicit, cum petrum constaret ex Valeria prouincia, ubi eadē muneris functione præfuerat monasterio, & eiusdem prouinciæ monasteriorū præcipuus omnium Abbas S. Equitius fuisse sciretur,

^a Greg. dial.
lib. 4. cap. 21.
supra lib. 1. c.
4. & lib. 3. c.
22.

^b Lib. 1. c. 4. ut idem ipse S. Gregorius testatur: ^b iure deducendum Baro-

nus existimauit, ex illo S. Equitij germine suum in Vrbe
monasterium a S. Gregorio institutum & propagatum; idq.
(vt audisti) ex ipsa eius assertione tertium repetita.

Cum insuper eo tempore, quo S. Gregorius profiteri coepit
vitam monasticam, nullum inueniretur superesse monasteriũ
Cassinese, iam diu ante a Longobardis excisum, ynde &
monachi Romam migrassent ad monasterium Lateranense;
cuius etiam Abbates cum sigillatim ab eodem S. Gregorio
recenserentur, nullum tamen eorum sibi, vel suo monasterio
proxime posito praeuisse scriberet: iure pariter in eam senten-
tiam idem Baronius induci potuit, vt assereret, distinctos fuisse
penitus monachos Congregationis S. Equitij a monachis
ordinis S. Benedicti; ipsum Gregoriũ vero illis nomen dedisse;

*a Dial lib. 2.
in princ.*

Ex quibus demum itidem merito redarguendum putauit
Ioanem diaconũ, qui alium a Valentione provincie Valeriae
monasterij Abbate fuisse primum S. Gregorij institutorem
narrat. hic cardo totius quaestionis, quam explicatam & elu-
cidatam, atque ab obiectionibus vendicatam in Annalibus
leges, vberius autem & locupletius in sequenti Responsione
tractatam. Cumq. aduersantes, quod viderent nullo modo
contradici posse ijs, quae de se ipso S. Gregorius pluries affir-
maret; illud in primis conati essent, si possent astruere,
monachos illos provinciae Valeriae eosdem fuisse cum mona-
chis ordinis S. Benedicti: hoc ipsum idem Baronius in Addi-
tamento ad Annales apposito, ad ista respondens, eiusdem
S. Gregorij assertione valide confutauit. hucusque, Lector,
de his, quae sunt in Annalibus pertractata.

Reliqua audies in hac, quae sequitur, Responsione ad mul-
tiplices obiectiones postea illatas elaborata. Illa vero prae-
cipuam, qua calumniose nimis idem Baronius patitur, dum no-
uitatis auctor ab ipsis asseritur, atque nouae sententiae inuictor
ab aduersarijs fugillatur, conuulsorq. antiquitatis vna eorum
omnium voce immani strepitu conclamatur; cum re vera hi-
hil vmquam apud eum antiquius fuerit, quam de veneran-
da antiquitate in primis bene mereri, eandemq. diu exulem
postliminio reuocare, obrutamq. mendacijs pristinae red-
dere veritati, vendicareq. in apertissimam lucem, quae Cym-
merijs offusa tenebris, tetro inclusa carcere delituisse inuisa

mortalibus. quo nomine iure ipsi plaudant cultores omnes
 eiusdem antiquitatis, laudibusq. immortalibus ornent; præ-
 dicent vero magis omnes studiosissimi veritatis, celebrentq.
 præconijs, cum eius studio eandem ipsam suo fulgore ni-
 tentem, tandem e densa caligine emergentem aspexerint;
 eidemq. ex animo bene precentur: et assurgant vero simul
 omnes ipsi Magnò Gregorio, cuius triplici elogio commu-
 nita, tanto prævio duce ipsa veritas læta atque secuta pro-
 cedat. quibus te iungendum fore, Lector, non dubitamus,
 si verus es cultor veritatis, atque studiosus custos antiquita-
 tis: ab ijs procul abhorrens, qui cum erroribus, quos semel
 imbiberint, consensescere, ac denique mori; animo obdura-
 to statuerint. Quibus solis certo scimus, ista Baronii, & qua
 nos in eius defensionem elaboramus, placere non posse;
 quos merito uti profanos à suo templo semper arceant
 ædifici Veritatis.



R. P. DOMNO. N.

MONACHO CONGREGATIONIS

CASSINENSIS

ANTONIUS GALLONIVS

Congregationis Oratorij Presbyter, S.



RVDENTER quidem abs te factum est, ut librum tuum de sancti Gregorij monachatu, antequam prælo subijceres, Romam mitteres ostendendum, illustrissimo ac Reuerendissimo Cardinali Baronio per tuos æque ac meos Illustrissimos dominos Caietanos. In cuius præfatione dum ais affectu sincero: Rogo, ut Illustrissimus Cardinalis Baronius, quæ ego semper in honore habui, benigne excipiat, perspectaq. rei veritate, religioni nostræ gloriâ, idest Gregorium S. R. E. Pontificem & Doctorem maximum, quem eripuit, ipse restituat. Id non nisi euicta causa, & errore conuictio, suadendum fuisset; immo nec opus erat: siquidem sponte id Baronius præstitisset, summaq. perfecisset alacritate. Ita enim comparatus est, ut cum veritatis vindicem agat & defensorum, quemcumque libenter audiat monitorem, summisq. gratiarum actionibus profectatur eum, per quem ipse proficiat, cum veritatem interdum lasam, labantemq. ipsam ita firmari contingat. Vidit ipse quæ scripsisti, quæ etiam antea relatione piorum subodoratus, ijs satisfactum putauit, si in Parergis ad Nonum Annalium tomum appositis quædam adderet, quibus asserta Septimo tomo sententia firmaretur, confutarenturq. simul omnia, quæ in contrarium obijci potuissent. Nec tuæ ista scriptio, permotus, ipsis aliquid addendum putauit, illud vulgatum vsurpans: Sapienti pauca bene conscius, viris doctis satis esse persuasa, quæ scripsit. Verum, ne eius silentium in deteriorem partem accipi posset, cum fieri sepe soleat, ut tacens tamquam veritate destitutus manus dedisse intelligatur: subij haud inuitus hanc ipse prouinciam, non ut assertam ab eo sententiam roborem (non enim quæ omni ex parte subsistit, nostro indiget fulcimento) sed ut, quæ tu multipliciter frustra obijcis, quam inanissima esse, demonstrem.

In cuius disputationis ingressu illud in primis persuadeas tibi velim, procul abesse debere a pio Sanctorum cultu mendacium: cum haud minor sit reputanda blasphemia, aliquid illis detrahere ex his, quæ habent, quam tribuere, quæ non habent. Etenim falsa laudatio irrisio est reputanda, non cultus; nec Deo placet oblatio, quam veritas non comitatur. Hinc illud mystice designatum, quod species omnes aromatum, quibus

a *Exod. 30.* quibus sacrum thymiama conficiendum erat, ^a pondere Sanquarij prius expendi oportebat; vt his symbolicis signis ostenderetur, nullam, quantumvis religiosa videatur esse laudatio, quoquo modo pietatis intuitu comprobendam, quam prius sacra veritatis statera non ponderet. Sancta sancte colenda, nos docuere maiores; nec in his priuato vllatenus indulgendum affectui, sed cedendum in omnibus veritati. Absit igitur, vt quia S. Gregorius peculiarem nos patronum habemus, & sub eius titulo militamus, atque stipendijs viuimus, ipsi plus, quam decet, aliquid tribuamus, vel S. Benedictum non bene dicta laude colamus. sed ad quæstionē.

Rem agis hanc vnam integro libro tuo, Sectionibus decem & septem distincto, vt assertam a Baronio sententiam in Annalibus, de sancti Gregorij monachatu sub sancti Equitij professoribus; non autem sub sancti Benedicti discipulis, multipliciter impugnare possis. Mei vero hæc est ratio instituti, non vt cuncta in illis errata redarguam (parum amici id esset animi, remq. odio magis agentis, quam Christiana charitate, veritatis amore, tractantis) sed illa tantum conuellam, quæ a te allata, ad hanc, de qua agimus, causam spectare noscuntur; idq. quam breuissime potero, memor in primis monentis Apostoli: Omnia ^b vestra in charitate fiant.]

Habes autem in prima tua Sectione ista: In Ecclesia pro certo semper est habitum, traditumq. omnium consensu, sanctum Gregorium Benedictinum monachum extitisse.] secunda vero Sectione adijcis ista: Verum tempestate hac nostra Illustrissimus Cardinalis Cæsar Baronius nouam in suis Annalibus inuexit opinionem de monastica sancti Gregorij professione: monachum illum quidem fuisse non negat, nequaquam tamen sancti Benedicti patris nostri, sed sancti Equitij disciplina, præceptisq. informatum, &c.]

Miror valde quod in his astruendis Ecclesiæ in primis traditionis vendicas tibi nomen. quid traditio, nisi quod ab omnibus vbique & semper factum liquet? quid in huiusmodi ab omnibus vbique & semper traditum ostendere poteris, vt non prorsus inane nomen traditionis vsurpasse intelligaris? quid nouitatem impingis ei, qui ex ipsis Gregorianis purissimis fontibus totum deducit quod asserit? Quid hoc antiquius excogitari potest? Quidve fortius atque solidius? Hac enim ex parte tibi laudandus plurimum fuisset ipse Baronius, utpote quod sit imitatus illum, qui commendatur sententia Domini, ^c Scribam doctum, qui profert de thesauro suo noua & vetera: Deus qui iustificat, quis est qui condemnet? Habet nouitas illa crimen, vel criminis suspicionem non vitat, quæ a nulla deducitur antiquitate. Laudanda vero & amplectenda, fouenda atque arctius retinenda, si a vetustatis fonte deriuata intelligatur, quæ non nouitas adinueta, sed antiquitas relictuta sit potius appellanda. Proscribenda igitur Ioannis diaconi primi vestræ sententiæ auctoris assertio, quæ nullas habeat ab antiquitate traduces: retinenda Baronij, in quâ copiose originarij fontes influant antiquitatis.

Stat eodem auctore Gregorio, dispar & distincta sancti Benedicti successorum

cessorum Abbatum series ab ea, qua recensetur prædecessorum Abbatū sancti Gregorij ipsius verbis deducta successio, diuersis prorsus discreta limicibus, diuersitate nominum, locorum, & personarum, ab ipso Baronio Septimo ^a Annalium tomo recensita. stat pariter stabilitum firmiter ab ipso in Appendice ad Nonum ^b tomum, tam Equitium, quam successores eius Abbates ita distinctos a monachis Benedictinis fuisse, vt nulla ratione sub iisdem censi valeant. stat insuper ^c triplici assertionem ipsiusmet sancti Gregorij demonstratum, & absque controuersia definitum, ipsum non sub aliquo successorum sancti Benedicti Abbatum, sed sub Valencio (siue Valentionem, aut Valentinum dicere malis) monasticam vitam esse professum. Hunc siquidem vnum, nec præter hunc aliū vllum Abbatem suum nominat, de quo & vltimo dialogorum libro sic loquitur: ^d Vitæ namque venerabilis Valentius, qui post in hac Romana Vrbe mihi, sicut nōsti, meo quoque monasterio præfuit, prius in Valeria provincia suum monasterium rexit.] monachos vero provincie Valerij S. Equitij fuisse propaginem, eiusdem sancti Gregorij attestatione idē Baronius docuit. Sunt istæ quidem Baronij, immo ipsius S. Gregorij assertiones, hæc iacta antiquissima fundamenta, quibus nihil possit hac in re antiquius inueniri. quæ tu vide quomodo nomines nouitatem, cum ex antiquis per decursa trium sæculorum curricula vsque ad Ioannem diaconum primum nouatorem nemo repertus sit, qui adeo bene locata fundamenta reuellere auderet, vel minimum quid mutire aduersus adeo canam venerandamq. antiquitatem, non Isidorus, non Ildephonfus, vel Beda, Paulusve diaconus, qui res gestas S. Gregorij ante Ioannem diaconum conscribere: quos vestros fuisse monachos, cum dicatis, haud dubium quin omnes id summo certe præconio promulgassent quod dicitis, si veraciter asserere potuissent. Fuit vnus & primus Ioannes diaconus, qui ita ab antiquitate resiliit.

Sed videamus an tu aliquid ingeras, quo loquentem Gregorium arguas, & silentes tot Patres negligetiz homine merito reprehendas. persequar tua vestigia, quæ Sectionibus singulis fixa relinquis. Confutata igitur in prima, & secunda Sectione de nouitate calumnia, conuertimus stylum ad tertiam Sectionem, qua conatis alterum de duobus efficere, vt nimirum vel redigas sanctum Equitium cum successoribus suis sub Regulam sancti Benedicti, atque hac saltem via ipsum Gregorium etiam eiusdem Regulæ professorem constituas; vel si hoc non possis consequi, eo te cōuertas, vt veluti iurato quodammodo bello, omnia ipsius Equitij destruas monasteria, quo eius intercepta successione, Gregorium sic cogas sub Benedicto monachatu profiteri. Vt primū illud obtineas, probare studes, sanctum Benedictum antiquiorem fuisse sancto Equitio, vt ex hoc inducas, Equitium Benedicti fuisse propaginem: atq. S. Benedictum anno salutis quadringentesimo nonagesimoquarto petijisse loca deserta; inde ex Sublacensi monasterio petijisse Cassinum, anno quingentesimo vigesimotertio: vixisse vero sanctum Benedictum vsque ad annum Redemptoris quingentesimum quadagesimumsecundum vel tertium.

^a Annal. to.^{7.} an. Dom.^{581.} prop. fin.^b in fin. pag.^{882.} edit. Ro.^c Greg. dial.^{lib. 1. c. 4. lib.}^{3 c. 22. lib. 4.}^{621.}^d 1d. dial. lib.^{4. c. 21.}^e 1d. dial. lib.^{1 c. 4.}

tium. Aetate igitur sancti Benedicti sic definita, ad Equitium te conuertens, ipsum dicis post sanctum Benedictum claruisse, atque ipsius pene Gregorij Papæ tempora attigisse, idq. probare niteris in primis auctoritate domestici testis adhuc viuentis Arnoldi Belgæ, monachi Cassinatis, tibi (vt profiteris) amicitia coniunctissimi. Ita quidem testium laborans inopia, rem antiquissimam recentissimo teste, quod alium non inuenias, probare nifus; taliq. teste te; quod dicendum erit inferius, causa cadere sentiens, totus nutabundus, male securus, eodemum te conuertis, vt ex scriptis sancti Gregorij quocumque modo id coneris elicere hoc genere argumenti:

a Greg. dial.
lib. 1. c. 4. in
fine.

Cum testetur, inquis, sanctus Gregorius, * de Equitio scribens, eam se accepisse a Fortunato Abbate, qui eidem Equitio fuerat familiaritate coniunctus: consequitur, quod sanctus Equitius fuerit sancto Gregorio proximus.] sed non plane sequitur, quod sancto Benedicto fuerit ætate posterior. Siquidem potuit sanctus Equitius ante sanctum Benedictum esse natus, anteq. ipsum collegisse monachos; & post sanctum Benedictum, quem dicis annos natum sexagintaquinque mortuum esse, superstes adhuc plures vixisse annos, atque ad ætatem decrepitam peruenisse, vt sic post sanctum Benedictum viuens decesserit tamen senior ipso. Sicut accidisse scimus Cassiodoro, qui, antequam discessisset ab Vrbe S. Benedictus puer, ipse gerebat sub Theodorico amplissimos magistratus, & post obitum eiusdem sancti Benedicti annis decem & octo superstes erat, anno Redemptoris quingentesimo sexagesimo secundo, agens annum suæ ætatis nonagesimum tertium, vt ex eiusdem ipsius scriptis Baronius facile colligit in * Annalibus. Vide quā leuis illa argumentatio cedat. sed leuior alia quam subijcis, dum probare itidem nifus, sanctum Benedictum sancto Equitio antiquiorem, in hunc modum argumentaris: Quæ scripsit de sancto Benedicto Gregorius, fatetur se accepisse a quatuor sancti Benedicti discipulis, eisdemq. in præfectura monasterij successoribus, siue Cassini, siue Romæ, siue Sublaci vt Honorato. Ex quo possumus, inquis, iure inferre, Benedictum egregium monachorum legislatorem sancto Equitio fuisse ætate superiorē,] eo quod, quæ de sancto Equitio Gregorius scripsit, ab vno tantum Fortunato Abbate Equitij familiari se accepisse testetur. Hæc tu cum dicis, iam non ex ætate, sed ex maiore numero testium sanctum Benedictum Equitio antiquiorem ostendis. At cum quatuor illi omnes æque sancti Benedicti fuisse discipuli asserantur, ac simul æquales, licet sibi inuicem successisse dicantur Abbates, nihilo magis, quam vnus, sicut nec vnus minus quam centum, adijcere vel detrachere possunt eius ætati, quo illum vel seniore, vel iuniore ostendant; cum præsertim tua quoque sententia certus sit annus, quo sanctus Benedictus obierit, nempe (vt astruisti) Redemptoris quingentesimus quadragesimus secundus vel tertius: vt vsque ad tempus, quo scribebat illa Gregorius, anno scilicet quarto (vt ipse testatur) sui Pontificatus, qui est annus Domini quingentesimus nonagesimustertius, quinquaginta anni numerantur ab obitu, inquam,

sancti

b Annal. rom.
7. ann. 556.
c. 562.

sancti Benedicti, vsque ad eam dialogorum scriptionem, per quos quatuor Abbates illi, omnes æque discipuli & filij eiusdem Patris, post eius transitum ipsi successisse dicantur, omnes æque testes rerum gestarum sancti Benedicti: a quibus Gregorius accepit, quæ de ipso sancto Patre conscripsit. sed quid porro ex his inferas, tuis verbis audiamus: sic enim scribis: Sanctus Equitius igitur ex his, quæ dicta sunt, cognoscitur quod non nisi ætatem hominis vnus Gregorium antecessit: contra sanctus Benedictus ætates fere duorum vel trium hominum præcessit Gregorium.] Quid ergo? si asseris S. Benedictum diē obiisse anno quingentesimo quadragesimo secundo vel tertio, Gregorium vero (quod & tu fateris) anno quarto Pontificatus scripsisse dialogos, qui est annus Domini quingentesimus nonagesimustertius, quonam pacto inferas, duas vel tres hominum ætates sanctum Benedictum antecessisse Gregorio? quanam, quæso annorum periodo vnus hominis claudis ætatem? num annorum spatio viginti quinque, vel etiam minori, cum inferius quoque asseueres, tribus hominum ætatibus sanctum Gregorium S. Benedicto fuisse posteriorem? numerum ita deducens: Gordianus proauus sancti Gregorij vixit temporibus sancti Benedicti, eiq. multa donauit: cui successit Gregorius auus, quem secutus est Gordianus minor pater S. Gregorij. Sed de auo & proauo sancti Gregorij quam sint commenticia quæ asfers, inferius dicturi sumus; cum tamen etsi vera essent, tibi non prosint, dum spacio sexaginta annorum proau, aui, & patris claudis omnia simul tempora vsque ad Gregorium Papam.

Ad postremum autē ex deductis abs te hanc stringis conclusionem: Si Benedictus est Equitio antiquior, non potuit iste, eremum illo petente, monachos congregasse. Sic ipse concludēs, nihil prorsus stringis. Etenim non dicit, quod tu ais, S. Gregorius, Equitium congregasse monachos, sed multorum monasteriorum extitisse patrem. adeo vt minime sint inter se pugnantia dicere, S. Benedictum ante S. Equitium eremum petijisse, & Equitium ante sanctum Benedictum multorum simul monasteriorum ab alijs erectorum Abbatem electum. Accidere enim interdum potest; vt iunior eligatur Abbas, prætermisiss monachis ætate grandæuis. at quid frustra laboras vt demonstres, sanctum Benedictum antiquiorem esse Equitio? Concedamus, miserationis ergo, quod probare non potes, eo quod nec verum sit; demusq. Equitium Benedicto ætate posteriorem, quid inde lucraberis, vt asseras, quod conaris, sanctum Gregorium fuisse monachum ex Regula sancti Benedicti & non Equitij? nihil penitus. non enim ex eo, quod Equitius fuerit ætate iunior Benedicto, huius illum Regulæ mox constitues professorem. Nam (vt dicetur inferius) diuersorum ordinum erant eo tempore monachi, diuersisq. Regulis instituti: inter quos Equitius, successoresq. ipsius Abbates magnæ famæ existimatione florebant.

Ceterum de tempore, quo sanctus vixit Equitius, Arnoldo tuo in obscuro laboranti, ex Cassiodoro comparata lucerna libenter occurrimus, eademq. ex Annalium* promptuario deprompta, vbi agitur de

* *Annal. 10.
6. ann. Domi*

104.

*a Greg. dial.
lib. 1. c. 4.*

Valentino Episcopo Amiterni sub Theodorico Italix Rege, sub quo etiā claruisse reperitur Equitius. nam audi, dum sanctus Gregorius de sancto Equitio scribit, de Basilio mago hæc habet: * Hic in magicis operibus primus fuit, in monachico habitu ab Vrbe fugiens Valerium petijt.] & inferius ipsum ab Equitio prophetico spiritu probe cognitum, expulsūq. e monasterio fuisse subdit. ex hoc ergo Basilio tempus, quo vixit sanctus Equitius, facile poterimus intelligere. Quis enim fuerit ille Basilius, ex duabus Cassiodori epistolis satis reperitur expressum: In epistola quidem Theodorici Regis nomine ad Argolicum Præfectum

*b Cassiodor.
Var. lib. 4. ep.
22.*

Vrbis conscripta Cassiodorus hæc habet: b Magnitudinis tuæ relatione comperimus, Basilium atque Prætextatum artis sinistra iamdiu contagione pollutos in accusationem tui examinis personarum intentione deductos. Super qua re te asseris nostram expectare sententiam, vt confidentius fiat, quod pietatis nostræ mandat auctoritas &c.] Subijcit autē inferius a se constitui Quinqueuirale Senatorum Patriciorum iudiciū, a quo maximi ponderis causa ipsorum magorū tractetur. Alia vero * epistola hanc sequente scribit idem Cassiodorus nomine eiusdē Theodorici Regis ad Arigerum Comitem, vt eosdē magos iudicio Quinqueuirali conuictos, sed fuga lapsos inquirat. in qua epistola hæc inter alia: Præfectus Vrbis sua nobis relatione declarauit, Basilium atque Prætextatum magicis artibus inuolutos impeti accusatione multorum; quos elapsos insinuat mentis alienatione custodum. Eos te præcipimus vbicumque repertos ad iudicium Quinqueuirale ducere &c.]

*c 1 d. Var. lib.
4. ep. 23.*

Sic igitur ex nomine, loco, crimine, & in crimine excellentia persone delinquentis, atque fuga, quinque notis hisce amplissimis eundē esse Basilium, de quo Gregorius in dialogis, & Cassiodorus in epistolis scribit, nemo iure poterit dubitare: nimirū quod ambo Basilium nominent, Romæq. deliquisse consentiant, magicis intendente artibus tradant, & inter magos eidem principem locum tribuant; quodq. captum cum alijs magis, atque fuga pariter lapsum asseuerent. Ex quibus probe inferri possit, S. Equitium tunc claruisse, monasteriorum in Valeria iam Abbatem, agentem, cum Theodorico Rege Italix Romæ regnante, Argolicus, ad quem datæ extant litteræ, præfecturam Vrbis administraret. Quod certum tempus, Dei beneficio, qui voluit adeo antiqua monumenta illibata conseruari, in promptu est demonstrare. Siquidem ex eiusdē Theodorici Regis d epistola reddimur certos, Argolicum creatum ab eodem Rege Vrbis Præfectum per Indictionem quartam; per tertiam vero Indictionem ante ipsum creatum Præfectum Vrbis Artemidorū, * idem Cassiodorus habet. erat præfectura annuus magistratus. Porro ex certa Indictione notata annus pariter Redemptoris, quo famosum illud magorum iudicium Romæ contigerit, tota luce redditur exploratus.

*d Cass. Var.
lib. 2. ep. 11.*

*e 1 d. lib. 1. ep.
42. 43.*

Sed quoto Redemptoris anno, quarta Indictio sub Rege Theodorico primum inciderit, hoc videndum. Marcellinus Comes suorum temporum res gestas scribens, iungenq. Consulatus Indictiones, sub Consulatu Pauli solius quartam numerat Indictionem: est is annus Theodori-

ci quartus, Christi autem quadringentesimus nonagesimus sextus, quo tempore ex tua sententia sanctus Benedictus annum secundum agebat in specu, nondum alicui præterquam Romano monacho cognitus, ut sanctus Gregorius tradit, * qui triennium eius commorationis in specu ponit (ut ex eodem Gregorio audisti) cum iam Equitius non solum multorum pater esset monachorum, sed etiam monasteriorum Abbas. *a Greg. dial. lib. 2. c. 1.*

At ne te cauillis inuoluam, sed sine fuco & fallacijs sincere in omnibus agam, nullo modo ista referri volumus ad quartum annu superioris Indictionis, sed sequentis; affirmamusque. (quod sic suadeat Cassiodori series epistolarum) ad insequentem Indictionum periodum sub eodem Theodorico Rege præfecturam Vrbani Argolici reuerendam. contigisse autem tunc dictam quartam Indictionem sub Consulatu Secundini atque Felicis, idem Marcellinus affirmat. est is annus Redemptoris quingentesimus undecimus, quo tempore sanctus Benedictus (ut ex eodem S. Gregorio apparet) monachos colligere incipiebat, cum iam sanctus Equitius (ut dictum est) multorum esset monasteriorum pater: sicque etiam sancto Benedicto antiquiorem Equitium in monasticis institutis iure possumus affirmare. quantum autem temporis Equitius vixerit, ignoratur. Ceterum longam vixisse ætatem inde possumus intelligere, quod Fortunatus Abbas, qui de illo retulit sancto Gregorio cuncta quæ scripsit, fuerat ipsi Equitio familiaritate coniunctus, cum tamen esset idem, quando ista sancto Gregorio enarrabat, iam ætate grandævus. nam de ipso sic aliquando Gregorius: *b* Crebro ad me nunc usque veniens, dum facta mihi veterum narrat, noua refectione me fatiat.] & superius: *c* Etiam quæ subiungo, prædicti venerabilis viri Fortunati, qui valde mihi ætate, opere, & simplicitate placet, narratione cognoui.] Ex his igitur vide, quam frustra labores, ut sub S. Benedicto S. Equitium statuas, eiusque discipulos eidem sancto Benedicto coniungas, atque cum eis sanctum quoque Gregorium alliges. nam quo tempore incipiebat iste, iam consummauerat ille.

Sed ad quartam tuam Sectionem transeamus, si quid fortasse abs te fortius dictum inuenire poterimus. Qui igitur sanctum Equitium cum suis monachis sub S. Benedicti Regulam redigere tertia Sectione (ut vidimus) laborasti; hac Sectione quarta id eniteris, ut stylo tuo, quasi potenti ariete omnia simul evertas ac destruas solo tenus sancti Equitij monasteria. at quomodo istud, Lector, attende. Dum enim interpretem agit verborum sancti Gregorii, quibus dixerat *d*, Equitium pro sua magnitudine sanctitatis multorum in ea provincia monasteriorum patrem extitisse, sic ratiocinatur: Cum vero, inquit, ut re ipsa constat, ad hodiernam usque diem neque ope scriptorum, neque hominum memoria ac conditione, præter locum, in quo celebris est sancti Equitij recordatio, vlla reperiantur monasteriorum, eiusque viuendi Regulæ vestigia: facile crediderim, vitam egisse Equitium cum suis discipulis anachoreticam. Illud coniecturam nostram inuat, quod monasterium iuxta nominis etymologiam vnius etiam monachi habitationem significare potest. *d Ibidem.*

enim Græce, Latine vnus, vel singularis, unde monachus *vnus qv*

quod est in solitudine, & quasi singularem vivere. Monasterium itaque, quod Græce *μοναστήριον*, Latine solitudo, est vnius monachi singularis habitatio. Idemq. confirmat vulgata illa quorundam antiquorum etymologia, quæ monasterium deducit a mona, quod est vnus, & sterium, quod est statio, ac si dicatur, solitarij habitatio.] & paulo post: Multorū ergo monasteriorum pater in prouincia Valeria erat Equitius, id est multorum monachorū singulariter viuientium in singulis cellis, quarum vna ab alia haud multum distaret.] hæc ipse. Ex quibus verum esse, Lector, intelligis, quod diximus, ipsum stylo suo, velut ariete omnia S. Equitij monasteria conatum euertere, atque singula in singulas cellas redigere.

At vnde eiusmodi verborum sancti Gregorij interpretatio deducenda? quæ etsi aliquando ab aliquo vsurpata fuisset (quod nemo vnquam inueniret) ad ipsum tamen sanctum Gregorium, cuius ea sunt verba, oculorum acies conuertenda esset, si vnquam forte eam vocem tali sensu accipere consueuisset, vt suorum verborum ipse auctor esset interpretes. sed certe quidem nusquam a sancto Gregorio in hunc sensum vsurpata poterit inueniri. At frustra & illud ais, tot monasteriorum abolitam esse memoriam: quasi nouum id videri possit, cum barbarorum adeo frequentes in Italiam eruptiones fuerint, vt admirationi potius esse debeat, quod vel vnius monasterij integra memoria manserit post tanta & toties repetita naufragia totius Italix, & maximarum quoque ciuitatum excidia.

His subijs immenfas laudes sanctissimi Benedicti; qui licet numquā satis laudari possit, tamen quæ ipsi conuenire nō possunt, procul abest, vt ipse recipiat, quin potius excretur, vt oblatum sacrificiū de rapina. sunt hæc verba tua: Quod vero Benedictus monastici ordinis auctor nō Italicæ modo, sed totius Christianæ Reipublicæ bono natus erat &c.] & inferius: Summi itaque & sanctissimi Pontifices illum prædicauerunt monachorum præceptorem almificum, monachorum omnium patrem, monasticæ legis latorem, & operatorem, & sacræ religionis monachalis venerandum auctorem.] hæc tu cū affers, nimis effers: indigent encomia fræno, ne nimia laudandi cupidine atroxantur veris etiā mendacia, vt visus mihi es modo fecisse, dum diceres, S. Benedictū monastici ordinis auctorem; dicere potius debuisses, Benedictini ordinis, seu Benedictinæ religionis auctorem. Nam quomodo verū esse potest, ipsum simpliciter dici monasticæ religionis auctorem, cum negare non possis, antequam vel ipse nasceretur, non Orientalem tantum Ecclesiam, sed Occidentalem etiam monachis diuerforum ordinum abundasse? Et vt dicere de reliquis prouincijs omittamus, quis ex Aegypto primum in Urbem inuexerit germina monasticæ vitis, sanctus Hieronymus te docebit: fuisse nimirum magnum Athanasium, & Petrum, vtrumque Patriarcham Alexandrinū, & quantum eadem secunda germina fuerint propagata, extenderintq. vsque ad mare propagines suas, eundem audi; dum S. Fabiolæ effusas eleemosynas prædicat: Quod monasterium, inquit, non illius opibus est sustentatum? & paulo post: Peragrabat ergo insulas, & totum

Hetrus-

a Hieron. ep.
60.

b Id. ep. 30.

Metruſcum mare, Voſſeſorumq. prouinciam, & reconditos curuorum litorum ſinus, in quibus monachorum conſiſtunt chori, vel proprio corpore, vel tranſmiſſa per varios Sanctos & Fideles munificentia circumibat.] hęc ex Aegypto germina monachorum, cum alia ex Cappadocia, ſancto Baſilio auctore, longe ante ſanctum Benedictum, non Italiam ſolum, ſed vniuerſam Occidentalem Eccleſiam impleuerint, vſque ad diuiſos etiam toto orbe Britannos. Vides quam patens mendacium ſit, aſſerere monaſtica religionis ſanctiſſimum Benedictum auctorem? vt aduerſus iſta adeo toto caelo patentia nullus teſtis poſſit admitti.

Sed proſequamur reliqua, quibus argumentum mutans, exagitas iterum ſanctum Equitium, cumq. ſuis rurſum niteris priuare monaſterijs, aſſerens multa illa eius monaſteria, quibus præſuiſſe ipſum Abbatem ſanctus Gregorius^a tradit, non alia fuiſſe, quam illa duodecim a ſancto Benedicto apud Sublacum erecta. His vna ſatis ſuperq. poſſit eſſe reſponſio; nimirum auctoritate ipſius ſancti Gregorij luce clarius deſemonſtrari, fuiſſe omnino diuerſa, cum dicat, a ſancto Benedicto^b ſingulis monaſterijs ſingulos monachos fuiſſe præfectos: at de ſancto Equitio verba faciens, ipſum vnum multis fuiſſe præpoſitum monaſterijs Abbatem affirmat, nec ipſum fuiſſe ſub aliquo conſtitutum: vt plane oſtendat luce clariffima, diſtinctas ab inuicem fuiſſe collectiones monachorum Equitij & Benedicti; Equitij vero (vt eſt demonſtratum) antiquiorem, declarat hoc ipſum & locorum diuerſitas. Nam eodem teſte, ſancto Gregorio, duodecim illa ſancti Benedicti monaſteria circumquaque (vt^c ait) conſtructa erant; hęc autem Equitij apud Amiternum fuiſſe cum idem ſanctus Gregorius docet, tum vetera, quæ nunc eodem in loco extant monimenta, quæ & tu ipſe non negas, oſtendunt.

Rurſum vero de duodecim illis monaſterijs Sublacenſibus ex eodem S. Gregorio, qui ipſorum primus meminit, illud conſiderandum, non ipſum dicere, ſingulis ipſis monaſterijs ſingulos fuiſſe præfectos Abbates, quod ſcilicet locorum tenuitas, & paucitas monachorum in ipſis de gentium id minime ferret, ſed ſimpliciter monachos dixit, quos inferius nominat Præpoſitos, cum de eius inde diſceſſione agens, hęc ait: Inuidiæ locum dedit, atque Oratoria, & cuncta, quæ conſtruxerat, ſubſtitutis Præpoſitis, adiunctis Fratribus, ordinauit, &c.] Porro Præpoſitos minores Abbatibus fuiſſe, vt qui eiſdem ſubiecti eſſent, idem Gregorius ſæpe docet, & S. Benedictus in Regula, quam poſtea ſcripſit, ſignificauit. Hinc etiam eſt, quod Sublacenſe ipſum monaſterium ab eodem S. Gregorio non Abbatia nominatur, ſed Cella, vt quæ Abbatiz ſubiecta eſſe ſoleret. Nam de Honorato agens Sublacenſis monaſterij præfecto, hęc ait: Honorato etiam, qui nunc adhuc Cella eius, in qua S. Benedictus videlicet conuerſatus fuerat, præeſt.] hęc Gregorius. Quibus intelligas, nondum adhuc tempore S. Gregorij illa omnia monaſteria Sublacenſia eiſmodi fuiſſe, vt illis Abbates præfici poſſent, ſed Præpoſiti tantum, minores Abbatibus. Cum igitur S. Equitius non Præpoſitus, ſed Abbas in prouincia Valeria multa monaſteria, non

Cellam

^a Greg. dial. lib. 1. c. 2.

^b Id. dial. lib. 1. c. 3.

^c Id. ibid. c. 4.

^d Id. dial. lib. 1. c. 3.

^e Id. lib. 2. dial. in præf.

Cellam rexisse dicatur: plane conuincitur ex hoc etiam, ipsum esse non potuisse vni ex illis Sublacenſibus cellis præfectum, quod tu affirmare frustra laboras. Etenim cum idem S. Equitius a S. Gregorio pater multorum monasteriorum fuiſſe aſſeratur, ipsum fuiſſe Abbatem, eſt neceſſarium affirmare.

a Paul. dia. de geſt Long. lib. 2. c. 20. Quod vero ſubijcis etiã Sublacum oppidũ fuiſſe in Valeria prouincia poſitum: Paulum diaconũ veſtrum monachum Caſſinatem legiſſe oportuerat, qui ſecundum eius temporis vſum vniuerſam Italiam diuidens in prouincias quindecim, cum de Valeria agit, hæc habet. * Tertiadecima prouincia Valeria, cui eſt Nurſia annexa, inter Vmbriam, & Picenum, & Campaniam conſiſtit.] ſubdenſq. fines eius ab Occidente, vbi & ipſa Valeria via ducit principium: Habet, inquit, vrbes Tiburim, Carſeolim, Reate, Furconium, & Amiternum, regionemq. Marſorum, & eorum lacum, qui Fucinus appellatur.] ſicq. Sublacus ab ipſo ferme exordio Valeriæ viz extra ipſam a dextris relinquitur, poſita in ea parte, quæ ſecundum eiſdem recentioreſem deſcriptionem Campania appellatur, ſub qua etiam cenſetur hodie. Remaneant igitur ſua ſancto Equitio monaſteria, & ab eis diſtincta ſancto Benedicto ſua, quem tu inuitum cogis, *b* vt perdicem, qua fouere non ſua.

b Jerem. 17

a Greg. dial. lib. 1. c. 3.

Sed ad quintam Sectionem tuã veniamus, qua hoc tu aſtruis paradoxum, vt dicās, ante ſanctum Benedictum in Italia monachos vixiſſe Regularum expertes. quod primum hac probare niteris ratione: Si qui, inquis, eo ſæculo in Italia (de hac enim loquimur) certis ſcriptiſq. legibus militaſſent, huius rei veſtigium aliquod ſuperfuiſſet.] at hoc ipſum inferius facile conſutabitur. Deinde probas exemplo, * ſanctum Gregorium teſtem adducens, qui de ſancto Honorato, patre ducentorum monachorum aſſermet, ipſum a Deo edoctrum, nullo vſum eſſe magiſtro. At non addit ſanctus Gregorius, ipſum ſuos ducentos monachos abſque Regulis, ſolo viz exemplo inſtituiſſe, qui tota illa diſſeptione cum Petro diacono hoc agit vnum, vt oſtendat interdum accidere, vt aliquis abſque magiſtro inſtituatur a Deo, quod tamen in exemplum non eſſe trahendum aſſermet. Honorato iſtud accidiſſe, vt eum ruri ſemper vitam egerit, adſcripticij coloni filius, abſque magiſtro a Deo bene fuerit inſtitutus: quod ipſum ſanctus Gregorius de ſancto Benedicto pariter docet, a Deo ſcilicet doctũ atque pariter inſtitutum. Sed tamen Abbas præfectus eſt monachis, ipſum eos ad omnes numeros viz regularis reuocaſſe, antequam ipſe Regulas ſuas ſcripſiſſet, teſtatur idem Gregorius, dum de illis agit qui ipſo exordio eius ſe gubernationi commiſſere: *d* Cum in eodem, inquit, monaſterio regularis vite cuſtodiam teneret, &c.] Quid enim per regularem vitam intelligit, niſi ex Regularum præſcripto vitam bene compoſitam? Sed idem ipſe ſanctus Gregorius ibidem de Romano quoque monacho ait, eum ſub Regula Theodati Abbatis vixiſſe. Sic igitur, qui regulariter ſuos gubernabat ſanctus Benedictus, antequam ſuas ſcriberet, alienis Regulis iam antea promulgatis vt eos inſtituerit neceſſe eſt. quas cum tibi inco-

d 14 lib. 2. c. 3.

gnitas dicis, nec earum inueniri vestigium existimes, negas (quam prudenter, tu videris) vllas vnuquam fuisse. Verum non cernis antiquarum Regularum vestigia in ipso, de quo agitur, sancto Benedicto satis expressa, dum regulari disciplina (vt testatur in loco citato sanctus Gregorius) illos gubernaret monachos, qui cum sibi constituisent Abbatem. At quznam illarum Regularum fuerint, cum suas nondum ipse scripsisset, tibi querendum erat, & non negandum quod essent. sed & quznam earum fuerint, ab ipso sancto Benedicto intelligere potuisses. Nam qui recens suas condidit Regulas, noluit antiquas abolicas, sed ob oculos suorum discipulorum semper voluit ipsas versari. Etenim de his ita cauit sua Regula numero septuagesimatertia: Collationes Patrum, & instituta, & vitæ illorum, & Regulae sancti Patris nostri Basilij quid aliud sunt, nisi bene viuientium & obedientium monachorum exempla, & instrumenta virtutum? Hæc ipse vere sanctissimus, sicut & gratissimus, dum, per quem profecerit, non occultans, sanctum patrem nostrum, Basilium nominat, vt ostendat, quemnam in suis instituendis monachis fuerat magistrum secutus, & quibus, antequam Regulas suas scriberet, ipse vixerit, & suos monachos erudierit.

At nō ita tu, Frater, qui vbi de Regulis S. Basilij a Rufino Latinitati donatis, quas adeo S. Benedictus commēdat, agis, hanc perperā abs te confictam interpretationē apponis: Verū hæc, inquis, nullum nobis facessunt negotium: Rufinus enim Basilij Regulam Latine reddidit, nequaquam ad instituendos Occidentis ordines, vitamq. monasticam excolendam; sed vt spirituale opus, quod ad cuiusque spiritus profectum maxime conducere-]t, hæc ipse. Qui eadem dicturus eras de Regula sancti Pachomij diuinitus accepta, quam S. Hieronymus æque in Latinum sermonem trātulit. Tu vero neutram vis apud Occidentales in vsum acceptam, vt frustra hac in re primas deferas Benedicto, qui malis tot monasteria totius Occidentalis orbis sine Regulis vixisse, quam ante Benedictum Regulas ab aliquo accepisse. At quis (rogo te) tam amens inueniri poterit, qui collecturus monachos, & monasterium erecturus, non prius cogitarit, quibus illi essent Regulis instituendi, & sub quo ordinis titulo cœnobium statuendū? cū præsertim diuersi generis extarent in Italiā aliatq. Regulae magni nominis virorū, nempe Basilij, atque Pachomij, Cassiani, Eugipijque. Et tibi placet sine scriptis Regulis tot agmina monachorum vixisse, antequā suas ederet Benedictus? amētibz ista suade. Nos autem libere affirmamus, non sine Regulis scriptis tot monasteria in Occidentali Ecclesiā militasse: immo non hoc tantum dicimus, sed & amplius affirmamus, eundem ipsum sanctum Benedictum primum quidem alienis Regulis, nempe sancti Basilij (cum eum communem patrem appellat) se, suosq. monachos instituisse: cum tamen non negemus, eas illum ipso vsu ad suum institutum paulatim accommodasse, & experientia conuertisse, non tamen, illis reiectis, suas scriptas Regulas obseruandas promulgasse.

• Istā vt demonstremus, primum de tempore, quo vir sanctus suas Regulas

gulas scripsit, dicendum erit. Communioni vestrorum sententia (vt tu etiam asseris) receptum est, non, antequam Cassinum peteret, id egisse. Modo rogo te, quibus Regulis duodecim a se constructa monasteria sub præfatis totidem rexit, vel regenda reliquit? vel quibus Cassinensem Collectionem moderatus est, prius quam Regulas scriberet? Plane non alias, quam sancti Basilij delegisse seruandas, eius conuicti testimonio, fateri debemus, dum sanctum Basilium suum suorumq. communem patrem appellat.

Sed non solum sub monachatus sui primordia, atque media, sed ad postrema vsque ipsa, & obitum, sanctum Benedictum iisdem Regulis suos monachos informasse, vestrorum patrum assertionibus (quod absque eorum testificatione dicere non auli essemus) cogimur profiteri. Si quidem Petrus diaconus Cassinensis, magnæ apud omnes auctoritatis vir, utpote qui Chartularius, & Bibliothecarius cœnobij Cassinensis cum esset, quæcumque extabant antiquitatis monimenta, ex penetralibus vendicauit in lucem, dum pertexit catalogum virorum illustrium eiusdem monasterij, hæc de sancto Benedicto in primis habet; Scripsit autem iam senex in eodem cœnobio Cassinensi monachorum Regulam discretione præcipuam, sermone luculentam,] & eodem libro capite quinto hæc addit. Simplicius sanctissimi Benedicti discipulus, Regulam, quam suus magister considerat, publice legendam omnibus monachis tradidit.] hæc ipse. Scimus alicubi vitio Scriptoris legi: Quam suus magister ediderat.] sed repugnat lectio illa sequentibus. Nam si iam eam S. Benedictus ediderat, quid opus fuit vt Simplicius eam legendam omnibus traderet, quæ iam cunctis editione facta per Benedictum innotuisset?

At quænam sit germana lectio, doceat vos vester monachus Sigebertus, suorum scriptorum multiplicium fama notissimus, qui in libro, quem scripsit de illustribus Scriptoribus ecclesiasticis capite trigessimoprmo, hæc de sancto Benedicto: Prouectus ad summum culmen monasticæ perfectionis, secundum quam vixit, scripsit Regulam monachorum, sermone luculentam, discretione præcipuam: Simplicius discipulus eius latens magistri opus publicauit.] hæc Sigebertus: cuius verbis, dum ait, secundum quam vixit, scripsit Regulam,] possumus intelligere præcessisse (vt diximus) experimentum, inde vero subsequutam scriptionem, nempe vt S. Basilij Regulas ipso vsu ad suum institutum paulatim inflexerit, senex demum scriptis suas mandarit, nō tamen viuens (vt audisti) promulgarit, sed potius occultarit: quæ tandem publicatæ sunt a Simplicio, qui (vt de eo testatur sanctus * Gregorius) tertius non Cassinensis, (utputant) sed Lateranensis Abbas Benedictinos monachos gubernauit, Qui perspicue satis in præfatione Regulæ sancti Benedicti præposita tradit, latens hæctenus magistri opus se publicasse, Regulas scilicet ipsius, de quibus tunc sermo, vt de his esse dubitatio nulla possit, a quo tum Petrus diaconus, tum Sigebertus eadem, quæ de his scripsere, accepisse sciuntur. Ex quibus non solum Petri diaconi germanam habes lectionem, sed perspicue declaratum, absque scriptis a sancto Benedicto Re-

gulis

gulis, non solum ipso Benedicto viuente, sed & post mortem eius vsque ad dictum Abbatem Simplicium Benedictinos monachos in Italia gubernatos. Istud quidem non ignominia sanctissimo viro cedit, vt alienis potius quam suis se suosq. monachos scriptis Regulis instituerit, sed summæ gloriæ, idq. multipliciter. Ac primum quidem vitabat illud, quod Dominus dixit in Euangelio: ^a Qui ex proprijs loquitur, mendax est,] atque insuper illud: ^b Nolite plures magistri fieri. ^a Ioan. 8. ^b Iacob. 3. Itaque cauens vtrumque scopulum, Basilium patrem suum atque suorum elegit, & hoc nomine (vt audisti) summopere gloriatum, cum vt communem patrem etiam post scriptas a se Regulas suis colendum proposuit: vt sicut sanctus Hieronymus sancto Gregorio Nazianzeno, ita Basilio Benedictus magistro se vsum esse prædicarit. Dignus pariter & eo nomine plurima laude, quod non ante ad suas Regulas scribendas addixit animum, quam vsu & experientia alienas summa prudentia, considerasset, & quæ addenda, quæ minuenda, vel moderanda, temperanda forent, pro temporis, loci, personarumq. ratione didicisset, vsuq. paulatim & experimento seruanda introduxisset.

Sed & præ ceteris ex eo sibi summam gloriâ comparauit, quod, ne suas quantumlibet elaboratas, sub incudē sæpius reuocatas, omniq. ex parte probatas, in omnibusq. perfectas, præferre videretur antiquioribus a sanctis Patribus statutis Regulis, eas noluit, vt nouus legislator, fastu turgens edere & promulgare, sed recondidit & latere voluit. Ex his tu mihi dignosce Sanctos, ætlima sanctiores, iudica sanctissimos. hanc adhibe ^c Matt. 18. Christi staterā, & pondera Sanctuarij, quibus expenditur maior in regno cælorum, ex gradu nempe maioris humilitatis. Ex his, inquam, mihi eximiam Benedicti sanctitudinem prædica, tolle præconijs, & exaggrega: nam paucorum est ista præstare, plurimorum scribere libros. Quamuis & hac ex parte sanctus Benedictus non sit sua laude fraudandus, vt pote, qui scribens Regulas, non de monachis tantum suis, sed de omnibus est bene meritus, factus toti orbi proficiuus atque conspicuus. Vt iam non habeat, quod fastu tumens Græcia Latinis insulter, viuere Occidentales monachos Orientalium Regulis, cum tanti Patris beneficio habeat Latina Ecclesia in thesauris, quod Græcia mutuari possit ab ipsa. nam pene exolescentibus reliquis, Regulæ Benedicti vbique locorum frequentiori sunt vsu receptæ, & obseruantiori cultu retentæ. De his enim Honorius Augustodunensis hæc ait: ^d Benedictus Abbas monasterij Cassinensis scripsit Regulam monachorum, per totum mundum promulgatam.] ex his igitur satisfactum sit tux quintæ, atque etiam sextæ Sectioni.

Sed & septimæ quoque, qua rursus demonstrare contendis antiquiorem Equitio sanctum Benedictum, abunde satisfactum est superius, cum de tempore, quo sanctus Equitius clariuit, ex Cassiodoro præcipue declaratum est; sicut & confutatum est pariter, quod hic refricas, sanctum Equitium anachoreticam egisse vitam, pariterq. erroris etiam conuictum, quod nullas dixeras fuisse Regulas, quibus S. Equitius suos mo-

M nachos

^d Honor. Aug.
de illust. eccl.
Script. in Be-
ned.

nachos instituere potuisset. Sed & que etiam satisfactum sit ijs, quibus confutare ad postremum id nifus es, quod Baronius dixit, in prouincia Valeria celebre monasterium eo tempore, nisi S. Equitij, nullum fuisse, ex quo peti posset Abbas, qui ad regimen S. Gregorij monasterij in Vrbem vocaretur. Quod enim oppoluisti, S. Benedicti monasteria Sublacensia ex nomine S. Benedicti fuisse celebriora: satisfactum sit, inquam, dum est demonstratum, non fuisse in Valeria prouincia monasteria Sublacensia, pariterq. declaratum, auctoritate S. Gregorij, ea minime fuisse celebra, sed exilia, quibus nec Abbates dandi essent, sed Præpositi, quæ & cellæ potius propriiori vocabulo dicerentur, quam monasteria.

Deinde, quod ad celebritatem Equitij monasterij pertinet, quodnam illo in ea prouincia potuit tunc inueniri celebrius? Erat illud nobilitate præcipuum, sub quo reliqua illa monasteria, quibus præerat sanctus Equitius, posita erant. Quodnam illorum duodecim S. Benedicti, in quibus singulis duodecim tantum monachi sub vno præfecto debebant, cum isto comparandum? An non celebrius cunctis Valeriæ prouinciæ monasterijs illud Equitij habendum fuit, illustratum tanti viri regimine, qui non ab hominibus, neque per homines ad conuersionem animarum, sed a Deo Apostolatam accepisset, quem & reuereri coactus sit ipsum totius Ecclesiæ caput Romanus Pontifex, illum numine exterrente. Quantam ex his putas viro sanctissimo gloriam comparatam, ac publice promulgatam, & quantum inde ipsius monasteria illustrata? præcipue vero illud, cuius Oratorium post obitum eius tutum asylum factum sit (vt ostendit sanctus Gregorius) a sæuorum incurfione Longobardorum. Vt non immerito ex successoribus & virtutum eius heredibus sibi Gregorius Abbatem elegerisse intelligatur.

Octauam his subiicis Sectionem, rursus insurgens in ea, quæ a Baronio sunt asserta de S. Equitij in prouincia Valeria monasterio, ex quo Valentius Abbas a sancto Gregorio est petitus: Non recte, inquis, concludit, nullum aliud celebre erat in prouincia Valeria monasterium, quam S. Equitij: ex eo igitur accersitus est Abbas Valentius. Virges nimirum, potuisse Gregorium ex minus celebri monasterio eius prouinciæ Abbatem sibi deligere. sed, vt video, vel cauillaris, vel vim minime percipis argumenti. Audi igitur vnde sit deductum, & quo tendat Baronij argumentum.

Quod enim sanctus Gregorius suum Abbatem dixit fuisse Valentium, eundemq. petitem e prouincia Valeria: cum in ea nulla alia nominata (sic enim voluit celebra dixisse) nisi Equitij monasteria fuisse legantur, ex vno illorum dictum Abbatem fuisse petitem, iure existimandum putauit. At quonam ex alio, quam ex aliquo monasteriorum S. Equitij Abbatem illum petitem dices, cum nullum in ea prouincia nominatum reperiatur monasterium, quod non esset positum sub S. Equitio? nam Sublacensia illa cænobia extra Valeriam prouinciam fuisse constituta, nec talia quibus præficerentur Abbates, superius est demonstratum. Mendax ergo Trithemius recens auctor, qui inter Benedictinos Abbates numerat Valentium istum. sed peculiare ipsi, quotquot

a Greg. dial.
lib. 1. c. 4. in
fine.

b id. lib. 4. lib.
4. c. 22.

quotquot legerit vsquam monachos, etiam ex illis, quos constat ante sanctum Benedictum vixisse, mox inter Benedictinos annumerare.

Gregorio igitur potius inherendum est, immo & cum eo solo sentiendum, qui pluribus notis ipsum a monachis sancti Benedicti fecerit. Ex loco primum, quod in prouincia Valeria Abbatis munere fungeretur, quæ nec nominata saltem toto illo secundo dialogorum libro, quo sanctus Gregorius vitam sancti Benedicti contexit, inuenitur, in qua tantum Equitij fuisse posita monasteria tradit. item ex loquendi vsu. Nam cum de Benedicti discipulis verba facit, semper eiusdem sancti Patris monachos fuisse docet. Valentium vero hunc, quem suum Abbatem fuisse dicit, cum reliquis sancti Benedicti successoribus Abbatibus non coniungit; neque ab eo, sicut ab alijs Abbatibus, S. Benedicti discipulis, de S. Benedicto se vel verbum obiter vllum accepisse testatur; cum tamen in rerum ab eo gestarum narratione, vna cum tribus illis nominatis Lateranensibus Abbatibus contexta debuisset vel quauis saltem occasione eiusdem viri mentio fieri, vt patris & institutoris ipsius, quod de alijs factum constat. Demum vero (vt vnica sententia rem absolua) cum plura sint, quæ Valentium sancti Gregorij Abbatem, a monachis S. Benedicti distinguant, nihil penitus inueniatur, quod ipsum illis adiungat; contra vero, cum nihil sit inuenire, quod ipsum ab Equitij monachis constituat alienum; plura vero sint, quæ ipsum ex eius germine propagatum ostendant: iure ex Equitij potius sobole, quam Benedicti eum fuisse monachum, est assertum. sed iam de his satis, ad no-
nam tuam Sectionem veniamus.

Qui hætenus frustra laborasti, vt positas ex S. Gregorio de suo monachatu diuerso ab ordine S. Benedicti confutares rationes: iam hac ipsa & ceteris, quæ sequuntur, Sectionibus plura argumenta afferre conaris, quibus doceas, ipsum S. Gregorium Benedictinum fuisse monachum. Atque in primis ex cognatione cum sanctis Mauro & Placido S. Benedicti discipulis ita probas: S. Gregorius hos habuit consanguineos: ergo sicut illi, ita & ipse inter S. Benedicti monachos numerandus. Vtinam posses probare, quod astruis, fuisse S. Gregorium Mauri & Placidi consanguineum: concederemus, indulgentes tibi, vt quos nexuit vinculum carnis, strinxerit quoque simul spiritus nexus. licet hæc sibi inuicem, aduersentur; & sancti viri timentes, ne quoquo modo teneantur affectu carnis, cum a spiritu ducti, mortificaturi opera carnis, sæculari vitæ nuntium remittunt, monasteria non deligant, in quibus stringi possint compede carnis, perfectam Abrahæ renuntiationem imitantes, cui dictum est: *Egredere de terra tua, & de cognatione tua.* Sed vnde ista quæso propinquitas sanguinis a te ostenditur? quod, inquis, sicut Maurus & Placidus, ita & S. Gregorius ex Anicia familia fuerit procreatus, & diploma extet antiquum, in quo Gordianus id disertis verbis affirmet. Trahis inuitum, fateor, & resistentem cogis apertissimam, detegere imposturam de commenticio isto, quod citas, diplomate Gordiani, quod honoris causa optassent potius alto sepulchrum silentio

4 Gen. 12.

& obliuione deletum: tamen quoniam ad ipsum prouocas, quale sit illud, patefacere, id te exigente, compellor. Extat ipsum editum post Chronicon Leonis Ostiensis, post librum quartum additum a Petro diacono, pagina centesima nonagesima septima, cūsum Venetijs anno salutis millesimo quingentesimo decimotertio, curante Laurentio Vicetino monacho, ut ipse sua epistola nūcupatiua docet. quod sic se omnino habet:

In nomine Domini nostri I E S V Christi Dei æterni, anno Incarnationis eius quingentesimo vigesimonono, Imperij vero Domini nostri conferuandi Iustini perpetui ac triumphatoris Augusti anno quarto, mense Iulij, die decimaquarta.

Christum se sequentibus, suaq. iussa seruantibus promissus est centuplum redditurus, & in cælesti regno vitam æternam daturum, quia, quod Deo, & Sanctis eius conceditur, potest hanc vitā in cælesti palatio inuenire. Quod ego Gordianus illustrissimus ac spectabilis Consul almaz senioris Romæ aduertens, declaro deuenisse nos Cassini vna cum consanguineo domino nostro Tertullo Patricio, causa videndi, ac querendi propinquos nostros clarissimos Placidum, Maurum, ac Felicissimum. Cumq. eundem locum ingressus, & a venerabili patre Benedicto in fraternitatem, & societatem bonorum operum fuissem susceptus, nomina cum discipulorum suorum nominibus describi fecit. Quo facto nos quoque ad remunerandum tantæ charitatis vinculum, in præsentia dicti gloriosissimi Tertulli, nostræ a Deo conferuandæ ciuitatis Romanæ Patricij, in conspectu quoque parentum nobilium nostrorum, scilicet Symmachi, Vitaliani, Equitij, ac Dorothei, interuentu quoque ac postulatione dilectissimi filij nostri Gregorij, de præsentī in perpetuum, concedo tibi serue Dei Benedictæ, castra omnia, municipia, possessiones, & villas, omnia & in omnibus, quæ mihi ex parte Octauiz stirpis, & Siluiz nostræ dilectissimæ conestalis pertinet in territorio nostræ Ciuitatis Romanæ, suburbio Aquinensi villam Eucheliam cum pertinentijs suis inter hos fines, &c.] post fines descriptos ista subiiciuntur: Hæc omnia interuentu dilectissimi filij nostri Gregorij, propter singularem dilectionem, quam iam dictis Placido, & Mauro, ac Felicissimo habeo, ac pro redemptione quoque animæ meæ, & Siluiz vxoris meæ, nec non propter Felicis, atque Transillæ, totiusq. stirpis Octauiz, ad possidendum eidem seruo Dei Benedicto in perpetuum tradidi, confirmaui, donauī, ac roborauī ad semper habendum. Atque pallam altaris sancti Baptistæ Ioannis in eadem Cassinensi ecclesia obtuli cum intra se habentibus subter & supra cum vijs suis intrandi, & exeundi per omnia, & in omnibus. Si quis autem huius nostræ concessionis indiculum in aliquo violare præsumpserit, decem millia talenta auri purissimi Romano soluat Imperio, & hæc nostra concessio firma & stabilis in æuum permaneat. Actum est anno Imperij Iustini quarto, trecentesima vigesima sexta Olympiade.] post hæc istæ subscriptiones adduntur. Ego Gordianus Romanorum Senator illustr. manus meæ signo roborauī. Ego Gregorius filius eius Consul illustr. subscripsi.

Ego Tertullus illuſtr. ac ſpectabilis almæ Ciuitatis Romæ Patricius.

Ego Symmachus Patricius & Conſul.

Ego Vitalianus Patricius & Conſul.

Ego Belifarius Patricius & Conſul.

Ego Boetius Patricius & bis Conſul compleui & reddidi decimaquinta Iulij.] hucusque diploma, quod, quicumque ille fuerit qui conſinxit, certe ineruditus, imprudēs, omniq. ex parte leuiſſimus homo extitit, vt qui nihil magis conari viſus ſit, quā vt quod commentus eſt, nullius penitus fidei inueniretur eſſe diploma. Omittimus dicere de eius Latinitatis imperitia, de phraſi ab eo tempore aliena, atque inuſitatis formulis, vſu illo adſciſcēdi in ſodalitiū poſt longa tēpora introducis: quotupliciter in notis tēporis cōiungatur, ex quo impoſtura manifeſta reddatur, ſic accipe.

Anno Incarnationis quingenteſimo vigeſimo nono, quo ſcriptum diploma ponitur, non Iuſtinus imperabat, ſiue Senior, qui triennio, antea iam obierat, ſiue Iunior, qui poſt plurimos annos ſucceſſit, ſed Iuſtinianus, qui tertium annum agebat in Imperio. Quod inſuper Olympiade, trecenteſima vigeſima ſexta datum aſſeritur, omiſſo quod annus Olympiadis cum notato anno ſalutis non cohæret: inuſitatum prorsus erat, vt publicum vllum mōnumentum his temporibus Olympiade conſignaretur. Ac licet magna iſta ſint, quibus iure falſitatis diploma redarguas, minima ducimus ſi cum ijs conferantur, quæ dicturi mox ſumus.

Mentio in eo habetur Gregorij filij Gordiani, quæ ex matre Siluia, cuius in eodem iterata ſit mentio, nō alium quam ſanctum Gregorium expreſſum Papam exiliare cogimur, quem & ex ſubſcriptione cum titulo Conſulatus ætate iam grandiore poſſumus intelligere. At eo anno valde puerum, immo necdum natum fuiſſe Gregorium, ex multis apparet. Tu vero iſta adeo deformata vt quoquo modo aptare poſſes; nominatum illum in diplomate Gregorium, non Papam fuiſſe dicis, nec Gordianum illum, patrem Gregorij Pontificis, ſed proauum, Gregorium vero auum Gregorij Papæ. ſed ex quonam antiquitatis fonte iſta deduciſ? Nonne ex matre Siluia agnoſcis, Gregorium Papam ab impoſtore conſictum? Quem tu vel ex eo redarguas, quod cum mentiendi habuerit voluntatem, neſcierit falſitatem aliqua ſaltem veriſimili ratione velare. Tu vero, vt diſſuta mendacia conſuas, ſicut alium Gordianum, & alium Gregorium, ita & oportet vt aliam quoque Siluiam fingas. ſed num vel ſic ſtabit ita male conſarcinatum commentum? minime gentium. nam attende alias in lacero panno ſciſſuras.

Quid nam tu dicis de illa tam enormi in diplomate appoſita multa, decem millium talentorum auri puriſſimi? ignoraffe viſus eſt qui finxit, quanti ponderis eſſet talentum auri: quod ſi ſciſſet, plus ſatis ipſi videri potuiſſet talenti vnus adieciſſe pœnam. Sed & quid Romano ea perſoluenda Imperio ipſe decernit, cum in Occidente iam nullum eſſet Imperium, ſoliq. in Italia Gothi regnarent, ſub Iuſtino Theodoricus, & ſub Iuſtiniano tunc imperante Athalaricus. cum Imperatores, non niſi extinctis Regibus Gothis, iuris quidquam ſibi Romæ, vel in Italia vendicarint?

dicarint? Quid insuper ponitur subscripsisse Belisarius Patricius & Consul, cum Romam non viderit Belisarius ante annum Domini quingentesimum trigessimuseptimum, quando aduersus Gothos cum exercitu veniens eadem potitus est Vrbe, id Procopio, id reliquis omnibus antiquis Scriptoribus absque controuersia asserentibus? Quale illud insuper, quod ad calcem diplomatis habetur: Ego Boetius Patricius & bis Consul compleui & reddidi? Num tabellionis munere Boetiusungebatur? vel quomodo bis Consul potuit subscripsisse, quem ante triennium constabat a Theodorico Rege iussu truncari capite? Hæc de diplomate pauca e multis, quæ obijci possent, dicta sunt. Ex illo nunc probari contende, Gregorium Placido & Mauro sanguine fuisse coniunctum.

Quod autem eundem Gregorium pari ausu asseueras fuisse Anicianæ familiæ; certe nobilissimo ortum genere nemo prudens puto negarit; fuisse autem huius vel alterius familiæ, cum antiquorum nemo reperitur id testatum alicubi reliquisse, id vero diuinare est, & temerarium, valde, quod nescitur, asserere. Qui autem dixit Felicem Papam, quem atatum suum Gregorius appellat, Anicianæ fuisse familiæ, vnde acceperit, cum ipse non prodar, nullius potest esse auctoritatis, quod recēs Scriptor pro arbitrio tradit. At tu in hoc omnino audiendus, qui ex antiquioribus monumentis id te proditurum iactas: sed ex quibus, audiamus; sic enim ais de homine tibi amicitia cōiunctissimo: Vir doctissimus Arnoldus Belgæ ex archiuo Cassinensi affert aliud donationis instrumentum sancto Bonito Cassinensi Abbati quinto a Gordiano Gregorij patre concessum. At hunc auctorem in his citasse, plane vereor ne sit te ipsum insigniter leuitatis nomine fugillasse. Apud doctos enim & peritos rerum antiquarum, quibus abundat sæculum nostrum, ex libro, quæ edidit de Aniciano stemmate, quo nititur probare, Philippum Regem Catholicum ex familia sancti Benedicti descendere, quem & Anicianum genere fabulatur, ipso auditu exploditur cum risu, & eijcitur cum nausea tota eius narratio, tamquam opus contextoris mendaciorum, & delirantium somniorum auctoris. de quo, vt me calumnia liberares, percontare eos, qui Romæ sunt eius facultatis, viros doctissimos, vestri etiam ordinis studiosissimos. Ex eius igitur fabellarum promptuario inter alia recitas fragmentum, in quo Gregorius Anicius cognominatus inuenitur. Ego hic reddam integrum, vt ab Arnoldo ponitur in ipso libro, quem scripsit de Aniciana familia in stemmate secundo, gradu octauo, Aniciano vigesimoquarto, vt magis miretur Lector, cum viderit ex impostura compositam imposturam, ita enim legitur apud Arnoldum.

In nomine Domini Dei Saluatoris N. I. C. imperante domino Iustino Iunioris perpetuo Augusto, anno quarto, post Consulatum eiusdem domini nostri anno secundo, Indictione secunda, mense Iulij, die decimaquarta, sancto & venerabili monasterio in monte Cassino, a beatissimo Benedicto constituto, in quo est Bonitus reuerendissimus Abbas, & per eum cunctis successoribus suis, in isto sanctissimo monasterio man-

suris,

suris, & regulariter substituendis in perpetuum pro laude & gloria & honore Dei, & beatiſſimi Benedicti; in quibus fiduciam habeo: ego Anicius Gordianus pro Dei omnipotentis amore, & animæ ſaluatione dilectiſſimorum noſtrorum parentum, Symmachi, Tertulli, Vitaliani, Equitij, Dorothei, interuentu quoque & poſtulatione dilectiſſimi filij mei Anicij Gregorij, de præſenti in perpetuum concedo, dono, offero tibi ſeruo Dei Bonitio fundos, villas, & poſſeſſiones, quæ ad me ex parte Aniciæ ſtirpis, ac Siluiæ meæ coniugis pertinent in territorio Aquinenſi &c.] ita infra in eodem inſtrumento: (nam illa tantum, ait ipſe, aſſero, quæ præſenti inſtituto ſeruiunt) paulo poſt ſubditur: Hæc omnia dilectiſſimi filij mei Gregorij interuentu, pro redemptione animæ meæ, & Siluiæ iugalis meæ, totiuſq. Aniciæ ſtirpis, a præſenti die largior vobis pro ſuſtentatione Fratrum in eodem monaſterio permanentium.] hucusque ex eo diplomate Arnoldus.

Qui ad tegendam impoſturam, ne quis arguere poſſet hoc ipſum, quod ponit inſtrumētum, idem eſſe, paucis mutatis, cum eo, quod proxime ex libro Chronici Caſſinenſis recitatū eſt, mox ſubiicit iſta: Prædictum autē inſtrumentum Caſſinēſe diuerſum ab illo, quod eſt in fine Chronici Caſſinenſis excuſum, licet multis demōſtretur, utpote quod illud ſub Juſtino Seniore anno Chriſti quingenteſimo vigefimo nono, ſ. patre Benedicto viuentē; iſtud vero ſub Juſtino Iuniore, anno quingenteſimo ſexageſimo nono tēpore Abbatis Bonitij facta legantur: at præcipue id elucet ex verbis Gordianorum. In primo namque inſtrumento excuſo dicit Gordianus ſe deueniſſe ad mōtem Caſſinum cū Tertullo, Symmacho, Vitaliano, Equitio, ac Dorotheo parentibus ſuis, & omnia illa largiri S. Benedicto, a quo fuerat benigne ſuſceptus: in iſto autem inſtrumento manuſcripto fatetur alter Gordianus ſancti Gregorij pater, ſe illam donationem Bonitio Abbati facere pro anima prædictorum parentū ſuorum, qui defuncti erāt.] hucusque de his Arnoldus, quem par erat excuſſare, & non excuſare, commentum, quod quiſque vel mediocris eruditionis vir ſatis agnoſcere potuiſſet. ſed dum excuſat, ſeipſum accuſat, & quidem multipliciter. Primum quidem quod recitatum ante diploma Gordiani, tēpore ſancti Benedicti (ut ait) perſcriptum, quot eſſet ornatum mendacijs nō cognouit, & commenticium atque adulterinum eſſe non intellexit. Deinde quod illud ipſum in quibuſdam mutatum, & plane adulteratum, impoſturam æ impoſturæ textam non videns in lucem dedit tenebris potius obruendum. Demum vero quod non ſolum illud falſitatis nō redarguit, ſed ut partum ſuum, ſic male editum, tamquam ſibi proſicuum, idoneumque, ex quo poſſit probare quod velit, retinuit atque defendit.

Verū quod diuerſum non ſit, ſed idē ipſum alteratū, vel potius adulteratū, ex ijs quæ in eo integra relicta ſunt, prudens quiſque facile poterit intelligere. Primum quidē quod iſtud perinde arque illud datum dicitur Juſtini Imp. anno quarto, menſe Iulij, die decimaquarta, licet aſtute, admodum a poſteriori abraſus ſit annus ſalutis, & Juſtino additum nomen Iunioris, cum nota Conſulatus. Inſuper quod iſtud, ſicut illud, di-

catur

atur interuentu Gregorij filij factum, sed additum in posteriori Gregorio cognomentum Anicij, cuius causa totum illud commentum noscitur fabricatum. Quod etiam in hoc, sicut in illo, Gordiani vxor Siluia Gregorij mater nominetur, in priori quidem sic: Hæc omnia interuentu dilectissimi filij nostri Gregorij, propter singularem dilectionem, quam iam dictis Placido, & Mauro, ac Felicissimo habeo, ac pro redemptione animæ meæ, & Siluiæ vxoris meæ, &c.] in posteriori autem: Hæc omnia dilectissimi filij mei Gregorij interuentu, pro redemptione animæ meæ, & Siluiæ iugalis meæ, &c.] Quod denique in vtroque (quod maioris momenti videri potest) eiusdem rei donatio facta ponatur, nempe villæ apud Aquinum positæ: in priori sic: Quæ mihi ex parte Ostauiæ stirpis, & Siluiæ nostræ dilectissimæ contestalis pertinent in territorio nostræ Ciuitatis Romanæ suburbio Aquinensi, villam Eucheliam cum pertinentijs suis &c.] in posteriori autem his verbis: Villas & possessiones, quæ ad me ex parte Aniciæ stirpis, & Siluiæ coniugis meæ pertinent in territorio Aquinensi &c.] Vbi igitur idem annus Imperatoris, idem mensis & dies, idem donantis nomen, & coniugis Siluiæ, & cuius interuentu fit donatio, Gregorij pariter nomen idem est expressum, eadem, denique res donata ponitur & nominatur: quis erit, qui vnum idemque diploma fuisse dubitet, paucis additionibus & diminutionibus ab impostore interpolatum? Finge tu (quisquis auctor es imposturæ) ad libitum alium illum Gordianum esse: numquid ex nomine Siluiæ coniugis alium quam patrem Gregorij Papæ, qui ex Gordiano patre & Siluia coniuge natus est, potes asserere? Oportuisset te excogitare aliam quoque Siluiam, & alium Gordianum. Sed nec sic quidem vtrumque commentum tot alijs certis signis imposturæ conuictum subsisteret. De priori iam satis dictum, ex quo cum ipsum corruat, infertur ruina posteriori, quod ex additamentis illis appositis tantum abest vt fulciatur, vt potius violentiori impetu prosternatur. nam accipe.

Datum dicitur anno Redemptoris quingentesimo sexagesimonono. Vbi autem datum, & cui datum sit, his verbis exponitur: Sancto & venerabili monasterio in monte Cassino a beatissimo Benedicto constituto, in quo est Bonitius reuerendissimus Abbas, & per eum cunctis successoribus suis in isto sanctissimo monasterio mansuris &c.] Sed quomodo eo anno, & Cassinensi monasterio, & in Cassinensi loco diploma datum fingi potuit, si eo tempore monasterium non extabat, excisum iam penitus & dirutum incensumque, per Longobardos? Et si ita res est, vt certe est, quomodo in eodem diplomate subijci hæc verba potuerunt: A præsentis die largior vobis sustentatione Fratrum in eodem monasterio permanentium?] si, inquam, monasterium iam erat excisum, & monachi omnes Romam migrauerant: quid monasterio pro permanentibus ibi tunc monachis donari potuit? Quod autem iam ante incensum & dirutum a Longobardis fuerit nullatenus negari potest; cum tanta clades satis superque sui immensitate famosa, certa temporis nota remanserit posteris consignata, omnibusque notissima. de qua ceteris antiquior rerum Cassinensium Scriptor, eiusdem monasterij

nafterij alumnus atque Bibliothecarius , Leo Ostienſis * Epifcopus hæc habet: Cum iam ab Incarnatione Domini quingentorū ſexaginta & oſto annorum circulus volueretur , præſatum cœnobium Caſinenſe videlicet , nocturno tempore , quieſcentibus Fratribus , ingreſſi ſunt Longobardi &c.] Nec eſt quod dicas in numerum annorum ſalutis in diplomate poſitum errorem irrepiſſe : nam idem annus Redemptoris quingentimus ſexageſimus nonus anno quarto Iuſtini Imperatoris , qui in eodem aſſeritur , pariter conſignatur . Sed & cum ſecunda Indiſtione , ipſum habitum reperitur , eadem idem ipſe annus quingentimus ſexageſimus nonus inſinuatur . Quod igitur triplici remanet conſignatum Chronographia , abſque mendo conuincitur permanere . His adde , quod ſi Bonitio Abbati iſtiusmodi donatio facta eſt , vtique poſt deſolatum cœnobii oportuit contigiſſe . Nam ſi prædeceſſores Bonitij Valentinianus , & Simplicius Lateranenſis cœnobio præſuiſſe dicuntur , vtique poſt deſtructum a Longobardis Caſinenſe cœnobium id factum oportuit . Hæc de commenticijs diplomatibus , quibus Gregoriū aſſerere ſtudiſti coniunctum ſanguine fuiſſe cum Placido & Mauro , & Aniciana familia genitum . Quorum quoque diplomatum falſitas vel ex eo in ſuſpicionem ſaltem adducenda erat , quod Leo Ostienſis , qui monimenta quæque Caſinenſis cœnobij & aliorum ſcrutatus , nihil (vt proſitetur) omiſit de his quæ ſpectant ad donationes eidem monaſterio a diuerſis exhibitæ , nihil reliquit non perueſtigatum ; de his tamen diplomatibus ne verbum quidem habet . Sed & quod de conſanguinitate ſancti Gregorij cum Placido & Mauro in altero eorum diplomate habetur (vt hoc addam) vel ex eo minime recipiendum erat , quod cum ſanctus Gregorius cõſuerit ſuis ſcriptis ſanguine ſibi coniunctos nominatim exprimere , vt cum agit de Felice Papa ; mox atauum ſuum fuiſſe dicit ; cum de Tarſilla , amitam ſuam nominat ; cum de Aemiliana & Gordiana , ſorores pariter appellat patris ſui : feciſſet proculdubio hoc ipſum in Placido & Mauro , cū de iſtis agit ; ſi eos , vt dicis , ſuos fuiſſe conſanguineos cognouiſſet . Nihil eſt ergo , vt vel ex conſanguinitate , vel ex familia Aniciorum S. Gregorium fuiſſe Benedictinum monachum poſſis aſſerere .

*a Leo Oſien.
Chr. Caſſ. lib.
1. c. 2.
b Greg. dial.
lib. 2. in præf.*

Sed mirum , quod dum aſſeris cum Arnolſto ſanctum Gregorium ex Aniciana familia genitum , non ex hoc ipſo deducas argumentum pariter , quod monachus fuerit ſancti Benedicti , eo quod ab eodem conſtanter aſſeritur , etiam ipſum Benedictum fuiſſe ex Aniciana familia . ita enim habet in gradu quinto , Aniciano vigefimo primo ſecundi ſtemmatis : Sanctus Anicius Benedictus Probus Eupropij Probi Comitis Nurſæ filius , ex Abundantia Reguardata matre , vno partu editus cum Scholaſtica ſorore , anno Domini quadringenteſimo octogefimo in ciuitate Vmbriæ Nurſia &c.] Hæc tuus doctiſſimus Arnolſus , qui , vt præſatur in nuncupatoria epiſtola ad Philippum I I. Regem Hiſpaniarū , conari ſe dicit oſtendere , Auſtriacorū familiam nobiliſſimā eodem cum S. Benedicto ſanguine prognatā , quod pro certo & explorato frequenter aſſeruit . Viſa ſunt mihi iſta , ſicut omnibus ea legētibz doctis viris , fateor ,

deliria phrenetide laborantiū, indigna profecto quæ a venerandi ordinis monacho proderentur in lucem, quæ rursus quoque mouere possent Heraclito obstinate lugenti. aliunde plane, quam ex Aniciano stemmate comparata est nobilitas Benedicti. Stat ipsa, stabitq. in æternum tamquam bene fundata supra firmam petram solida semper constans S. Benedicti vera nobilitas, non ex carne, sed ex spiritu edita, virtutibus aucta, ex rebus præclare gestis perenniter illustrata, Crucis Christi insignibus summo opere decorata, toto orbe terrarum præconijs celebrata.

Quod autem ad stemma progenitorum spectat, satis ipsi ad nobilitatem, quod sit ex ingenuis parentibus ortus: neque enim aliquid amplius tribuit illi S. Gregorius^a cum ipsum ait liberiori genere ex prouincia Nursie exortum. Illiberius genus dixit, quod valde ingonium, & procul a seruii descenderit. Non improprijs in genere S. Gregorius describendo,

^a Greg. dial. lib. 2 in prin.

^b Id. lib. 3. c. 13.

^c Id. lib. 3. c. 13.

visus aliquando vocibus reperitur. nam cum de S. Galla^b agit: Galla, inquit, huius Urbis nobilissima puella Symmachi Consulis ac Patricij filia; cum de Liberio, & Patricio: Liberius, ait, vir nobilissimus: eodemq. modo in reliquis. Ceterum ex historia quam narrat de filio Defensoris S. Benedicti discipulo, plane significat ipse Gregorius cuius nobilitatis S. Benedictus esse potuerit, cum eius comparatione filius Defensoris (est is gradus infimus magistratuum) illo nobilior haberetur. rem ille gestā in dialogis sic exponit: ^d Quadam quoque die, dum venerabilis Pater,

^d Id. lib. 2. c. 20.

vespertina iam hora, corporis alimenta perciperet: eius monachus cuiusdam Defensoris filius fuerat, qui ei ante mensam lucernam tenebat. Cumq. vir Dei ederet, ipse autem cum lucerna ministerio altaret, cœpit per superbix spiritum in mente sua tacitus voluere, & per cogitationem dicere: Quis est hic, cui ego manducanti assisto, lucernam teneo, seruitium impendo? quis sum ego, vt isti seruiam? Ad quem vir Dei statim conuersus, vehementer cœpit eum increpare, dicens: Signa cor tuum frater, quid est quod loqueris? signa cor tuum &c.] At vnde hæc illi eius tumoris occasio? non quia se Benedicto sanctiorem, vel ministerio maiore existimaret: erat enim ille magister, iste discipulus, ille pater, hic filius, Abbas ille, monachus subditus iste; non ex his quidem, sed (vt bene explicat S. Gregorius) quod scilicet Defensoris fuisset ipse filius, quo nomine ipsi videretur sancto Benedicto longe nobilior. Erat autem Defensor tenuis magistratus, cui vnus tantum ciuitatis negotia gubernanda committebantur (vt ex Cassiodoro^e redditur manifestum) a concui- bus postulatus.

^e Cassiodor. Var. lib. 7. c. 11.

11.

Ex his igitur intelligere poteris quantæ nobilitatis fuerit Benedictus, cuius comparatione filius Defensoris longe nobilior videretur.

^f 1. Cor. 5.

Vnde ad illud Pauli Apostoli sit hoc etiam loco recurrendum: ^e Non multi sapientes secundum carnem, non multi potentes, non multi nobiles, sed quæ stulta sunt mundi elegit Deus, vt confundat sapientes, & infirma elegit Deus, vt confundat fortia, & ignobilia & contempnibilia elegit Deus, & ea quæ non sunt, vt ea quæ sunt destrueret, vt non

^g 1. Cor. 10.

glorietur omnis caro in conspectu eius.] An æmulamur^g Dominum, & fortio-

fortiores illo sumus, ut illos velimus nonnisi in purpura genitos esse Sanctos, quos ipse erexit de stercore, ut collocaret cum Principibus populi sui? Cum aliqui si insit nobilitas, non spernenda, sed magis pradicanda: quod viri sancti fecisse dicuntur, Porro ista somnians vester Arnoldus, quantum sapiat, euidenter apparet. cuius quidem commentarij si tot tantum errores, quot paginas, enumerauero: multam quidem curte illi, & plus satis indulsero. sed de ipsa, & cum ipso alias: tecum modo agenda res est animo pacatissimo.

Decima Sectio, ut reuoces ab Equitio, & redigas sub Benedicto Gregorium, ea insurgis ratione, quod multa donata a proauo, patre, matre ipsius Gregorij, atque ab ipso Gregorio inueniantur S. Benedicti cœnobio, nulla vero S. Equitij monasterijs. Ista vero de donatis monasterio S. Benedicti, ut probes, superius citata diplomata affers, quæ cū nulla ex parte coherentia, sed omnino adulterina sint demonstrata, & superius confutata; ut ab his desistas, ad ea te accuratius intuenda reijcimus.

At quid dicam? A nobis inuitis rursus extorques, cogisq. pandere, quæ perpetuo essent relinquenda inuoluta silentio. Siquidem eiusdem quoque generis reliqua esse diplomata, ibidem post finem quatuor librorum Chronici Cassinensis posita, & affectatā antiquitatem præ se ferentia, libere asserere non dubitamus. Id ut magna fiducia affirmemus, suadet in primis rerū antiquarū cœnobij Cassinensis Collector vester Leo Ostiensis Episcopus eiusdem monasterij antiquus monachus, ac munere Bibliothecarius; qui industria incomparabili, atque scrupulosa (ut ipse ait) sollicitudine fuit in perquirendis vndique donationibus ad idē monasterium spectantibus, ut sua nuncupatoria epistola ad Oderisum Cassinensem Abbatem ipsemet ingenue profitetur. Vnde non immerito in falsi suspicionem adducantur, quæcumque ab ipso non cognita nec reperta post eum in lucem prodierunt, in illum angulum reiectæ diuersarum donationum tabulæ, proscribendæ omnino, cum nullo veritatis glutino coherentes deprehendantur. Ceterum sicut ab exordio nascentis monasterij multa ibi donata a nobilibus Romanis nō solum inficias non imus, sed parati sumus redarguere, qui hoc negent: ita falsa ista atque cōficta diplomata post quatuor illos libros edita a Laurentio Vicentino, eiusdem ordinis monacho, quantumlibet ex antiquioribus codicibus ea esse descripta velit, ut comprobemus, nullatenus adduci possumus.

Et ut cursum singula peruoluamus, incipiendo a primitus facta, seu potius ficta donatione Tertulli, Placidi patris, vide quale principium eius: Tertullus Dei gratia inuictissimæ Reginz cæli, terræq. Ciuitatis Romanæ Patricius, Dictatoribus, Magistratibus, Senatoribus, Consulibus, Proconsulibus &c.] Quis audiat, & non rideat nouam, numquam auditam Vrbis nomenclaturam, ut Regina cæli dicatur? De nomine Dictatoris quid dicā, antequam tot sæcula exoleto? sed omisis ceteris, iunge principio finem ipsum: Si quis autem hoc decretum nostrum violare præsumserit, quatuordecim millia talenta auri purissimi soluat Imperio. Hæc ibi. Quæ quidem ad minuendam omnem penitus fidem.

eius, consultius dici minime potuerunt, ut apparet ex ijs quę superius dicta sunt; ubi de apposita tot talentorum auri multa adeo enormi actum est. Vnde magis Bellottus erubescat, qui huiusmodi obiectiones illatas nulla penitus ratione confutet; sed illud peculiare sibi respondere satis habeat, quod ea bona a monasterio possideantur, quasi de bonis sit questio, & non de suppositis documentis. de sequenti diplomate nomine Gordiani dictum est pluribus suo loco.

Quę vero tertia ordine posita (omissis interiacentibus quibusdam epistolis eodē morbo laborantibus) Iustiniani Imperatoris donatio, seu potius confirmatio donationis a Tertullo factę, cum obtulit Placidū filium S. Benedicto, eiussdē notę ac generis esse comperitur, in qua inter alia: Confirmamus, inquit, & corroboramus in perpetuum cuncta, quę idem Patrius cum iam dicto Placido filio suo Benedicto seruo Domini obtulit, castrum Cassinum, castrum Fortunę, Interamneam, Caricam, Aquiloniam, Suessam, Fundos, Caietam, Minturnas, Formiam, Atinum, Arpinū, Galaticiam, Soram, Albam, Apamiam, Arelinam, Transaquas, Oresinum, Carseolim, Theatrem, Sulmonem, Aufidenam, Iferniam, Venasrum, Boianum, Calanum, Aquasuiuas, Fabrateriam, Aquinum, cum ecclesiis, xenodochijs, villis & castris &c.] Quę omnia cum ex pluribus alijs, tum ex falsa apposita subscriptione falsorum testium; vel iam antea defunctorum, vel falsis titulis inscriptorum, falsaq. penitus rerum assertionem omnino commenticia a Baronio in Annalibus * ostensa sunt, ut de his non sit mihi amplius laborandum. Sane quidem cum confirmare dicatur Iustinianus Imperator quę fuerant a Tertullo donata, & numeret multa oppida, & ciuitates (ut audisti) quę in donatione Tertulli non continentur, imposturam ad imposturam ab aliquo appositam quis non videat? & cum subiicitur donatio a Iustino Seniore Imperatore eidem monasterio concessa, par cum ceteris conimentum omni ex parte detegitur. Nam Iustini illius Imperium, Theodorico in Italia regnante, contigit, quando (ut Baronius docet, & annis singulis in Annalibus suis ostendit) nec glebam quidem Imperator Orientis in Italia possidebat; nec cuiquam ciuium Romanorum ciuitates erant proprię, quas donaret. Sed adhuc instas ipse respondens: Isthęc ita de gleba dicentem Baronium non admirari profecto non possum. Nonne Gothorum Regum tempore Orientis Imperatoribus Campania, Calabria, Sicilia, opulentę prouincię parebant, in quibus Cassinensis cęnobij oblationes munerarię continebantur? minime gentium, nullo, inquam, modo nam erant omnes istę prouincię sub Theodorico Rege Gothorum, cuius tempore facta ea donatio perhibetur. Quod & tu, si Procopium legas, inuenies, aut breuem ^b epistolam Iustiniani ad Francos datam, in qua hęc habet: Nostrę ditionis Italiam per vim Gothi ceperunt: non solum restituere hanc nobis haud quidem decernunt, sed iniuria insuper nos afficere non toleranda quidem &c.]

Ad ea vero, quę obiecta sunt a Baronio de Tertullo, quod sub Theodorico Rege nulla Romanorum erant oppida, & ciuitates, quę donari possent

^a Annal. to.
7. ann. 541:

^b Procop. de
bello Gorb.
lib. 1.

possent ab illis monasterio Cassinensi, quid tu respondes? Quod si sub Gothis, inquis, Romanorum Patriciorum nullus aliquid habebat: quorsum Theodoricus illa, vt lites in singulis prouincijs a Comitibus cognoscerentur?] Hæc tu respondens ad obiectionem factam de possessione ciuitatum, & oppidorum, videris existimasse Comites, quos dicis causas cognoscere consuetos in prouincijs, fuisse dominos oppidorum, & ciuitatum, vt nunc est in more: sed errasse te senties, si diuersarum ciuitatum formulas Comitiarum apud Cassiodorum legeris, vt & te pœniteat, Baronium ista dicentem arguisse.

Quod autem dictum est de impostura primi Iustiniani diplomatis, dicendum est pariter de sequenti, dato (ut in eo legitur) Vigilio Papa rogâte. Nam cū adhuc superfluum fuisse S. Benedictū ostendat illis verbis: Concessimus monasterio S. Ioannis Baptiste sito Cassini, vbi communis pater Benedictus seruus Domini præest, terras inter Romanum Imperium &c.] apertissima patet impostura, cum tui ipsius, & tuorum testificatione satis exploratum sit, S. Benedictum vitam vltra annum Redemptoris quingentesimum quadragesimum secundum vel tertium non produxisse; diploma autem datum ponatur anno vigesimotertio Iustiniani Imperatoris, quo annus salutis vndequinquagesimus post quingentesimum, post obitum S. Benedicti iam sextus vel septimus numerabatur. De Gregorij autem Papæ privilegio asserto, Bonitio concessio in fine dicturi sumus, sicut a te in fine ponitur. De Zachariæ Pontificis privilegio, cuius æstimationis sit, satis superius dictum est in Apologetico. Hæc (ut diximus) cursim pertranscuentes volumus obiter annotasse, verrentes scopa quiquisq; quæ se ante pedes offerrent, quantum scilicet ad institutum satis esse cognouimus.

Quod insuper ad confirmandas easdem falsas donationes citas Acta Placidi, Gordiani nomine scripta : cuius illa fidei sint, ^{a Baron. rom. 7. ad. D. 341.} Baronius pau-
cis significavit ; tu ad illa responde, & deinde tecum negotium erit.
Quod vero Leonis post hæc Ostiensis, & Petri diaconi antiquorum Cas-
sinenfium scriptorum testimonium pro te cites, qui aduersum te adeo
manifeste testentur, omnes inducent. Dum enim falsam illam tueri la-
boras donationem Tertulli, qua Cassinenfii cœnobio donatz dicuntur
ciuitates superius numeratz : ^{b Leo Ost. lib. 2. c. 1.} satis Leo te redarguit Ostiensis, qui di-
fertis verbis tradit, a Tertullo donatas Cassinenfii monasterio decem
tantum & octo Curtes. sunt hæc eius verba : Beatum etiam Placidum,
discipulum suum vir Domini Benedictus tunc ad Siciliam misit, vbi
Tertullus Patricius eiusdem Placidi pater decem & octo patrimonij sui
Curtes eidem sancto Benedicto concessit.] hæc Leo. per Curtes autem
non nisi quædam terræ iugera significari, ex eodem Leone poteris intel-
ligere. ^{c Pet. diag. li. 4. c. 13.} Petrus vero diaconus nihil a Tertullo donatum sancto Benedi-
cto asserit, nisi Cassinum cum finibus suis, quæ fuerat villa Varronis.

Sed iniusta de Baronio vestra querela. Nam cum ista omnia erroris redarguit, nequaquam insultans vel exprobrans id fecit, sed dolens, quod ad finem ipse profitetur, cum ait: Sed missa isthæc, quæ dolemus ab aliquo otioso

otioso conficta, utpote non (quod frustra putarit) illustrante res patris sanctissimi Benedicti, sed obscurante potius huiusmodi mendacijs, densarum instar nubium globis fulgentis vndique radijs solis oppositis. Miramur vero magis eadem ab eiusdem sacri ordinis monachis viris doctis non fuisse reiecta, & obliuione omnino sepulta. Non indiget qui eos primus tantus genuit pater, neque ab eo descendens sancta & generosa posteritas, per cuncta sæcula in Ecclesia Dei feliciter propagata, & sanctis ramis mirifice dilatata, hisce ementitis gloriæ titulis, siue ex sanguinis nobilitate, siue ex diuitiarum amplitudine comparatis: qui etsi nec his omnino caruere, ex virtutibus tamen terræ & cælo sunt redditæ celeberrimi.] hucusque ipse. Vides ne, quot fasciarum ornamentis, quæ superent insulas Regum, alligari vestra indecora vulnera ipse Baronius, vestrum omnium amantissimus, sed falsitatum dumtaxat, ac mendaciorum implacabilis hostis? cum tamen ex vobis aliqui veluti furore perciti dum ligamenta frangunt, & vulnera conficant, crudeles in se ipsos, ea exasperantes, ut magis magisque recrudescant, imprudentes efficiant, sed reliqua quæ subijcis prosequamur.

Vndecima item Sectione exaggerans, quæ a sancto Gregorio sint donata monachis S. Benedicti, vnde coniecturam facias, ipsum fuisse Benedictinum monachum: addensq. sex monasteria a sancto Gregorio in Sicilia fuisse fundata, quæ S. Benedicti Regulæ subiecerit, citas in eam rem Ioannem * diaconum: qui cum asserat monasteria illa fuisse a S. Gregorio erecta; quod autem subiecerit ipsa Regulæ S. Benedicti, ne verbum quidem habet, ut nec reliqui res gestas eiusdem S. Gregorij prosequuti. Quod si quæ nunc sunt in Sicilia monasteria, aliqua inueniantur S. Benedicti Regulis viuere, ostendere non potes, illa vel a S. Gregorio fuisse, erecta, vel ab exordio S. Benedicti Regulis informata: plura siquidem monasteria (ut dictum est) cum S. Basilij, vel aliorum Regulis antea regerentur, promulgatis S. Benedicti Regulis, illas tandem obseruandas susceperunt, ut de monachis Lerinensibus manifestum est exemplum. Sicut igitur, ex omnibus, quæ a te sunt adducta de donationibus a proauo, auo, patre, matre S. Gregorij, & ab ipso etiam Gregorio Benedicto ipsi, vel eius successoribus factis (ut audisti) nihil est penitus, quod subsit: ita prorsus nihil habes, quod dicere possis; nihil ab eo monasterijs in prouincia Valeria sub Equitio constitutis datum fuisse, cum inuasionibus Longobardorum expilata monasteria, & Scriptorum monumenta perijisse nemo nesciat. sed ex eo, quod ad nobile monasterium Romæ ad Cluium Scauri a se erectum gubernandum eius prouinciæ monasterij Abbatem adsciuerit: de monachis eiusdem Collectionis ipsum optime fuisse meritum, quis poterit dubitare?

Addis vero duodecima Sectione aliam quoque coniecturam, quæ suadere laboras, S. Gregorium Benedictinum fuisse monachum, quod eius Regulam iam factus Pontifex in Synodo comprobarit; cum contra quod S. Equitij Regulam probarit, nulla sit mentio. At non intelligis, iure indiguisse nouam Regulam nuper editam Apostolicæ Sedis

con-

a Ioan. diacon.
vix. S. Greg.
lib. 1. c. 5.

confirmacione, Equitij autem Regulam longe antiquiorem, siue Basilij, siue Pachomij, diu ante receptam atque probatam noua non opus habuisse Gregorij approbatione. Ceterum cum confirmatam a S. Gregorio Papa Regulam S. Benedicti, quam in dialogis laudat, & que Baronius in Annalibus asserat: ex ijs tamen monumentis, quæ tu modo ex monasterio Sublacensi in lucem prodixit, tantum abest, ut id probetur, ut alia potius, quæ sunt recepta, in dubitationem hinc maxime reuocentur. Recitatur autem a te integrum ipsum confirmationis diploma in Romana Synodo datum: quod (mihi crede) si ad Lydium admoueas lapidem, inuenies ex multis indicijs adulterinum. Nam quod datum fertur in Romana Synodo, Indictione duodecima quarto Kal. Iulij per manus Ioannis Episcopi Albanensis Bibliothecarij Apostolicæ Sedis; præterquam quod Indictio duodecima pro decimatertia est posita, & quarto positum pro quinto Kal. Iulij, ^a ut apud S. Gregorium legitur; *a Greg. lib. 4. ep. 74. Ind. 13* quæ menda vitio librariorum in re tam antiqua facile poterant irrepsisse: excusari error ille quomodo potest, quod in eo ponitur subscriptus Ioannes Episcopus Albanensis; in Actis autem Synodi, qui Albanensis Episcopus subscriptus reperitur, non Ioannes, sed Homobonus appellatur? Ceterum nec temporibus Gregorij Papæ, sed longe post ille ingressus est usus, ut per Episcopos Bibliothecarios publica ederentur monumenta. Gregorij enim ætate per Notarios dabantur, ut exemplo sunt tum alia S. Gregorij diplomata, tum illud, quod libro nono epistola vigesima secunda expressum habetur, ubi nulla de Bibliothecario, sed de Aemiliano tantum Notario fit mentio. ista satis ad duodecimam Sectionem.

Adicis vero decimatertia Sectione, ex eo, quod propensior erga monachos S. Benedicti ordinis videatur fuisse Gregorius, argui etiam posse, ipsum Benedictinum monachum fuisse; propensionisq. exemplum adducis, quod Constitutionem in Concilio Lateranensi pro monachis ediderit, hac inscriptione notatam: Decretum Concilij Lateranensis de quiete, libertate, atque exemptione Nigrorum monachorum.] quasi hac nota coloris Benedictinos monachos voluerit expressisse: cum tamen in libris excusis, sicut & in scriptis antiquitus codicibus Vaticanis nusquam sit eiusmodi inscriptionem reperire de monachis Nigris, quam tu ex nescio, quo incertæ auctoritatis volumine tibi vendicas. Sed quid proficis? Dum enim nigrum colorem solis Benedictinis adscribis, plane a Benedictinis Gregorium segregas, eiusq. pariter monachos ab eis disiungis. Etenim in antiquissimis picturis, quæ hodieq. in Vrbe visuntur, in Oratorio S. Andreæ ab ipsomet S. Gregorio constructo, ubi & vita ipsius descripta est ab eo tempore, quo ex monasterio ad Cardinalatū vocatus est, vsque ad obitum, in quibus frequenter monachos eius socios, eiusdem monasterij professores depictos videre est omnes castaneo neminem illorum intueri licet nigro colore vestitum: ut vel ex hoc vno saltem iam satis appareat, tum S. Gregorium, tum eius successores monachos distinctos fuisse a nigro colore vtentibus monachis Benedictinis. cum
alioqui

alioqui nec soli Benedictini nigris vſi veſtibus reperiuntur, ſed antiquiores etiam monachi eiusdem coloris veſtibus more philoſophantium tegi conſueverint. Certe quidem monachos ſui temporis etiam nigra ſubucula vti conſueviſſe, oſtendit illud S. Hieronymi ^a in Iovinianum: *a Hier. ad Iovin. lib. 2.* Tunc pexa tunica, & nigra ſubucula veſtiebaris.]

Sed videamus an grauiora ſint argumenta, quæ ſubijcis Seſſione decimaquarta, qua S. Gregorium ad Benedictinos monachos reuocas duabus de cauſis. priori quidem quod ipſe vitam S. Benedicti integro libro ſcripſerit, quod in alijs Sanctis non præſtitit, addens peculiare eſſe, vt diſcipuli ſuorum magiſtrorum vitam conſcribant. Hæc cum dicis, pro uoco ad ea, quæ de ſuo inſtituto Gregorius ipſe in exordio operis eſt præſatus: nimirum ea ſe ſcripturum, quæ (vt ait) a venerabilibus viris referentibus ſcribenda didiciſſet; adeo vt vbi plures fuerint relatores, & a quibus plura eſſent allata, de ijs copioſius ſcripſerit, non quod ex propoſito alicuius vitam inſtitueret enarrare. Sed & ſi ex inſtituto vitam S. Benedicti ſcripſiſſet, non magis idcirco dicendum, eius diſciplinæ monachum fuiſſe, quam S. Athanaſium Antonij, vel S. Hieronymum Hilarionis monachos fuiſſe dixerimus, eo quod eorum ipſi quoque vitam conſcripſerint. Poſteriori vero probare niteris argumento, quod S. Gregorius monachus fuerit Benedictinus, eo quod S. Benedictum ſummæ laudis titulis efferat, extollatq. præconijs, hempe cum vitæ venerabilis Benedictum vocat, cumq. re ait eſſe, quod nomine præſerret, vere Benedictum; quod religioſum ac pium, quodq. Patrem, appellet, atque ſanctiſſimis viris comparet. Ceterum miror hac ex parte non animaduerſum abſte, inſignioribus titulis exornatum ab eo Equitium fuiſſe. Nam præter illos communes eius cum Benedicto titulos, de Equitiõ hoc amplius habet ipſo ſuæ narrationis exordio, quod eum ſanctiſſimum nominet, & præditum magnitudine ſanctitatis: quæ de S. Benedicto dicta minime inuenies, vt neque, quod eundem Equitium ſingulari laude reuerentiſſimum appellat.

At hæc non ita a me, vel a S. Gregorio dicta accipi velim, quaſi prætulerit S. Equitium Benedictõ, ſed tantum, vt oſtendam tibi ipſi, quam fruſtra his argumentis nitare. Nec denique quod eundem S. Benedictum patrem nominat, ſe mox filium illius profeſſorem Regulæ profitetur. Siquidem etſi ex relatione patris ad filium, tuum poſſet ſpeciem aliquam habere argumentum; tamen cum liqueat conſueſſe Gregorium patres nominare quoslibet inſignes virtute monachos, vt ^b Honoratum, ^c Libertinum, ^d Nonnoſum, ^e Theodatum, ^f Eleutherium, ^g Anonymum, ^h Abbatem montis Prænæſtini, ⁱ Spem, ^j Suranum, atque ipſum, de quo eſt ſermo, S. ^k Equitium: argumentum euaneſcit. Videamus autem an maioris ſint momenti, quæ ſubijcis.

Habes decimaquinta Seſſione, quæ ſequitur, ex eo probari S. Gregorium fuiſſe ordinis S. Benedicti monachum, quod qui ab eo miſſi ſunt in Angliam monachi Auguſtinus & ſocij, ad Euangelium prædicandum, ordinis S. Benedicti fuiſſe dicantur. Fuit hoc argumentum Ioannis diaconi,

b Greg. dial. lib. 1. c. 1.

c Ibid. c. 2.

d Ibid. c. 7.

e Lib. 2. c. 7.

f Lib. 3. c. 14.

22. 33.

g Lib. 3. c. 23.

h Lib. 4. c. 10.

i Ibid. c. 23.

k Lib. 5. c. 4.

coni; * qui primus post annos ferme trecentos auctor inuentus est & as- *a Ioan. diacon. lib. 4. c. 82.*
sertor monachatus S. Gregorij sub Regula S. Benedicti: si qui autem alij *uir. S. Greg.*
eius sententia inueniuntur (sunt enim quidam recentiores, quos tu no-
minas) iidem omnes Ioannem diaconum auctorem sequuti videntur. vt
tota vis argumenti in illo consistat, si probet, quod asstruit.

Porro idem Ioannes, vt probet quod asserit, hac vtitur ratione: Quod
in illis, inquit, partibus vix aliquem monachum sit inuenire, a quo non ob-
seruetur tam in proposito, quā in habitu Regula Benedicti. Hæc ipse. Sed
quā debilis sit ista ratio, ex ijs, quæ superius sunt dicta, innotescit, cum
scilicet est demonstratum; complura monasteria alterius ordinis mona-
chorum seruandam postea suscepisse Regulam S. Benedicti: & adducti
sunt in exemplum monachi Lirinenfes, qui sub sancti Honorati Regulis
prius constituti, in Benedictinos postea transiere. Vt autem idem dica-
mus de monachis Anglicanis, maiora nos admonent argumenta: illudq.
in primis, quod toto etiam sequente sæculo, quod luculenta historia,
prosequutus est Beda, cum ab eo frequentissima mentio habeatur mo-
nachismi in Anglia iugiter propagati, nusquam tamen de S. Benedicto,
vel de Benedictinis monachis vllus sermo; immo cum alium S. Benedi-
ctum Abbatem ab Anglis coli demonstret, nostrum Italum prætermi-
sit. Extat ipsius Bedæ sermo de S. Benedicto Abbate Anglicano in eius
natali pridie Idus Ianuarij dictus; in quo inter alia de vitæ monasticæ
instituto ab eo tradito, cum agit de monasterio ab ipso erecto, hæc ha-
bet: Iuxta regularem disciplinam interius'exteriorq. constituit; non
pro capto suo decreta nobis statuens, sed antiquorum statuta certissima
monasteriorum, quæ peregre didicerat, sibi suisq. obseruanda propo-
nens.] & inferius: Nos namque sumus filij eius, qui nos in hanc mona-
chiam demum pius prouisor induxit.] hæc & alia plura Beda. Qui quam
male meritis esset de seniore nostro Italo S. Benedicto, si ab eo fuisset
primum propagatus in Anglia monachismus, cum nec eius saltem no-
minis tota illa historia meminisset?

Insuper quid opus fuerat recentiori huic S. Benedicto Anglo diuersa
monasteria in Italia & alijs prouincijs peragrarè, vt monastica disce-
ret instituta, quæ alios doceret; si iam ante centum annos allata fuerat
per S. Gregorij monachos Regula S. Benedicti omnium vberima & ab-
solutissima? Venisse Romam eundem S. Benedictum ex Anglia, tum di-
cto sermone testatur ipse Beda, tum etiam in ^b historia de rebus gestis
Anglorum ostendit. Nec est, quod dicas, bellorum tumultibus colla-
psum fuisse in Anglia institutum ibi primitus monachismum, vnde opus
fuerit Benedicto illi Anglicano petere aliunde monasticas Regulas. nam
qui hoc dicit, sibi aduersantem Bedam habere non dubitet. Sic igitur
post hæc tempora accidisse censendum est, quod Ioannes diaconus dicit,
ita propagatos ordinis S. Benedicti monachos in Anglia, vt vix ibi alte-
rius ordinis monachus esset, a quo non S. Benedicti Regula tam habitu,
quam proposito seruaretur.

Ex his ergo cum firmum maneat, non alios, quam Gregorij mona-
chos

^b Bed. hist.
Angl. lib. 4.
c. 18. & lib.
5. c. 20.

chos in Angliam esse missos; ita nec alterius, quam sancti Gregorij monasterij monachos in Anglia ad illud vsque tempus propagatos; Benedictinos vero postea subinductos. Quod si contentis monachos S. Gregorij fuisse Benedictinos: iam prouoco ad disputatam pluribus de hoc capite quæstionem. Quod vero tardius, quam putes, in Anglia monachi obseruandam acceperint Regulam sancti Benedicti, id hæc etiam ratione comprobatur euidentius: quod si Regula S. Benedicti iam a tempore S. Gregorij in Anglia innotuisset, ex cuius præscripto, quæ erant in Anglia monasteria, vitam monasticam excolerent: quid opus fuit S. Bonifacio Germanorum Apostolo, vt propagaret monachismum in Germania, illumq. optimis Regulis instrueret, mittere in Italiam ad Cassinense cœnobium Sturmi suum discipulum, vt ibi disceret, quod alios docere posset? Quid, inquam, opus fuit hæc quærere ab externis, si ijs domestici abundabant?

Insto amplius: Si a tempore S. Gregorij innotuisset S. Benedicti Regula apud Anglos, eademq. monachismo ibi florente præ manibus cunctorum fuisset: quid ab Anglicano monacho, ab ipso, inquam, Bonifacio, Anglicanum monachum Sturmi discipulum suum, sub regulari obseruantia S. Vuigberti educatum, Cassinum mitti oportuisset ad discendum, quod iam in patria a pueritia didicisset? Vixerat Bonifacius in Angliæ monasterio sub regimine S. Vuigberti viri sanctissimi, in cuius laudem duæ extant Bedæ homiliz eius natali die dictæ, cuius hortatu prædicationem ad Gentes susceperat; de cuius obitu, & de bene disponenda monasterij cura extat etiam Bonifacij ipsius epistola ad eiusdem monasterij monachos, inter quos vltimo loco ille censetur, qui ab ipso Cassinum legatus est ad S. Benedicti Regulas addiscendas. de qua quidem legatione Rudolphus^b in vita S. Liobæ, quam fidelissime scripsit, hæc habet: Volens Bonifacius vtriusque professionis, monachorum scilicet & monacharum ordinem obseruari: idoneum vtique magisterium studuit adipisci, misitq. Cassinum montem Sturmi discipulum suum, virum genere & moribus nobilem, vt in monasterio, quod beatus pater Benedictus instituit, disciplinam regularem, & vitam, moresq. monasticos agnosceret, pastorq. futurus, discipulus fieret, atque in sua subiectione disceret, quomodo alijs præesse debuisset.] hæc Rudolphus, qui Rabani sui magistri præcepto hanc sanctæ Liobæ vitam scripsit.

Si igitur (vt dictum est) in Anglia S. Benedicti Regulæ innotuerant; quid monachum iam veteranum ad illam addiscendā in cœnobio Cassinensi in Italiam mitti oportuit, eumq. ibi multo tempore commorari? Certe dici non potest, illuc missum veteranum monachum, vt instrueretur obseruantia regulari, quam ab ineunte ætate excoluisset; neque quod eiusmodi regularis obseruantia tunc in Anglia defecisset. Etenim tunc temporis magis floruit Ecclesia Anglicana monastica obseruantia, quam Beda, aliq. sanctissimi viri adhuc superstites summo studio custodiebant, atque ad externos propagabant, vt ex eiusdem Bedæ scriptis apparet, nec non ex eiusdem S. Bonifacij ad suos Anglos litteris datis,

quæ

^a Annal. 10.9
an. D. 719. in
fine.

^b Apud Sur.
10. 5. die 28.
Septemb.

quæ recitantur Nono Annalium tomo . At nimirum, quod hæcenus ignota fuisset in Anglia, S. Bonifacius nouella monachorum germina in Germania plantaturus, æmulans, secundum Apostolum, charismata meliora, vt ea Regula, quam Romæ cum esset, omnium perfectissimam a S. Benedicto conscriptam haberi didicerat, nouellos monachos informaret; illuc eum, qui disceret quod doceret, misit Sturmum discipulum, quem constituit primum Abbatem famosissimi monasterij Fuldenfis a se erecti . Ex quibus omnibus redditur exploratum, nec viuentem Beda, nec Bonifacio in Germaniam missio ex Anglia, adhuc in Angliam S. Benedicti Regulam allatam, receptamq. a monachis dici posse, nedum vt affirmari debeat, Benedictinos fuisse monachos, qui in Angliam a sancto Gregorio missi sunt, quod Ioannes diaconus falsa ductus coniectura primus asseruit, & alij ipsum incaute sequentes eodem cum ipso errore lapsi affirmarunt, sed quæ post hæc sunt allata duabus tuis reliquis Sectionibus videamus .

Vendicas tibi decimasexta Sectione traditionem ad probandum, sanctum Gregorium fuisse monachum Benedictinum; standumq. maiorum traditionibus, vt suadeas, multum laboras; cum magis in eo tibi fuisset insudandum, vt ostenderes hanc quam asseris, vere esse traditionem; quod si consequi potuisses, iam hac vna demonstratione rem ex sententia absoluisses, sed quam male abs te traditionis nomen vsurpetur, paucis ostendam . Illud traditione receptum asseritur, quod (vt docet Vincentius Lirinensis, & alij) nulla cogente scriptura, ab omnibus, semper, & vbique est custoditum, quod & superius dictum est . At quod a nullo, nusquam, a tempore S. Gregorij vsque ad Ioannem diaconum per trecentorum fere annorum spacium traditum inueniri potest: quoniam pacto traditionem esse veterem, poteris affirmare? Quod autem ante Ioannem diaconum nulla de Benedictino Gregorij monachatu traditio antecesserit: inde certo cognoscas, quod Ioannes ipse diaconus, eius rei primus asseritor, nullam sibi vendicans traditionem, quæ non extaret, & sola ipsi satis fuisset; probationibus vndique destitutus, ad duas easdemq. exiles confert se coniecturas; quarum alteram male comparatam ex monachis Benedictinis a S. Gregorio in Angliam missis, iam proxime confutatam audisti; alteram ex pelliceo eius cingulo male deductam, iam iam pari in errore versari cognoscas .

Quod autem ex depictis in vestris monasterijs S. Gregorij imaginibus cum insignibus S. Benedicti traditionem pariter tibi vendicas, traditionem infringis . nam quod non id factum ab omnibus, nec vbique, nec semper in Ecclesia Occidentali possit ostendi: non communem vsum ita pingendi S. Gregorium, sed priuatum vestrorum studium magis insinuas . Certe cum innumera reperiantur vbique pictæ venerandæ tanti Patris imagines, nusquam illæ nisi apud vestrates, & ipsæ haud adeo antiquæ, nec adeo frequentes, hoc schemate Benedictino ostendi possunt effigiatæ; cum in his, sicut in reliquis, S. R. E. consuetudo spectanda potius, ac seruanda fuisset, quæ nunquam Benedictino habitu S. Gregorium pi-

etum exhibuiſſe cognoscitur; ſed habitu Pontificio cum reliquis Ecceſiæ Doctõribus indutum vbique repræſentare conſueuiſſe, patet. Sit igitur ex his decimæſextæ ſectiõni in omnibus ſatiſfactum. iam vero quæ ſequenti vltima ſectiõne habes, inſpiciamus.

Vltima iſta tua ſectiõne niteris multiplicium Scriptorum auctoritatibus demonſtrare S. Gregorium monachum fuiſſe Benediõinum: quæ in re antiquiorem Ioanne diacono nullum inueniſti, quem teſtem afferres. hic vero, qui (vt ſæpius dictum eſt) poſt trecentos ferme annos a S. Gregorio vixit, cuius & quantæ ſit fidei, vt dicas, te ipſum appello, qui iure redarguis eum, quod dicat eundem Gregorium ab Hilarione Abbate monaſticum indumentum ſuſcepſiſſe. Sed alia, quæ tu ab eo dicta probas, an ſibi conſtent, diligentius ſunt examinanda. Enimvero Ioannes hic diaconus cum ſuo tempore, vt teſtatur, videret monaſterium S. Gregorij a Græcis inhabitari; eos poſtea in illud irrepſiſſe, non autem illic ab initio a S. Gregorio inſtitutos eſſe, probare inſtituens, duplici ratione id facere laborat: ^a altera vt oſtendat Gregorium non calluiſſe Græcas litteras; altera vt doceat, ipſum fuiſſe Latinæ inſtitutionis monachum S. Benediõti Regulæ profeſſorem. Sed quod ad priorem, quantum ad Græcos ſpectat: facile potuit contigiſſe, vt vna cum Regulis S. Baſilij, quæ tunc (vt dictum eſt) frequentiori in uſu apud Latinos erant, etiam aliqui Græcarum litterarum profeſſores ſe miſcuerint illis, vt in Maximiano Syracuſano, qui præfectura eiſdem monaſterij perfunctus eſt, viuente S. Gregorio, factum apparet. Nam ſiculos eo, quod poſt tempora Juſtiniani in illam uſque diem ſub Græcorum Imperio vixerint, Græcis litteris uſos, veteres ſcriptores ſiculi, vt Glicas, Petrus, Græci hiſtorici, & alij fidem faciunt. vnde facile accidere potuit, quod iuxta illud: In habentes ſymbolum facilis eſt tranſitus: ex eo quod S. Baſilij Regulis S. Gregorij monaſterium inſtitutum potius exiſtimetur, ad huiusmodi Græcos S. Gregorij monaſterium tranſierit, & ſic poſtea perſeuerarit uſque ad Ioannis diaconi tempora, & non, vt a Latinitate in Græcitatem, neceſſitate (vt ait) potius quam voluntate ſit cõuerſum. Horum vero occaſione dicere non prætermittā, in antiquioribus ſedibus S. Equitij, in iſpa ciuitate Aquila uſque hodie perſeuerare monaſterium monialium tituli S. Baſilij, & in eo eiſdem Regulæ obſeruantiam, quod illud fuiſſe exiſtimatur, cuius cum meminit S. Gregorius, ſub cura S. Equitij fuiſſe tradit: Quibus etiam appareat, S. Equitium ſubiectos ſibi monachos ad eiſdem S. Baſilij Regulas informari, & S. Gregorium ab illis idem inſtitutum didiciſſe.

Sed dum a Græcis idem Ioannes diaconus nititur auocare S. Gregorij monaſterium, & tranſerre in Benediõtinos: probare ſtudet, S. Gregorium fuiſſe ordinis S. Benediõti, ac proinde ex Latinis. Inde autem argumentum ducit, quod cum venerandum eiſus corpus eſſoſum fuit, inter alia indumenta cingulum inuentum fuerit, quo uti ſolerent monachi Benediõtini, additque: Porro in exilitate balthei, quæ vnus pollicis menſuram nunquam excedit, ſpeciem propoſiti regularis olim a S. Benedi-

Ad statuti, cuius vitam ipse describens in dialogo, Regulam quoque, laudauerat, cum seruasse luce clarius manifestat.] hzc Ioannes, cuius erat, illud quoque monstrare cingulum, quo alij diuersorum ordinum monachi vterentur tempore S. Gregorij, ab ea mensura & forma fuisse diuersum, vt ostenderet hanc peculiarem fuisse ordinis Benedictini: quod cum minime fecerit, nullius roboris ostenditur argumentum. Zona quidē pellicea vt consueuisset reliquos monachos, docuit Pachomius in Aegypto, Basilius in Oriente, in Occidente Cassianus in Gallijs, & Fulgentius in Africa: cū alioqui haud adeo certa zona, certa q. mensura eius a S. Benedicto in Regula prescribatur. Nam dum cōtigit ab eo numerari singula monachi indumenta, de zona siue cingulo verbum nullum, alibi verodum monet, vt monachi vestiti dormiant, obiter dicit, vt cingulo, siue fune se cingant. Quoniam autem horū altero tempore S. Gregorij Benedictini monachi vterentur, cum non sit certum (cum cuiusque arbitrio id S. Benedictus reliquerit, quorum altero vti vellent) certe ex cingulo nullum aliud deduci argumentum posse videtur, nisi quod S. Gregorius monachus esset. En vides quotupliciter Ioannes diaconus confutetur: quo eadente, reliquos omnes necesse est, qui eum secuti esse noscuntur, eadem ruina cum ipso iacerē sepultos, recentes, inquam, illos, quos numeras, longa serie ostentans auctores. Nam ex antiquioribus haud est facile quemquam inuenire, cum neque id asserant scriptores rerum Cassinensium Leo Ostiensis, vel Petrus diaconus alumni eiusdem cœnobij Cassinensis.

2. At verò eumdem Petrum frustra tibi fauere putas, quem ista dicentē citas: Adeodatus, ac Stephanus nuper defunctus ex monachis fuisse leguntur, qui tamen gloriosissime Apostolicam Sedem gubernarunt; Gregorius ex monasterio raptus, ac violenter insulatus, non solum suas protulit, sed etiam aliorum dispositiones meliorare studuit.] hzc enim ex eo cum recitas, quid inferis? Cum, inquis, pro certo habeatur, Adeodatum fuisse monachum Benedictinum, & Stephanum Benedictinum, Gregorius post eos nominatus a Benedictinis cur excludendus? Non est nostri modo instituti de aliorum, quam Gregorij monachatu disserere. sed verum esto, quod dicis: vnde inferis Gregorium Benedictinum fuisse, cum Petro illic non sit propositum Benedictinos tantum monachos, sed alios etiam cuiuscumque sint ordinis recensere? ita pariter id male deducis ex Bonifacio Papa Quarto, de quo in Apologetico dictum.

3. Post hæc destitutus antiquorum testimonio, ad recētiore & nostri sæculi Scriptores te conuertis, citans Polydorum Virgilium, nihil præterea addentem ad verba Ioannis diaconi, quē, vt liquet, absque veritatis peruestigatione sequutus est: post quem quinto loco ponis adhuc viuentem auctorem Arnoldum, cuius quanta sit in antiquitatibus fides, ex volumine, quod edidit de stemmate Aniciano, doctissimi, quique rerum antiquarum Critici intelligunt. Prætermittimus autem enumerare singulos nominatim recentiores, qui id ipsum obiter absque aliqua rei discussione

testan-

testantes, cum plurimorum ne propositum quidem fuerit id constanter asserere, sed quod incideret occasio, vt Gregorij monachatus mentionē aliquam facerent, eum ex Ioannis diaconi asseritione Benedictinum monachum fuisse scripserunt. Ita nobis de se est ingenue professus doctissimus Bellarminus, qui vbi hæc ipsa nostra vidit, atque laudauit, excusationem attulit, se verum existimasse, quod de S. Gregorio Ioannes diaconus testatus esset, cum de his sibi obiter agere contigisset. Quam pariter excusationem asserrent omnes, qui id litteris prodiderunt, si viuerent; nimirum se non per controuersiam ex professo disputasse, fuerit ne id verum an falsum; sed quod apud Ioannem diaconum se legere meminissent, id bona fide scripsisse, procul abhorrentes, vt aliquod scriptis suis allatum vellent præiudicium veritati. sufficiat igitur ista ad omnes huiusmodi abs te citatos vna responsio.

Ponitur demum abs te, quod recitas, sancti Gregorij Papæ nomine priuilegium, concessum monasterio Cassinensi, cum eidem præfesset Bonitus Abbas, quem ordine quintū a S. Benedicto numerat Leo Ostiensis, quo quidem priuilegio disertis ferme verbis asseritur. S. Gregorius monachus eiusdem ordinis. Ideoq. vltimo loco a te proponitur, quod, vt profiteris, satis superq. istud vnum sufficiat ad vniuersam dirimendam controuersiam; & cuncta, quæ a nobis in contrarium allata sunt, ipso eius tantum aspectu penitus conuellenda. Non præterierunt ista Baronium; immo vidit, & quam exactissima peruestigatione huiusce priuilegij singula verba discussit: excussit vero procul, vbi non germanum, sed omnino adulterinum, & in omnibus commenticium comperit, nec suis dignum iudicauit Annalibus: ita silentio sepultum relinquens, ne, si prodideretur in lucem, imposturæ suæ putore, magno omnium vestrum dedecore, Lectoris nares offenderet. Sed quando tu illud, velut aliquid pretiosum e Cassinensi codice prodix, ac tamquam purum aurum profers: non nobis, sed tibi imputetur, si nos cogis inuitos tantam imposturam detegere, palamq. cunctis intuendam exponere, vnde tui erubescant, qui illud citant, retinent, fouent, atque defendunt. Verum, quod sciamus, non esse vestrum inuentum, quod cum alijs superius confutatis commenticijs scriptis, ante centum ferme annos editum constat opera Laurentij Vicentini vestri ordinis monachi, qui primus illud vna cum alijs eudendum curauit, & illa omnia in antiquioribus codicibus se inuenisse testatus est: ab omni imposturæ suspitione vos penitus libero: quin etiam futurum spero, vt manifeste cognita veritate, constanti & ipsi animo aduersus falsitatem proditam & conuictam pro veritate certantes, omnes id genus excremini imposturas vna cum impostorijs. quod mihi quidem æquum est credere de religiosissimis viris, sanctissimi Patris filijs. De his igitur acturi, primum omnium ob oculos legentium exemplum recitati abs te priuilegij hic describamus, quo facilius, quale sit illud, quisque prudens valeat intelligere. sic enim se habet:

Gregorius Episcopus seruus seruorum Dei dilecto in Christo filio, Bonito

Bonito Abbati venerabili monasterij beati Baptiste Ioannis siti in castro Cassini, eiusdemque successoribus regulariter substituendis in perpetuum.

Quando ad ea, quæ Catholicorum Regum corda Pontificalibus sunt monitis prouocanda, ita ardenti desiderio, diuina præueniente gratia, succeduntur, ut ab ipsis ultro poscantur: tanto alacri & læto sunt animo concedenda, quanto & ea ipsa cupiunt, si nolent facere, peti debuerant. Proinde iuxta vestram petitionem pro amore, quem in COMMUNI PATRE ET MAGISTRO NOSTRO BENEDICTO, & in discipulis eius specialem & singularem gerimus, monasterio Cassinensi, quod nuper sub prædecessore nostro Pelagio a Longobardis est incensum, cui tu præfisse dignosceris, huiusmodi priuilegium præsentis auctoritatis nostræ decreto indulgemus, concedimus, atque firmamus, statuentes, nullum Regum, Antistitem, nullum quacunque præditum dignitate, vel quemcumque alium de his, quæ eidem monasterio a Patricio Tertullo, Equitio, & nobis donata sunt, vel in futuro a quibuscumque alijs de proprio fuerint iure collata, sub cuiuslibet causæ occasionis specie, minuere, vel auferre, & siue suis vsibus applicare, vel alijs quasi pijs causis pro suæ auaritiæ excusatione concedere. Sed cuncta quæ ibi oblata sunt, vel offerri contigerit, tam a te, quam ab alijs, qui in tuo officio, locoque successerint, perenni tempore illibata, & sine inquietudine aliqua volumus possideri, eorum tantum vsibus, pro quorû sustentatione, gubernationeq. concessa sunt, modis omnibus profutura.

Item constituimus, ut obeunte te Abbate suprascripti monasterij, non alius ibi quacunque præceptionis astutia ordinetur, nisi quem consensus monachorum secundum timorem Dei & patris Benedicti Regulam ordinauerit. Hoc quoque capitulo subiungimus, ut locum auaritiæ excludamus: nullum de Regibus, nullum de sacerdotibus, vel quemcumque alium per se, suppositamve personam, de ordinatione eiusdem Abbatis, vel quibuscumque causis monasterio ipsi pertinentibus audire siue aliquolibet specie commodi quidquam accipere. Neque eundem Abbatem ordinationis suæ causa dare præsumere, ne hac occasione ea, quæ a Fidelibus pijs locis offeruntur, aut iam oblata sunt, consumantur. Et quia multæ occasiones in deceptione religiosarum personarum a prauis illic (ut dicitur) hominibus exquiruntur: Abbatem atque presbyterum dicti monasterij nullo modo priuandum, deponendumque esse censemus, nisi causa specialiter criminis exigente. Vnde necesse est, ut si qua contra eum huiusmodi querela surrexit: Romanus Pontifex subtiliter hoc inuestigare procuret, quatenus canonicæ distributionis iudicante censura, aut reum ferire, aut innocentem possit absolvere.

Simili quoque definitione decernimus, ut nullus eorum, qui eidem monasterio Abbas fuerit ordinatus, direptiones de bonis ipsius ecclesiæ audeat facere, ne res monasterij iniqua erogatione consumens grauissimam egestatis necessitatem pauperibus, & peregrinis, vel ceteris exinde

de viuentibus generet. Episcopum verò tollendi de eodem loco monachum ad ecclesiasticum ordinem promouendum, vel alio, quacumque causa sine consensu Abbatis atque Præpositi habere licentiam prohibemus, ne huius rei vsque ad hoc vsurpatione perducatur, vt loca, quæ acquisitione hominum construenda sunt, ablatione destruantur.

Hæc igitur omnia, quæ huius Præcepti nostri pagina cõtinet, tam tibi, quam cunctis, qui in eo, quo es, ordine, locoq. succellerint, vel eis, quorum interesse potuerit, in perpetuum seruanda decernimus. Si quis verò Regum, sacerdotum, iudicum, atque sæcularium personarum hanc nostræ Constitutionis paginam agnoscens, cõtra eam venire tentauerit: potestatis, honorisq. sui dignitate careat, reumq. se diuino Iudicio existeret de perpetrata cognoscat iniquitate. Et nisi vel ea, quæ ab illo male sunt oblata, restituerit, vel digna penitentia illicita acta desleuerit; a sanctissimo corpore & sanguine Dei Domini Redemptoris nostri Iesv Christi alienus fiat, atque in æterno examine districtæ ultioni subiaceat. Cunctis eidem loco ista seruantibus sit pax Domini nostri Iesv Christi, quatenus & hic fructum bonæ actionis percipiant, & apud districtum Iudicem præmiæ æternæ pacis inueniant.

EGO GREGORIVS. Catholicæ Ecclesiæ Episcopus subscripsi.

Ego Ioannes Episcopus Surrentinus subscr.

Ego Agnellus Episcopus Tarracinenfis subscr.

Ego Felix Episcopus Portuens. subscr.

Ego Fortunatus Episcopus Neapolitanus subscr.

Ego Primenius Episcopus Ostiæ subscr.

Ego Gloriosus Episcopus Ostiæ subscr.

Ego Albinus Episcopus Furni subscr.

Ego Mennas Telesinus subscr.

Ego Basilus Capuanus subscr.

Ego Constantius Nomentanus subscr.

Ego Montanus Souanenfis subscr.

Ego Victor Faustinensis subscr.

Ego Ioannes presbyter tit. SS. Geruasij & Protasij subscr.

Ego Deusdedit presbyter tit. SS. Ioannis & Pauli subscr.

Ego Andromachus titulus. Eudoxiæ subscr.

Ego Rusticus presbyter tit. S. Sufannæ subscr.

Datum anno tertio decimo Imp. domini Mauritij Tiberij perpetui Augusti, Consulatus eius anno vndecimo, tertio Nonas Octobris, Indictione quarta.] hætenus diploma, in cuius fine tu mutasti, vt loco Indictionis quartæ, supposueris quartamdecimam, qua licentia nescio. Nam si ex alio codice, certe lectio, quæ saltem per annos centum inuoluit, relinquenda vel in margine erat, cum præsertim neque annus decimus tertius Mauritij Imperatoris cum Indictione decima quarta consentiat, neque Consulatus vndecimus eidem aptari possit, vt ex eodem Gregorio facile est demonstrare, qui Indictionem quartam cum dicto Consulatu vndecimo iungit in publicis monumentis, vt inferius ostensuri

furi sumus, cum etiam, qua arte id sit factum, pariter ostendemus.

Audisti, Lector, veritatis amator, Gregorij nomine diploma scriptum an autem aliquo modo subsistat, rogo, vt audias; te ipsum enim iudicem appello. Atque primum omnium, quod ad consignatum tempus dati priuilegij pertinet, quotupliciter inter se pugnet, cū datum dicatur anno decimotercio Imperatoris Mauritij, qui est annus Redemptoris quinquagesimus nonagesimosextauius, cum quarta, quæ in eo ponitur, Indictione, quæ incidit in annum Christi sexcentesimumprimum, cum & Consulatus vndecimus Mauritij ibi positus neque Indictioni, neque Imperij Mauritij anno conueniat, qui incidat in annum quingentesimum nonagesimumseptimum.

Sed quod turpius, ex quibus locis scriptorum sancti Gregorij compilatum fuerit veluti per centones hoc diploma, operæpretium est vt intelligas. Falsitatis imprudens architectus, in primis ex priuilegio^a sancti Gregorij Papæ, concessio monasterio sancti Medardi in Gallia, instantibus Francorum Regibus, eius exordium transtulit, quod sic se habet: Quando Catholicorum Regum corda ad ea, ad quæ Pontificalibus sunt monitis protocanda, ita ardenti desiderio, diuina præueniente gratia, succeduntur, vt ab eis vltro poscantur: tanto sunt lætius concedenda, quāto ea ipsa, quæ cupiunt, si nollent facere, peti debuerunt. Hæc, inquam, extāt in priuilegio monasterio sancti Medardi a sancto Gregorio concessio, petentibus (vt apparet) Francorum Regibus, quæ sunt in dictum priuilegium datum Bonito translata. De quo nihil est, quod dici possit, solitum principium commune esse ceteris eiusdem generis instrumentis. Concedimus id in formulis consuetis; at secus in alijs: vt hic perspicitur, dum principium hoc (vt conferendo intelligere poteris) improprie & inepte prorsus, vtpote quod ad rem non spectet, impostor ille, quisquis fuerit, transtulit in recitatum priuilegium, Bonito, vt videri voluit, Abbati Cassinensi concessum, cui nullatenus aptari poterat, vt dici posset, instantibus id Regibus concessum, vt habet illud sancti Medardi, quod petentibus Francorum Regibus tributum fuisse diximus. Cum enim eo tempore summa rerum potiretur Mauritius Imperator: quibusnam instantibus Regibus potuit priuilegium esse concessum? certe non Longobardis, qui necdum Catholici erant, nec ibi regnabant, sed vt hostes Ecclesiam infestabant, Urbem ipsam obsidentes. Sic & inferius multa alia, ex eo male desumpta inuenies, si conferas vtrumque.

Idem dicendum de ijs, quæ idem apposuit, aliquot ibidem subscribentium Episcoporum nominibus, quæ ex alijs publicis Actis auctor detegitur esse mutuatus, vt inferius demonstrabitur. Quin etiam (quod valde mirandum) ipsum quoque Consulatum & diem dati diplomatis accepisse cognoscitur ex alio priuilegio concessio Probo Abbati monasterij S. Andree, in cuius exordio ista leguntur: Anno Incarnationis Dominicæ sexcentesimo primo, eodemq. domno Mauritio vndecies Consule, sub tertio Nonarum Octobrium.] sed & Indictio quarta, quæ inferius in iisdem Actis ponitur, & ex ordine epistolarum eius Indictionis ostenditur, in

^a Greg. Registr. lib. 12.

^b Greg. lib. 9.

^c Greg. lib. 9. op. 22.

illud ipsum diploma translata noscitur; in quo tantum mutauit annos Christi in annos Imperatoris; errauit autem, ubi loco annorum salutis, decimumtertium posuit annum Mauritij Imperatoris. nam is annus Imperatoris non Indictione quarta, sed prima notatur, & non Consulatus vndecimo anno, sed duodecimo.

a Psal. 9. Mutuatus etiam est ex iisdem Actis nomina quatuor Episcoporum subscribentium; sed plane accidit secundum illud Dauidicum: *a* In operibus manuum suarum comprehensus est peccator.] siquidem subscribentes facit Fortunatum Episcopum Neapolitanum, & Agnellum Episcopum Tarracinensem, quos constat ante dictum annum Consulatus Mauritij vndecimum, & quartam Indictionem esse defunctos. etenim Fortunatum anno præcedenti, nempe Indictione tertia liquet esse mortuum: nam licet plures Gregorij epistolæ doceant eum ad Indictionem tertiam peruenisse; ex alijs tamen eiusdem epistolis, eadem tertia Indictione postea datis, *b* in quibus de successore subrogando agitur, iam illo ipso anno mortuus ostenditur. Sic & Agnellum Episcopum Tarracinensem, ad quem datæ nonnullæ epistolæ S. Gregorij leguntur, ex epistola ab eodem Gregorio data Indictione secunda, eadem ipsa Indictione defunctum cognoscimus, cum de eadem ecclesia suo viduata pastore, *c* agat. vnde certum redditur, illum ante biennium diem obiisse, qui huic priuilegio subscripsisse confingitur. Vides ergo, Lector, cuius fidei sit priuilegium, cui præter alia incongrua, etiam mortui Episcopi subscripsisse inueniantur? Ista fortasse sentiens, qui illud citauit & recitauit, antiquam lectionem conuellens, loco quartæ Indictionis, quartamdecimam supposuit, cum tamen nec lectio sic detorta subsistere possit, quod anni Consulatus Mauritij, cum annis Imperij ibidem positus nullo pacto consentiant.

d Pet. dia. Quod autem, vt commenticium robores diploma, auctoritatem citas Petri diaconi, qui meminisse huius priuilegij videatur, dum defendens iura Cassinensis cœnobij sic scribit: *e* Cassinensi ergo cœnobio Romani Pontifices Gregorius Doctor, & alij c x i r. idem permiscere iudicium, & tulere decretum; vt defuncto Abbate, ex sua Congregatione Abbatem sibi eligant secundum timorem Domini & Regulam S. Benedicti.] At tantum abest, vt his Petri verbis probes illud diploma germanum esse, vt potius euidenter ostendas, nequaquam esse posse Gregorij. Nam cum testetur Petrus S. Gregorij esse decretum, vt ex Congregatione sua Abbatem eligant: in hoc falso diplomate nequaquam id (quod maioris momenti esse videbatur) positum legitur; sed illa tantum verba: Item, constituimus, vt obeunte te Abbate supradicti monasterij, non alius ordinetur ibi, nisi quem consensus monachorum secundum timorem Dei, & Patris Benedicti Regulam ordinauerit.] in quibus nulla fit mentio de Abbate eligendo ex ipsa eiusdem loci Congregatione; qua potissimum mentione Petrus ad conuincendum altercantem aduersarium indigebat. Verum enimvero, quæ Petrus eo loco citat, ea ipsa sunt, quæ in germano sancti Gregorij omnibus monachis dato priuilegio scripta, reperiuntur.

reperiuntur: illo, inquam, quod depromptum ex bibliotheca Vaticana legitimum Baronius edidit in * Annalibus, in quo ista leguntur: Defuncto Abbate cuiusque Congregationis, non extraneus eligatur, nisi de eadem Congregatione, quam sibi propria voluntate concors Fratrum societas elegerit. Cum igitur citatum a Petro priuilegium non consentiat cum superius recitato abs te diplomate, quod illis maioris momenti careat verbis: plane conuincitur fuisse diuersum. Vides igitur, quam vere ad casum ipse potius impellas, quam sustentes quæ non subsistunt; cum ostendas magis illa esse falsa, quæ niteris vera monstrare? Sed licet hæc satis ad conuincendum falsitatis diploma, & plusquam satis esse noscantur: audi adhuc fortiora, quorum comparatione quæ sunt allata, quantumlibet fortissima, debilia videri possint.

Quod enim datum dicitur priuilegium illud Bonito Cassinensi Abbati post incensum destructumq. cœnobium Cassinense, & in monasterium Lateranense iam translatos monachos: monstri simile videri debet, vt Bonitus Cassinensis Abbas, & non Lateranensis dicatur, & priuilegium non Lateranensi, quod extaret, sed Cassinensi, quod erat excisum, monasterio datum ponatur. Tu verò ad excusationem fingis, Bonitum ipsum, quoad vixit, Abbatem Cassinensem appellari maluisse quam Lateranensem. At cum (vt patet ex priuilegio) non Bonito tantum, sed eius quoque successoribus datum constet, Lateranensis certe cœnobij, cui successores Boniti præfuturi erant, iidemq. dicendi Lateranenses Abbates (vt vere dicti sunt) mentio aliqua facienda fuerat, vt priuilegio comprehensi & non exclusi iudicaretur. Etenim quis dicere vquam possit, datum a sancto Gregorio Papa priuilegium Abbatibus Lateranensibus, sibi inuicem successoribus, & de Lateranensi cœnobio ab eo numquam in eo priuilegio habitam esse mentionem? non sic fatui erant, qui petebant, nec adeo insipiens, qui concedebat. Erat igitur tibi probandum, non Bonitum tantum dici (dum vixit) voluisse Cassinensem Abbatem, sed monasterium etiam Lateranense, Cassinense appellatum fuisse, & Bonito succedentes eiusdem monasterij Abbates, non Lateranenses, sed Cassinenses nominatos. sed nec id quidem satis: nam hoc ipsum in dicto priuilegio fuerat exprimendum ab ipso, qui dabat, Gregorio summo Pontifice.

Demum vero, vt moras præcidam, & te, Lectoremq. ab omni prorsus dubitatione liberem: irrefragabilem accipe de impostura manifestissima rationem. Quomodo potuit ista concessisse Bonito Abbati Cassinensi S. Gregorius, si ex tua, tuorumq. assertionem longe ante dati notæ priuilegij, constat eundem Bonitum esse defunctum? Nam siue ponas (vt habet) decimotertio Mauritiij Imperatoris anno, qui est Redemptoris quingentesimus nonagesimus octauus, siue (vt in eodem legitur) anno vndecimo Consulatus eiusdem, qui est annus salutis quingentesimus nonagesimus septimus, siue quarta Indictione, qui est annus sexcentissimus primus: tamen ex tua etiam assertionem ante datum dictum priuilegium liquet defunctum esse Bonitum, quem tu ipse asseris ex hac vita

migrasse anno quingentesimo nonagesimoquinto. Ceterum adhuc longe ante abs te definitum tempus obitus Boniti, ipsum esse defunctum, ex vestra pariter sententia, necessaria demonstratione comprobamus. Nam si quo tempore scripsit sanctus Gregorius dialogorum libros, erat annus quartus eius Pontificatus, ut eius testimonio liquet, & tu ipse confiteris, isq. annus erat Redemptoris quingentesimus nonagesimustertius; atque eo tempore non solum Bonitus non erat superstes, sed neque successor eius Valentinianus, cui post Faustum in Mauro Lateranensis cœnobij Abbatem Leo numerat, & tu minime inficiaris: Si, inquam, ante quartum annum Gregorij Pontificatus nec tertium Boniti successorem Theodorum qui multis annis monasterium Lateranense rexit, constat fuisse superstitem: quanto temporis intervallo ante Pontificatum sancti Gregorij oportuit defunctum esse Bonitum, cui a sancto Gregorio datum asseritur privilegium? Quæ omnia cum ex vestra de Abbatum temporibus assertionem, ipsorumq. successione sint deprompta, quomodo poteritis confutare?

Ex his tu modo percipe, Lector, (ut hoc obiter tangam) quantopere Bellortus cœcutiens erret, dum primum præfuisse monasterio Cassinensi Bonitum Abbatem asserit, anno quingentesimo septuagesimo-octavo, quo excisum est a Longobardis; creatumq. anno (ut ait) quingentesimo sexagesimonono; quem & peruenisse vult vsque ad quartum annum Pontificatus sancti Gregorij. sunt enim hæc eius verba: 'Post hunc Bonitus, qui vivebat eo tempore, quo Gregorius extremam manum imposuit dialogis, ut ex diplomate immunitatis ei concessa constat.' est is annus quingentesimus nonagesimustertius. ex quo inferius colligit, ipsum præfuisse Cassinensi primum, deinde Lateranensi, annos ferme viginti quatuor. sic omnia scilicet pro arbitrio concinnans, ut ostendat verum esse privilegium Gregorij, quod ipsi inscriptum est, donationemq. Gordiani, quam superius confutauimus, legitimam fuisse confirmet. Sed si ad illud tempus dialogorum scriptionis vult perseuerasse Bonitum Abbatem: ubi locus Valentiniani, quem S. Gregorius longo tempore tradit præfuisse monasterio Lateranensi? Vbi locus Theodori? Quando, inquam, Valentinianus præesse potuit? quando Theodorus, si totum tempus illud vsque ad scriptionem dialogorum Bonitum occupasse fateamur? Intelligat igitur totum id quod de Bonito dicit, aduersari sancto Gregorio, aduersari Fausto, cuius sententia, si alius a Bonito tunc præerat monasterio Cassinensi: utique euascescit, quod a vobis asseritur, Bonito illud a sancto Gregorio privilegium fuisse concessum.

Bonitum igitur, sub quo omnes affirmant dirutum fuisse a Longobardis Cassinense cœnobium, haud diu oportuit superuixisse in Lateranensi, ad quod translatus est, monasterio, post quæ eidem a sancto Gregorio longo tempore præfuisse dicantur Valentinianus, & post eum Simplicius, tertius Theodorus, quem (ait Faustus) prolixiori tempore eidem præse-

a Leo lib. 1.
63.

b pag. 170.
y. 23. & pag.
185. y. 18.
c ead. pag. y.
16.
d pag. 162. y.
23.
e ead. pag. y.
32.

præfctū fuisse, ita vt numerādo a Bonito Valentinianus dicatur secundus, Simplicius tertius, Theodorus quartus, qui (vt idem ait Faustus) post Valentinianum tertius præfuisse dicatur eidem monasterio Abbas. Quomodo ergo post hos potuit perseverasse Bonitus, qui defunctus eos habuit successores? Quod si etiam ab horum numero excludas Simplicium, remanet Valentinianus, quem ipse sanctus Gregorius affirmat longo tēpore præfuisse monasterio Lateranensi; remanet Theodorus, quem prolixiori tempore eidem præfuisse, Faustus affirmat. Videtis igitur, quot argumentis, atque in primis, quam manifesta sancti Gregorij & Fausti asserctione idem a vobis recitatum diploma privilegij apertissimæ conuincatur imposturæ, & monstruosæ deformitatis & falsitatis.

Quibus detectis, non tēpsum tantum N. compello, sed omnes reuerendos patres sanctæ Congregationis Cassinensis ingenuos professores, tanti patris sobolem honestissimam, sinceræ veritatis cupidissimam appello. e loco sancto, vt sanctior perseveret, eueritit quicquillas istas, quæ munda reddunt immunda, & integerrimæ existimationi vestræ plurimum detrahunt. Exurgite vindices veritatis; zelus aliquorū non secundum scientiam per vos ad veritatis scientiam reuocetur. Ceterum quod ad sanctum Gregorium spectat, facessat inuidia, exulet venenosa discordia, contentione istam charitas dirimat, vt idem Pater sanctissimus pastor omnium, totus vester, totus noster, totus omnium sit, nec minus totus omnium, & singulorum, quam totus vester, secundum quod dicit S. Apostolus: * Omnia vestra sunt, siue Paulus, siue Apollo, siue Cephæ (addam secure) siue Gregorius; vōs autem Christi, Christus autem Dei. Vt sic Deus omnia existens in omnibus, sit ab omnibus semper benedictus in Benedictio & Gregorio & omnibus Sanctis semper. Amen.

a 1. Cor. 3.

F I N I S.



Regestum

A B C D E F G H I K L M N O P.

Omnia sunt folia integra.

R O M A E,

Ex Typographia Vaticana. M D C I I I I.

SVPERIORVM CONCESSIONE.

.2 I N I 7

